

○第二利樂精進。

菩薩以此所行方便。於一切世界中。令一切衆生乃至究竟無餘涅槃。是名菩薩摩訶薩第四無屈撓行。

○疏即用前加行攝善。以利衆生。令彼涅槃。真安樂也。

圖第四無屈撓行。以精進波羅蜜爲體。有三十七行半經。分爲三段。一佛子已下。至一切佛法句義故而行精進。有二十二行半經。明菩薩不求世利。爲求佛一切智故行精進分。二佛子菩薩摩訶薩已下。至答言我能。有六行經。明菩薩爲衆生入地獄受苦無辭勞分。三設復有人已下。至無屈撓行。有八行半經。明菩薩爲饒益衆生故。多劫受苦不辭勞分。

大方廣佛華嚴經疏論纂要卷第三十九

大方廣佛華嚴經疏論纂要卷第四十

五臺山清涼國師澄觀疏鈔 太原方山長者李通玄論 閩鼓山私淑比丘道霈纂要

十行品第二十一之二

○第五離癡亂行。釋相中二。先總顯無癡亂。後別明無癡亂。今初。

佛子。何等爲菩薩摩訶薩離癡亂行。此菩薩成就正念。心無散亂。堅固不動。最上清淨。廣大無量。無有迷惑。圖句雖有六。義乃有十。初總餘別。總云成就正念。然通三義。皆名正念。一就奢摩他品。名爲正念。正念卽

定。以彼定心。離妄念之亂。故名爲正。此從業用立名。亦隣近立稱。故入正道中。正念定攝。起信論云。心若馳散。卽當攝來。令住正念。二就毗鉢舍那品。亦名正念。謂不偏鑒達。明了於緣。故下經云。正念諸法。未曾忘失。三雙運道。名爲正念。次下經云。以正念故。善解世間等。謂於緣明了。是無癡義。不異所緣。名無亂義。卽雙運也。又下經云。禪定持心常一緣。智慧了境同三昧。雖有毗鉢舍那。及雙運道。皆就心一境辨。名禪自性。別中初句復是無亂之總。謂不隨境轉。故無散亂。三障不能壞。名爲堅固。四緣不能牽。故云不動。五超劣顯勝。故云最上。六異世無染。故云清淨。上五釋無亂也。下四義釋無癡。謂七稱法界。故云廣。八趣一切智。故云大。九引發難量。故云無量。十不捨大悲。名無迷惑。上九別句。攝爲三禪。前六現法樂住。次二引生功德。後一饒益有情。因上九別句者。三禪卽瑜伽一切禪也。唯識但列而不釋名。瑜伽釋廣。今依攝論發六神通等殊勝功德故。三成所作事靜慮。請欲饒益諸有情類。以能止息饑儉疾疫諸怖畏等苦惱事故。

○第二別顯無癡亂。如次釋前十義。卽爲十段。亦初一爲總。釋前正念。第二復次下。別釋上九。今初分二。初句結前生後。後善解已下。顯正念之能。文曲分二。先雙標。後雙釋。今初。以是正念故。善解世間一切語言。能持出世諸法言說。

○正念有觀。故能善解。正念有止。所以能持。世言無益。但須善解。出世有益。偏語憶持。出世不解。應不持義。世言不持。應無記憶。故文雖影略。義必兩兼。解事解理。故名善解。

○二雙釋分二。先通就諸境明無癡亂。後此菩薩下。別約所持明無癡亂。今初。所謂能持色法非色法言說。能持建立色自性言說。乃至能持建立受想行識自性言說。心無癡亂。於世間

中。死此生彼。心無癡亂。入胎出胎。心無癡亂。發菩提意。心無癡亂。事善知識。心無癡亂。勤修佛法。心無癡亂。覺知魔事。心無癡亂。離諸魔業。心無癡亂。於不可說劫修菩薩行。心無癡亂。

函據無癡亂。文但有九。開初為二。句亦有十。謂法義別故。初句即法無礙。合蘊成二。謂色與心。非色謂心。即餘四蘊。二能持建立下。義無礙也。義有二種。自性亦二。一事。二理。事即質礙為色。性等。理即無性為色。等性。皆無名相中。施設建立。持言及義。即文義二持。今正覺理事。離妄分別。名無癡亂。此二釋上能持。下八釋上善解。義必兼具。故癡亂雙舉。三於五蘊生滅。得無癡亂。十地品云。死有二種業。一能壞諸行。二不覺知故。相續不絕。今此菩薩於二事理。靜無遺照。故無癡亂。四偏語胎生。明無癡亂。瑜伽第二說四種入胎。一正知入。而不知住出。所謂輪王。二正知入住。不正知出。所謂獨覺。三俱能正知。所謂菩薩。四俱不正知。謂餘有情。前之二人。尚有癡亂也。凡夫癡亂相者。謂下者。見所生處。在於廁穢。中者。見在宅舍。上者。見處華林。若男於母生愛。於父生瞋。謂競母故。女則反上。大集二十七。涅槃十八。二十九。俱舍第九。皆具說之。次三及十。文並可知。八九各有通別。別謂四魔十魔及業。如離世間品。及大品魔事。起信論說。若依智論。除諸法實相。皆菩薩魔事。起心動念。悉是魔業。今以智覺察。不隨其轉。如人覺賊。及偷狗故。知魔界如。與佛界如。如無二故。既覺其事。即不造其業。園別有四魔者。四謂天。陰。煩惱。及死。言十魔者。一蘊。魔。生。如。慢。故。五。死。魔。捨。生。處。故。六。天。魔。言。及。慢。縱。故。七。善。根。魔。恆。惱。魔。恆。雜。染。故。八。三。昧。魔。久。耽。味。故。九。善。魔。能。障。礙。故。四。心。魔。起。起。高。慢。故。十。善。提。法。智。魔。不。願。捨。離。故。六。天。魔。言。及。慢。縱。故。七。善。根。魔。恆。惱。魔。恆。雜。染。故。八。三。昧。魔。久。耽。味。故。九。善。魔。能。障。礙。故。四。心。魔。起。起。惡。心。故。十。善。提。法。智。魔。不。願。捨。離。故。六。天。魔。言。及。慢。縱。故。七。善。根。魔。恆。惱。魔。恆。雜。染。故。八。三。昧。魔。久。耽。味。故。九。善。魔。能。障。礙。故。四。心。魔。起。起。實。智。人。遠。懈。怠。者。輕。慢。亂。意。譏。嫌。惡。慧。乃。至。第。十。增。長。我。心。慢。無。諸。善。根。八。三。昧。魔。久。耽。味。故。九。善。魔。能。障。礙。故。四。心。魔。起。起。七。經。如。人。覺。賊。無。能。可。開。悟。是。為。魔。業。如。人。覺。賊。及。偷。狗。者。即。無。有。敬。於。邪。正。品。北。經。亦。如。來。性。品。即。第。一。言。善。男。子。於。我。所。說。若。生。疑。者。尚。不。應。受。況。如。是。等。是。故。應。當。善。分。別。知。善。男。子。當。如。偷。狗。入。舍。佛。

家婢使若覺知者。即應驅罵。汝疾出去。若不出者。當奪汝命。偷狗聞之。即去不還。汝等從今。不應如是降狗。更不復還。是言波旬。汝今不應作如是像。若故作者。當以五繫繫縛於汝。魔聞是已。便當還去。如彼偷狗。如是降伏波旬。不應從嘉興藏鈔本作亦與涅槃經合。不。

○第二別約所持法門。明無癡亂。文有二別。先正明。後徵釋。今初。

此菩薩成就如是無量正念。於無量阿僧祇劫中。從諸佛菩薩善知識所。聽聞正法。所謂甚深法。廣大法。莊嚴法。種種莊嚴法。演說種種名句文身法。菩薩莊嚴法。佛神力光明無上法。正希望決定解清淨法。不著一切世間法。分別一切世間法。甚廣大法。離癡翳照了一切衆生法。一切世間共法不共法。菩薩智無上法。一切智自在法。『菩薩聽聞如是法已。經阿僧祇劫。不忘不失。心常憶念。無有間斷。』

疏文三。初結前標後。次所謂下。正顯所持。三菩薩下。結無癡亂。二正顯中。有十五法。一所證理體。大分深義。所謂空故。即事真故。二即體業用之法。三具德相故。四一具一切。故云種種。上四即所證理法。五即能詮教法。義見初卷。六行法。以因嚴果故。七果法。上七通明門法。下八唯約地位。亦果行收。謂八即初地大願。已證理故。名正希望決定解。斷二障故。云清淨。九即根本智。十即後得。此二通至七地。十一甚深廣大法。即八地法。證深法忍。如法界故。十二九地。是法師位。了物機故。十三十地。知世間集共不共等故。苦無常等通色心故。名之爲共。色心類殊。名爲不共。又器世間名共。共業感故。衆生世間不共。自業成故。此二唯約所知。又隨他意行。名共。隨自意行。名不共。又靜慮無色四等五通。雖共凡小。菩薩無漏大悲。故名不共。十四等覺智。十五如來智。上豎明諸位。若約橫配者。初一唯因。後一唯果。中間六智。通於因果。而別義相顯。三菩薩聽聞下。結無癡亂者。不忘不癡。不失不亂。心常憶下。通結相續。

○第二徵釋。

何以故。菩薩摩訶薩於無量劫修諸行時。終不惱亂一衆生。令失正念。不壞正法。不斷善根。心常增長廣大智故。

圓釋中。以因深故。不亂衆生。得無亂果。不壞正法。增廣大智。得無癡果。不斷善根。圓根纂要得相續果。因果影響。孱然無差。

○第二別釋上九。今初釋前心無散亂。

復次此菩薩摩訶薩種種音聲不能惑亂。所謂高大聲。粗濁聲。極令人恐怖聲。悅意聲。不悅意聲。誼亂耳識聲。沮壞六根聲。此菩薩聞如是等無量無數好惡音聲。假使充滿阿僧祇世界。未曾一念心有散亂。所謂正念不亂。境界不亂。三昧不亂。入甚深法不亂。行菩提行不亂。發菩提心不亂。憶念諸佛不亂。觀真實法不亂。化衆生智不亂。淨衆生智不亂。決了甚深義不亂。

闕文二。初標。二所謂下。釋。釋中又二。前釋種種音聲。略列七種。言沮壞六根者。非唯引奪耳根。亦令餘根不能緣境。故名沮壞。根以見等而爲義故。又沮壞者。如治禪病經云。因於外聲。動六情根。心脉顛倒。五種惡風。從心脉入。風動心故。或歌或舞。作種種變。此卽破壞之義。旣壞意身。餘皆隨壞。然色可冥目。觸昧合知。香少詮顯。爲禪定刺。唯在於聲。故偏語之。明無癡亂。非餘四塵能亂也。故上忍中。遇身加害。心無散亂。二釋不能惑亂。文亦分二。先總明長時不亂。後所謂下。別顯不亂之相。句有十一。初總餘別。別爲五對。一境審心定。二教達行成。三憶因念緣。四觀真起用。五外淨他惑。自決義門。雖遇惡聲。此皆無損。上皆一

切種禪。謂通名義止觀及二利故。圖上皆一切種禪者。瑜伽四十三。一切種禪有六種七種。總成十三。言審思惟。六能引神通威力功德。言七種者。一名緣。二義緣。三止相緣。四舉相緣。五捨相緣。六現法樂住。七能饒益他。今云名義。即後七中一。二是也。止觀即六七中各是三四。二利即前六中五六。及後七中五七。

○第二釋前堅固。

不作惡業故。無惡業障。不起煩惱故。無煩惱障。不輕慢法故。無有法障。不誹謗正法故。無有報障。

圖堅固。謂四障不壞。是知菩薩正念堅固。亦是出前不亂之因。言法障者。於法不了。如彼牛羊。此即所知障也。三障為言。攝在煩惱。體即無明故。斯亦清淨靜慮也。

○第三釋前不動。

佛子。如上所說如是等聲。一一充滿阿僧祇世界。於無量無數劫未曾斷絕。悉能壞亂眾生身心一切諸根。而不能壞此菩薩心。

圖不動。謂惡緣不能牽故。悉能壞亂眾生身心者。彰聲之過。不能壞亂菩薩心者。對顯難思。
○第四釋前最上。

菩薩入三昧中。住於聖法。思惟觀察一切音聲。善知音聲生住滅相。善知音聲生住滅性。

圖最上。謂超劣顯勝故。此下三段。亦即出前無癡亂緣。正示現法樂住之相。言超勝者。初標人揀禪。云菩薩入。異凡小故。住於已下。舉法以揀。聖法即是無漏。揀於凡夫。思惟觀察。揀於二乘。二乘入禪。不能緣境。故身子不覺利害之手。迦葉不聞涅槃之音。圖身子不覺者。準智論說。舍利弗當道坐禪。有大力鬼。名為刑害。以手搏之。從禪定起。微覺頭痛。白佛。佛言。賴汝定力。此

鬼之力。獨須彌山。令如微塵。自今已後。莫當道坐。迦葉不聞者。如來二月十五日。晨朝出聲。普告一切言。如來今日。中夜當入。無餘涅槃。若有疑者。今悉可問。為最後問。然以佛神力。其聲徧滿三千大千世界。萬類皆至。而迦葉不聞。定起。方覺世界變異。驚怪詢問。方知如來入般涅槃。上之善知已下。正顯勝相。了性二事。一定中不能覺。觸。二定中不能聞聲。故知劣也。今菩薩善知。故為超勝。相則念念等者。然三相四相故。相則念念不住。取不可得。性則三相性空。固無所得。不得性相。遠順何依。相一念具足。已如初卷。今性相別明。若相融為四者。攬緣名生。生即無生。空有無礙。虛相安立。名之為住。住即無住。圓融形奪。隨緣轉變。名之為異。異即無異。兩相都盡。各無自性。名之為滅。滅即無滅。斯則即相而性。固無所得。

○第五釋前清淨。

如是聞已。不生於貪。不起於瞋。不失於念。善取其相而不染著。

○第六釋廣。
圓即清淨禪。順遠中境。不生三毒。不染善取。有定慧故。了相無相。故名善取。有斯正念。大地為鼓。妙高為椎。豈能亂哉。圓大地為鼓等者。如幻三昧經云。假使以大地為鼓。須彌為

知一切聲皆無所有。實不可得。無有作者。亦無本際。與法界等。無有差別。

○第七釋前大義。
圓廣。謂稱法界如虛空故。亦近釋前。文圓文。纂要及金體本誤作又。有六句。初總餘別。別中。無得。相空。無作人空。無際。性空。此三相盡。故法界理現。與法界等。事如理故。無有差別。理即事故。

菩薩如是成就寂靜身語意行。至一切智。永不退轉。

○第八釋前無量。
圓大者。趣一切智不退轉故。即難行禪也。

○第九釋前無量。

善入一切諸禪定門。知諸三昧同一體性。了一切法無有邊際。得一切法其實智慧。得離音聲甚深三昧。得阿僧祇諸三昧門。增長無量廣大悲心。是時菩薩於一念中。得無數百千三昧。聞如是聲心不惑亂。令其三昧漸更增廣。

圖無量者。謂引發難量故。文分爲三。初引自利德。文有六句。初標一切門禪。次四別顯。後一類結多門。則何定不攝。復云門者。三昧無量。數如虛空。今一中攝多。故名爲門。如牽衣一角。如纛王來。次增長下。引利他德。後是時下。結不爲亂。非唯不亂。本定更增。如猪揩金山。風熾於火。**圖**非唯不亂者。下出增相。猪以穢轉益明淨。斯乃外境之猪。益定山之淨。

○第九釋無迷惑。

作如是念。我當令一切衆生安住無上清淨念中。於一切智得不退轉。究竟成就無餘涅槃。是名菩薩摩訶薩第五離癡亂行。

圖迷惑。謂耽著禪味。不起大悲。是爲迷惑。今悲以導禪。故無迷也。此卽饒益有情禪也。住清淨念。卽現世樂。得智斷果。卽後世樂。是謂與二世樂也。

圖第五離癡亂行。以禪波羅蜜爲體。有四十九行經。分爲六段。一佛子已下。至修菩薩行心無癡亂。有十行經。明以正念隨於生死生中利無亂分。二此菩薩已下。至心常憶念無有間斷。有九行經。明菩薩聞持正念不亂分。三何以故已下。至未曾一念心有散亂。有七行半經。明以正念於好惡音聲無散亂分。四所謂正念不亂已下。至而不能壞此菩薩心。有八行半經。明聞法及利生無餘障分。五菩薩入三昧中已下。

至等無差別。有五行經。明觀聲無體堪忍分。六菩薩如是成就寂靜身語意行已下。至離癡亂行。有九行經。明身口意淨堪人諸法不離一性分。

○第六善現行。體即般若。翻體即般若者。亦忘三輪而照也。般若三輪者。境智衆生分別。就釋相中。文分二別。先明行相。後顯成益。前中亦二。先略。後廣。今初。

佛子。何等爲菩薩摩訶薩善現行。此菩薩身業清淨。語業清淨。意業清淨。住無所得。示無所得。身語意業。能知三業皆無所有。無虛妄故。無有繫縛。凡所示現。無性無依。

圓前中又二。先總標。後能知下。解釋。今初也。三業清淨。是能示體。示於三業。正是現義。住無得現。現即無得。寂用無礙。斯即中道。可稱善現。若異後有無而說中者。相待中也。圓住無得現者。住無所得。即空觀也。現言現即無得上二不二。中道觀也。故云寂用無礙。斯爲中道。從若示無所得。身等假觀也。故云住無得。異後下結彈古人。以瓔珞三慧別配得中道慧。是相待中。非得中也。二釋中。能知三業皆無所有。是住無得義。不妄取有。離二邊縛。是清淨義。凡所示現。無性無依。釋示無得義。以境無定性。心無所依。皆不可得也。三業皆示。故致凡言。

○二廣辨行相中三。初如實隨覺慧。二佛子此菩薩作如是下。於五明等善巧慧。三菩薩爾時下。能作有情義利慧。今初。如實覺於三業而現三業。於中先別明。後總結。前中三業。卽爲三段。今初意業。

住如實心。知無量心自性。知一切法自性。無得無相。甚深難入。

圓意業是二本。故首而明之。如實心者。用所依也。住者。心冥體也。知無量心等者。不礙用也。卽所示意業。多心多法。皆有諦也。境既無相。心何所得。卽無諦也。有無不二。故曰甚深。卽中道義也。不可以次第三觀。

而觀。故名難入。唯圓機方能入故。何者。若偏觀三諦。是常。是斷。是相待故。若總觀者。一則壞於三諦。異則迷於一實。故即一而三。即三而一。非三非一。雙照三一。在境則三諦圓融。在心則三觀俱運。住之與知。即是觀也。

○二釋示身業。

住於正位。真如。法性。方便出生而無業報。不生不滅。

闕正位等三。即示所依。方便已下。依體起用。由非惑業之生。故生滅即無生滅。此中正位。即真如異名。非約見道。以知契會。故稱爲住。無住住者。即住真如。

○三釋示語業。

住涅槃界。住寂靜性。住於真實無性之性。言語道斷。超諸世間。無有所依。

闕前之三句。示之所依。言語道斷。顯示而無相。即言亡言。是斷言道。故晉經云。非有說有。言語道斷。闕云。非有說有者。今經無此。示言相隱。但有言語道斷。即通身意。故引晉經意在有說之言。然上之所住。總有七種。體一名異。異從義別。一如實心者。即自性清淨心。是爲總相。次正位等三。即心之體性。正位者。法所住故。真如語其自體。是實是常。法性約爲諸法之本。迷此真如。有諸法故。成諸法已。不失自性。故名法性。亦即因相。涅槃等三。即是果相。住涅槃界。即是真如。體圓寂故。出二礙故。故智論云。有菩薩發心。即觀涅槃行道。恐此涅槃。濫唯在果。故云住寂靜性。謂約真如。體無妄動。即是涅槃。如此之性。體爲有無。故云無性。無性之性。即是實性。非謂斷無。故舉多名。方顯所住之深奧。依此示現。方明所現之爲善。

○二總結三業。

入離分別無縛著法。入最勝智真實之法。入非諸世間所能了知出世間法。此是菩薩善巧方便示現生相。爾總結三業中。初句結心。故無縛著。次句結身。即所住真如等。三結前語。即超諸世間等。末句總結三業。皆寂用無礙。故名善巧。善現之名。從斯而立。

○第二辨五明處三業中。決定善巧慧。故於文中。解世間法。於中分三。初以理會事。二菩薩如是下。事理無礙。三永不下。順理起悲。今初。

佛子。此菩薩作如是念。一切衆生。無性爲性。一切諸法。無爲爲性。一切國土。無相爲相。一切三世。唯有言說。一切言說。於諸法中。無有依處。一切諸法。於言說中。亦無依處。

國文有六句。一衆生緣生。故說無性。二法依眞起。故會歸無爲。三國是心之相分故。四時依法以假言故。五名無得物之功故。若名在法中。見義應知名故。六物無當名之實故。若法在名中。聞名則應識義。召火應當燒口故。國名無得物之功者。若依世俗名以召實。實以當名。故使命火不得於水。命水不得於火。今曾未相識。忽然見面。終不得知。此五六句。皆先標無依。後若名在法中。反以釋成。如有一人。雖先知有。召火不燒口。明知名中無有義也。亦應云。言飯即應已飽等。故智論四十七云。凡有二法。一者名字。二者名字義。如火能照。能燒。是其義。照是造色。燒是火用。二法和合名爲火也。今聞火名。不得照燒之義。故無得物之功等。

○二明事理無礙。

菩薩如是解一切法皆悉甚深。一切世間皆悉寂靜。一切佛法無所增益。佛法不異世間法。世間法不異佛法。佛法世間法無有雜亂。亦無差別。了知法界體性平等。普入三世。

闕文有七句。初一總顯甚深。餘句別顯深相。然世法與佛法。實無二體。假約事理以分其二。故以五句顯非一異。一世相卽空。故云寂靜。二佛法平等。故無增益。三以理無不事。故佛法不異世法。事無不理。故世法不異佛法。四此全理之事。與全事之理。而事理不雜。五各全收盡。互無所遺。故云亦無差別。末句了前諸法。同法界體。故得鎔融。普入三世。橫豎該攝。若約漏無漏說。爲世法佛法各具事理釋者。一生死卽涅槃。故云世間寂靜。二無有一法非佛法故。更何所增。三二法染淨雖殊。同一眞性。故不相異。四不壞相故。無有雜亂。五皆是卽理之事。而各互收無遺。卽無差別也。六同一法界。總顯所因。

○三順理起悲。

永不捨離大菩提心。恒不退轉化衆生心。轉更增長大慈悲心。與一切衆生作所依處。

闕謂無緣之悲。以導前忘機之智。入假化物。初句爲總。謂雖深入智慧。不忘本心。非如八地。心欲放捨。下三句別。一不捨願炷。二增大悲油。三兼前智光。故堪爲依處。闕非如八地者。八地菩薩。證無生忍。便欲放捨。是不忘本心。不捨願炷等。卽菩提燈。

○第三作一切有情義利慧。於中二。先建攝生志。二後已先人。今初。

菩薩爾時復作是念。我不成熟衆生。誰當成熟。我不調伏衆生。誰當調伏。我不教化衆生。誰當教化。我不覺悟衆生。誰當覺悟。我不清淨衆生。誰當清淨。此我所宜。我所應作。

闕文有五句。成熟是總。或因成果熟故。或始末勸獎故。餘句是別。一折伏。二攝化。三令悟本性。成大菩提。四斷惑清淨。得涅槃果。

○二後已先人。

復作是念。若我自解此甚深法。唯我一人於阿耨多羅三藐三菩提獨得解脫。而諸衆生盲冥無目。入大險道。爲諸煩惱之所纏縛。如重病人。恒受苦痛。處貪愛獄。不能自出。不離地獄餓鬼畜生閻羅王界。不能滅苦。不捨惡業。常處癡暗。不見真實。輪迴生死。無得出離。住於八難。衆垢所著。種種煩惱。覆障其心。邪見所迷。不行正道。菩薩如是觀諸衆生。作是念言。若此衆生未成熟。未調伏。捨而取證阿耨多羅三藐三菩提。是所不應。我當先化衆生。於不可說不可說劫行菩薩行。未成熟者。先令成熟。未調伏者。先令調伏。

圖文分爲四。一假設自度。二而諸衆生下。觀物輪迴。具業惑苦。三菩薩如是下。結所不應。有二過故。一違本誓心。二墮慳貪失。此爲不可。四我當下。決志先拔。圖二墮慳貪失者。法華第一云。自證無上道。大乘平等法。若以小乘化。乃至於一人。我則墮慳貪。此事爲不可。

○第二顯行成益。

是菩薩住此行時。諸天魔梵沙門婆羅門一切世間乾闥婆阿脩羅等。若有得見。暫同住止。恭敬尊重。承事供養。及暫耳聞。一經心者。如是所作。悉不唐捐。必定當成阿耨多羅三藐三菩提。是名菩薩摩訶薩第六善現行。

圖於中三業不空。是爲徧益。終至菩提。是究竟益。

圖第六善現行。以般若波羅蜜爲體。有四十行半經。分爲四段。一佛子已下。至方便現生相。有十行半經。明知生之無性。示現方便現生分。二佛子已下。至與一切衆生作所依處。有十行經。明菩薩達心境一切

法無性無依。而教化衆生與作依處分。三菩薩爾時已下。至不行正道。有十一行經。明念度衆生分。四菩薩如是觀諸衆生已下。至善現行。有九行經。明度衆生未盡。不取自證涅槃分。
大方廣佛華嚴經疏論纂要卷第四十

大方廣佛華嚴經疏論纂要卷第四十一

五臺山清涼國師澄觀疏鈔 太原方山長者李通玄論 閩鼓山私淑比丘道霈纂要
十行品第二十一之三

○第七無著行。體卽方便。

佛子。何等爲菩薩摩訶薩無著行。

【疏】依唯識二方便。由迴向故。不住生死。由拔濟故。不住涅槃。俱無住故。名爲無著。本業後四。亦各有三方。便。一進趣向果。二巧會有無。三一切法不捨不受。初卽迴向。二由巧會故。方能拔濟。不捨不受。相同般若。唯識唯明後得。故不立之。本業約兼正不同。不妨此一。無之由兼正之義。下當知。三皆善巧。故俱無住著。則不二而二之悲智。卽二不二之一心。是無著也。迴向卽大智故。巧會同拔濟。卽大悲故。此二相卽。故唯一心。二卽一心。故不著。二。一心卽二。故不著一心。有是幻有。無是眞空。幻有是不有有。故卽眞空。眞空是不空。故卽幻有。此二無礙。故名巧會。如是相融。故無所著。有能起用。空可觀察。故皆不捨。若受有同凡夫。受無同趣證。故俱

不受。

○二釋相中。大分爲二。前明自分無著。後明勝進無著。於自分中。已含前說二三方。便在文分三。初唯明自行無著。二何以下。徵釋所由。後菩薩如是下。類顯萬行。今初。

佛子。此菩薩以無著心。於念念中。能入阿僧祇世界。嚴淨阿僧祇世界。於諸世界心無所著。『往詣阿僧祇諸如來所。恭敬禮拜。承事供養。以阿僧祇華。阿僧祇香。阿僧祇鬘。阿僧祇塗香。末香。衣服。珍寶。幢幡。妙蓋。諸莊嚴具。各阿僧祇。以用供養。如是供養。爲究竟無作法故。爲住不思議法故。於念念中。見無數佛。於諸佛所。心無所著。於諸佛刹。亦無所著。於佛相好。亦無所著。見佛光明。聽佛說法。亦無所著。於十方世界及佛菩薩所有衆會。亦無所著。聽佛法已。心生歡喜。志力廣大。能攝能行諸菩薩行。然於佛法。亦無所著。』此菩薩於不可說劫。見不可說佛出興於世。一一佛所。承事供養。皆悉盡於不可說劫。心無厭足。見佛聞法。及見菩薩衆會莊嚴。皆無所著。』見不淨世界。亦無憎惡。

園初中。先明淨境無著。後見不淨下。染境不嫌。前中三。一明嚴刹無著。二往詣下。於三寶無著。於中初敬事供佛。次如是下。顯供所爲。後於念念下。別示無著之相。義兼三寶。及自進修。皆無所著。言念念者。顯速而且多。三此菩薩下。長時無著。二見不淨一句。染境不嫌。唯一句者。染易捨故。

○第二徵釋所由。

何以故。此菩薩如諸佛法而觀察故。諸佛法中。無垢無淨。無暗無明。無異無一。無實無妄。無安隱。無險難。無正道。無邪道。

國微意云。欣淨惡穢。人之常情。菩薩如何不嫌不著。釋意云。不依佛慧。淨穢自生。順法而觀。二相安在。故云。如諸佛法而觀察故。佛法。卽法界佛慧也。

○第三類顯萬行。

菩薩如是深入法界。教化衆生。而於衆生不生執著。受持諸法。而於諸法不生執著。發菩提心。住於佛住。而於佛住不生執著。雖有言說。而於言說心無所著。入衆生趣。於衆生趣心無所著。了知三昧能入能住。而於三昧心無所著。往詣無量諸佛國土。若入若見。若於中住。而於佛土心無所著。捨去之時。亦無顧戀。

○聖天梵等。會當廣明。

○第二勝進無著。文分爲三。初明自行。二得授記已下。利他。三菩薩如是觀身下。結行成滿。今初。菩薩摩訶薩。以能如是無所著故。於佛法中心無障礙。了佛菩提。證法毗尼。住佛正教。修菩薩行。住菩薩心。思惟菩薩解脫之法。於菩薩住處。心無所染。於菩薩所行。亦無所著。淨菩薩道。受菩薩記。

○分二。先牒前自分。後於佛法下。正顯勝進。有十一句。初總餘別。總謂了達教理行果之法故。別中。一了果法。謂佛菩提。二了理法。謂證法毗尼。毗尼梵音。具云毗奈耶。此稱爲滅。若律藏受名。義兼調伏。今云法滅。通四種法。皆有滅義。謂教證滅。惑故。行滅。惑故。果證滅。故。理本寂滅。故。今文上下。既有餘三。故此滅者。卽理滅也。又與證義相應。圓融教中。此容證故。三住佛正教。卽了教法。如所教住故。四修菩薩行下。皆行法也。三句隨相行。行卽萬行。心謂四等。解脫。卽諸解脫門。次二句。無相行。住處。卽前教理及果。所行。卽前萬

行等皆無染著也。由此故能淨菩薩道。堪受記別。

○第二大悲利他中二。先增長大悲。後要心拔濟。今初。

得受記已。作如是念。凡夫愚癡。無知。無見。無信。無解。無聰敏行。頑闇貪著。流轉生死。不求見佛。不隨明導。不信調御。迷誤失錯。入於險道。『不敬十力王。不知菩薩恩。戀著住處。聞諸法空。心大驚怖。遠離正法。住於邪法。捨夷坦道。入險難道。棄背佛意。隨逐魔意。於諸有中。堅執不捨。』菩薩如是觀諸衆生。增長大悲。生諸善根而無所著。

○前中二。先觀其所悲。後增悲無著。前中又二。先觀迷四諦故。入於險道。後觀迷勝義故。入於險道。今初也。初二句標起念時。凡夫已下。辨所念境。有十三句。初總餘別。總謂迷於四諦。皆曰愚癡。別中前五彰迷後七顯過。前中一不知苦諦。二不見集過。三不信性本寂滅。四五不能修道。一解。二行。後七顯過。一不見集過。故頑闇貪著。即癡愛也。二由貪愛故。受生死苦。次不求見下四句。釋不修道。初三闕道緣。四由不信故。迷正道。失本解。以邪為正。名為錯誤。後一由前不修。故入險失滅。上一向是凡。○頑即癡。愛者。尚書曰頑。言不道。忠信曰關。二不敬下。明迷勝義故。入於險道。通於凡小。初二句離勝緣。次二句闕勝因。三有故頑即癡。關是愛也。生空。皆為住處。怖法空者。謂斷滅故。故大般若諸會之末。善現皆愍衆生怖畏法空。而與問言。云何令諸衆生悟諸法空。佛言。非先有法。後說為無。既非先有。後亦非無。自性常空。勿生驚怖。遠離已下。覆疏上義。由著處怖空。故遠正住邪。捨夷入險。由離勝緣。故背佛隨魔。執有不捨。魔樂生死。佛住空故。二菩薩如是下。增長悲心。結成無著。

○第二要心拔濟。以大悲隨逐。文分二別。先起行。後顯無著。今初。

菩薩爾時復作是念。我當爲一衆生。於十方世界一一國土。經不可說不可說劫教化成熟。如爲一衆生。爲一切衆生皆亦如是。終不以此而生疲厭。捨而餘去。』又以毛端徧量法界。於一毛端處。盡不可說不可說劫。教化調伏一切衆生。如一毛端處。一一毛端處皆亦如是。

疏文二。先明心無疲厭。以無著故。卽大悲堅固。不以難化而厭捨之。後又以下。明其心廣大。謂一毛量處。化多衆生。法界皆爾。是爲廣大。

○二顯無著。

乃至不於一彈指頃。執著於我。起我我所想。』於一一毛端處。盡未來劫修菩薩行。不著身。不著法。不著念。不著願。不著三昧。不著觀察。不著寂定。不著境界。不著教化調伏衆生。亦復不著入於法界。』何以故。菩薩作是念。我應觀一切法界如幻。諸佛如影。菩薩行如夢。佛說法如響。一切世間如化。業報所持故。差別身如幻。行力所起故。一切衆生如心。種種雜染故。一切法如實際。不可變異故。又作是念。我當盡虛空徧法界。於十方國土中行菩薩行。念念明達一切佛法。正念現前無所取著。

疏文三。初舉少況多。次於一一下。廣顯無著。後何以下。徵釋所以。所以不著者。後釋有二意。一稱深無相而興念故。二廣徧虛空起加行故。前中無相難明。寄以喻顯。然此諸喻。通喻諸法。如下本品。今取義便。各舉其一。則明前所見。皆無相也。初句爲總。觀事法界。從緣如幻。無實體故。是以不著。餘句爲別。一佛隨機現。如影隨質故。又現心水故。二菩薩行想念生故。未大覺故。三緣成之聲故。隨感有說故。餘句經文自釋。

命盡死。此有三種。一命盡非是福盡。謂正報雖亡。依報猶在。故二福盡非命盡。謂依報滅壞。正報猶在。三福命俱盡。謂依正俱亡。二外緣死。亦有三種。一非分自害。二橫爲他害。三俱害。又有三種。一放逸死。謂有勝大乘方等般若波羅蜜。二者破戒死。謂有毀犯去來現在。佛所制戒。三壞命根死。謂捨五陰身。今此菩薩悉並委知。後結成無著。三徵釋雙結。可知。

圖第七無著行。以方便波羅蜜爲體。有六十五行經。分爲六段。一佛子已下。至於佛法亦無所著。有十二行半經。明菩薩嚴淨佛刹。供養諸佛。心無所著分。二此菩薩已下。至能如是無所著故。有十五行經。明菩薩供佛無厭。處事法而常行。中無所著分。三於佛法中心無障礙已下。至諸善根而無所著。有十一行經。明觀衆生苦。長自大悲分。四菩薩爾時已下。至何以故。有十行半經。明菩薩常住生死教化衆生無著分。五菩薩作是念已下。至心無疲厭。有九行經。明教化衆生觀法如幻分。六無疲厭故已下。至無著行。有七行半經。明菩薩見未調伏衆生而往彼生分。

○第八難得行。體卽是願。就釋相中。文分二別。前明自分行。後明勝進行。然此二行。各攝上求下化之願。略無神通。今初分四。初明自行。次辨利他。第三雙結二行。動寂無礙。第四雙非二行。拂迹入玄。初中分三。一明修成善根。二顯善根行相。三行成利益。今初。

佛子。何等爲菩薩摩訶薩難得行。此菩薩成就難得善根。難伏善根。最勝善根。不可壞善根。無能過善根。不思議善根。無盡善根。自在力善根。大威德善根。與一切佛同一性善根。

圖斯卽起行所依。善謂順理益物。根謂增上生長。獲之在己。故名成就。文有十句。初總餘別。總具後九。受難得名。

○二顯善根行相。

此菩薩修諸行時。於佛法中。得最勝解。於佛菩提。得廣大解。於菩薩願。未曾休息。盡一切劫。心無疲倦。於一切苦。不生厭離。一切衆魔。所不能動。一切諸佛之所護念。具行一切菩薩苦行。修菩薩行。精勤匪懈。於大乘願恒不退轉。

爾亦有十句。如次對前。謂由得最勝解故。受難得名等。亦可由有難得根。能有勝解。又亦以後一行。行前十善。隨前一善。具後十行。而別配分明。爾三又亦以後下。通相釋成。亦具前二意。但前別配後。偏通耳。故疏結從前義云。別配分明。

○三行成利益。

是菩薩安住此難得行已。於念念中。能轉阿僧祇劫生死。而不捨菩薩大願。若有衆生。承事供養。乃至見聞。皆於阿縛多羅三藐三善。提得不退轉。

爾文中先結前。後於念念下。顯益。於中初自益。能轉生死。成大智益。不捨大願。成大悲益。若有已下。顯能益他。由前自行。成此能益。未正利他。

○第二辨利他行。文分爲三。謂法喻合。今初。

此菩薩雖了衆生非有。而不捨一切衆生界。

爾謂有大智故。了衆生非有。則不住生死。有大悲故。不捨衆生界。則不住涅槃。大悲般若。互相輔翼。成無住道。

○二喻。

譬如船師。不住此岸。不住彼岸。不住中流。而能運度此岸衆生。至於彼岸。以往返無休息故。

○圓喻中。初句喻能化。次三句喻悲智不住之行相。後而能下三句。喻不住之功能。初二句。正喻功能。以往返不息一句。結能度所以。

○三法合中二。先正合。後徵釋。今初。

菩薩摩訶薩亦復如是。不住生死。不住涅槃。亦復不住生死中流。而能運度此岸衆生。置於彼岸安隱無畏。無憂惱處。亦不於衆生數。而有所著。不捨一衆生。著多衆生。不捨多衆生。著一衆生。不增衆生界。不減衆生界。不生衆生界。不滅衆生界。不盡衆生界。不長衆生界。不分別衆生界。不二衆生界。

○圓前中具含三段。生死卽此岸。涅槃合彼岸。合上中流。亦言生死者。以發心之後。成佛之前。十地三賢。尚居二死。是以中流。卽是生死。故云生死中流。非生死涅槃之中間。名生死中也。文旨顯然。晉譯失旨。不應廣引。有以煩惱爲中流。約其漂溺。從因說也。有以聖賢爲中流。約受生死之人也。有以中道爲中流。約觀行說。並不應住。安隱已下。涅槃之德。常故安隱。樂故無畏。我故無憂。淨則無惱。亦不已下。廣明以智導悲。合前往反無休息義。謂由不住著故。所以往反。運濟無休。及顯法中。非有不捨之義。謂非唯悲故不捨。亦由了其非有無可捨故。則終日度而無度也。初句總明。不捨下。別有五對十句。初一多對。已化未化。俱有捨著二義。思之二增減對。化之成道。生界不滅。不從化者。生界不增。此約多人相望。三約一人。果起不生。惑盡非滅。四謂空爲盡。謂有爲長。五一對總結。四對不亡。並名爲二。今無分別。契本不二。○圓亦由了其非大智不捨生死也。已化未化者。著已化者言屬我故。未化未屬故不著也。著未化者。是所應化故。已化竟者。故不著之。

○第二徵釋中。文有兩番。前番正徵不著。後番重徵前義。今初。

何以故。菩薩深入衆生界如法界。衆生界法界無有二。無二法中。無增無減。無生無滅。無有無無。無取無依。無著無二。

闕先徵意云。現化衆生。有增有減。而言不著。其故何耶。釋意云。以菩薩深觀生界。同於法界無增等故。所以不著。文中初二句總。上句是不異義。故云如也。下句是相即義。故云無二。後無二法中下。別彰無二之相。即屬對上文。無取依著。釋不分別。餘文相顯。此文昭著。而未學之徒。但謂一分衆生不成佛。故名不滅生界。深可悲哉。闕此文昭著下。結釋法相師。已如玄中。而云但謂者。然其亦有此義。但非究竟耳。以生界等。但取分義。衆生成佛。義則有滅。但不盡故。言無滅。即少分之義。非究竟理。故可悲之。

○第二番重徵前義。

何以故。菩薩了一切法。法界無二故。

闕徵意云。何以生界即同法界。釋云。一切諸法。皆同法界。豈獨衆生而不同也。

○第三雙結二行。動寂無礙。亦名無盡心行。

菩薩如是。以善方便。入深法界。住於無相。以清淨相。莊嚴其身。了法無性。而能分別一切法相。不取衆生。而能了知衆生之數。不著世界。而現身佛刹。不分別法。而善入佛法。深達義理。而廣演言教。了一切法。離欲真際。而不斷菩薩道。不退菩薩行。常勤修習無盡之行。自在入於清淨法界。譬如鑽木。以出於火。火事無量。而火不滅。菩薩如是。化衆生事。無有窮盡。而在世間常住不滅。

闕有法喻。合法中十句。初二牒前起後。既方便深入。故性相無礙。住於下。餘有八對。正顯行相。一約起行

之身。二了法藥。三識根緣。四遊佛刹。五達佛法。六深契離言。不捨言說。七無求離欲而萬行爰修。前七明即寂之用。八常勤下一對。明即用之寂。亦通顯所由。由勤修故涉權。入法界故常寂。譬如下。二喻中。木喻法界。火喻所成身智。火事喻悲化無邊。本火不滅。喻身智常湛。『菩薩下。三合。可知。

○第四雙非二行。拂迹入玄。

非究竟。非不究竟。非取。非不取。非依。非無依。非世法。非佛法。非凡夫。非得果。

爾拂迹入玄者。然初自行云。能轉生死而不捨大願。謂其已有權實雙行。而多明照體大智。次利他之中。既云無住運濟。則悲智相導。而多似起用大悲。次復以導悲之智。遣彼著心。復似悲智二心。行有前後。故第三段。辨動寂雙行。理無不盡。而猶慮物。謂二事不融。故此明形奪兩亡。權實無寄。豈唯十行菩薩修行善巧。彌顯功德林悲濟之深。總彰大意云。菩薩慈悲重重。顯悲智無礙。收上四段。四段別說。一自行。二拂。從增科之。顯善薩悲深耳。文有五對十句。然其所非之法。即前權實二行。且如究竟即實。不究竟即權。今乃雙非者。實即權故。非究竟。權即實故。非不究竟。又但言非究竟。非謂有不究竟。故亦非之。是則借權以遣實。實去而權亡。借實以破權。權亡實不立。言窮慮絕。何實何權。體本寂寥。孰非孰是。惟恻然無寄。理自玄會。故辨雙非。非有雙非可立。然雙非是遮。雙是爲照。即遮而照。故雙非即是雙行。即照而遮。雙行即爲雙遣。總前諸段。理極於斯。下諸句中。皆做於此。二對所化。能所取寂。故非是取。了知心行。故非不取。三約化處。不著世界。故非是依。依刹現身。故非無依。亦約所證。智無分別而善入故。四約化法。深達義理。故非世法。隨世語言。故非佛法。五證離欲際。故非凡夫。不斷菩薩行。故非得果。

○第二明勝進行。文分爲二。初明慧行。後辨悲行。今初分二。先牒前自行。

菩薩成就如是難得心。修菩薩行時。

○後正辨勝進行相。皆卽事入玄。分四。初總明離相無說。

不說二乘法。不說佛法。不說世間。不說世間法。不說衆生。不說無衆生。不說垢。不說淨。

○二徵釋以顯雙非。

何以故。菩薩知一切法。無染無取。不轉不退故。菩薩於如是寂滅微妙甚深最勝法中修行時。亦不生念。我現修此行。已修此行。當修此行。不著蘊界處。內世間。外世間。內外世間。所起大願諸波羅蜜及一切法。皆無所著。

疏釋意云。所以不說者。一無法可說故。二菩薩於如是下。明無心說。謂不起念故。

○三轉釋無念所以。

何以故。法界中。無有法名向聲聞乘。向獨覺乘。無有法名向菩薩乘。向阿耨多羅三藐三菩提。無有法名向凡夫界。無有法名向染向淨。向生死向涅槃。

疏無念者。稱法界故。故不說聲聞法等。

○四假徵以顯雙運。

何以故。諸法無二。無不二故。譬如虛空。於十方中。若去來今。求不可得。然非無虛空。菩薩如是觀一切法。皆不可得。然非無一切法。如實無異。不失所作。普示修行菩薩諸行。不捨大願。調伏衆生。轉正法輪。不壞

因果亦不違於平等妙法。『普與三世諸如來等。不斷佛種。不壞實相。深入於法。辯才無盡。聞法不著。至法淵底。善能開演。心無所畏。不捨佛住。不違世法。普現世間。而不著世間。』

○誦徵意云。既無所著。何以復修二利之行。釋意云。性相雙非。故能雙運。文有法喻。合法中。諸法無二故。無說無著。無不二故。不妨起行。二喻可知。三合中。皆顯性不礙相。於中二。先正明。後普與下。辨功成德立勝進之相。故晉經此初。有此菩薩言。

○第二辨悲行。中分三。一牒智顯悲。

菩薩如是成就難得智慧心。修習諸行。

○誦悲假智深。所以先牒。

○二正顯悲相。

於三惡趣。拔出衆生。教化調伏。安置三世諸佛道中。令不動搖。

○三偏語化惡。顯勝進相。文中三。初明惡是所悲。次明善非化境。後徵釋所由。今初。

復作是念。世間衆生。不知恩報。更相讎對。邪見執著。迷惑顛倒。愚癡無智。無有信心。隨逐惡友。起諸惡慧。貪愛無明。種種煩惱。皆悉充滿。是我所修菩薩行處。

○誦悲中。先明有違教之惑。後貪愛下。明總具塵勞。惑病既深。方假醫救。前中不知恩報者。必無敬養。更相讎對。則難以訶責。邪見執著。則不受正教。迷惑顛倒。所領不真。愚癡無智。爲說不知。無有信心。絕於希向。隨逐惡友。必遠善人。起諸惡慧。無由正解。故難化也。

○二善非化境。

設有知恩、聰明慧解、及善知識充滿世間。我不於中修菩薩行。

爾可知。

○三徵釋所由。

何以故。我於衆生無所適莫。無所冀望。乃至不求一縷一毫。及以一字讚美之言。盡未來劫修菩薩行。未曾一念自爲於己。但欲度脫一切衆生。令其清淨。永得出離。何以故。於衆生中爲明導者。法應如是不取不求。但爲衆生修菩薩道。令其得至安隱彼岸。成阿耨多羅三藐三菩提。是名菩薩摩訶薩第八難得行。

爾徵釋中。初徵次釋。後轉徵釋。初徵意云。菩薩化生。理宜平等。偏惡棄善。其故何耶。次釋意云。菩薩於物無主定於親疎。就於惡重。偏是化境。如母矜病子。豈不等耶。又若求名利。應化知恩。本爲淨他。理應隨惡。若棄惡從善。覺攝持故。爾若棄惡從善。魔攝持故者。卽五十八經說十種魔業中云。捨惡性人。遠懈息者。得解脫。未安隱者。不得親近。亦不教化。是爲魔業。卽棄惡從善也。三何以故下。轉徵釋。徵云。菩薩衆生。本不相預。何爲長劫。悲救無求。釋意云。諸佛菩薩。法爾同遵。不爾。不名爲明導故。

爾第八難得行。以願波羅蜜爲體。有七十行經。分爲六段。一佛子已下。至一性善根。有四行經。明此位中十善根分。二此菩薩已下。至得不退轉。有八行半經。明處苦無疲厭分。三此菩薩了衆生非有已下。至何以故。有十行經。明不捨不著衆生界分。四菩薩深入衆生界已下。至非得果。有十三行半經。明菩薩入衆生界不著。而亦不廢常在世間現身度衆生分。五菩薩成就如是已下。至不著世間。有十九行半經。名不

說而說法自在分。六菩薩如是已下。至第八難得行有十四行半經。明行菩薩行不求果報分。

○第九善法行。體卽力度。就文分三。初徵名。二釋相。三結歎。今初。佛子。何等爲菩薩摩訶薩善法行。

【**隨唯識**有二。一思擇力。二修習力。本業有三。一報通力。二修定通力。三變化通力。唯識約修。本業約用。互舉一邊。由前二力爲機說法。則成語意二業之善法。有本業三力。則成身意二業之善法。以修定通卽意業故。依梁攝論。由思擇力能伏一切正行等所對治障。令不起故。由修習力能令一切善行堅固決定。旣言一切善行。此則二力通三業善。此位大同九地。自地惑所不能動。體性堅強。故名爲力。修習力者。心緣此法作觀行。令心與法和合。猶如水乳。亦如熏衣。

○二釋相中二。前自分。後勝進。然此二段。各具二力。至文當知。亦有二力。謂普知根緣。一音普應。成就十身。義該三通。初自分中。先總明。

此菩薩爲一切世間天人。魔梵沙門婆羅門乾闥婆等。作清涼法池。攝持正法。不斷佛種。

【**隨作清涼法池**。標也。言含法喻。謂如無熱惱池。清淨無濁。下二句釋。上句。如池含於德水。故云攝持正法。下句。以四辯才。出願智等。饒益衆生相續無盡。究竟入於一切智海。名不斷佛種。如彼大池。流出四河。相續入海。

○二別顯。文分爲二。初廣攝持正法。二此菩薩大悲下。廣不斷佛種。今初。

得清淨光明陀羅尼故。說法授記辯才無盡。得具足義陀羅尼故。義辯無盡。得覺悟實法陀羅尼故。法辯無

盡。得訓釋言辭陀羅尼故。辭辯無盡。得無邊文句無盡義無礙門陀羅尼故。無礙辯無盡。得佛灌頂陀羅尼。灌其頂故。歡喜辯無盡。不由他悟陀羅尼門故。光明辯無盡。得同辯陀羅尼門故。同辯無盡。得種種義身。句身文身中訓釋陀羅尼門故。訓釋辯無盡。得無邊旋陀羅尼故。無邊辯無盡。

國具十總持。是攝持義。十持為體。十辯為用。初句為總。寂障鑒法。名淨光明。餘九為別。初四即四辯才。四持。即池之德水。四辯。即池之四口。國四辯即喻考此中四河四口等皆依十定品一東恆伽河從銀色象剛沙合以法辯說金剛句三倍度河從金色牛口流出金沙合以辭辯說隨順世間緣起四縛駕河從琉璃色馬口流出琉璃沙合若摩訶薩亦復如是以無盡辯兩無盡百千億那由他不可說法等下別合云云何菩薩四河一顯智河二波羅蜜河三昧河四大悲河並如彼文五即外力加辯智水灌心故稱根令喜此即得辯之緣六即內力證辯謂道契內心光明外徹此乃得辯之因也七同類音辯此約順機八訓釋辯此約窮法前四辯中但通相文句此明曲盡其源義身即當名身名所詮故體是名境義即境義梵云得種種名身故九總顯深廣持辯無邊旋有入空旋空入有等故無有邊皆言無盡者稱法界故。

○第二廣前不斷佛種中文分三別。初總明三業利生。二假使下假設深勝。三以得一切下總釋所以。前二含於四河。今初即大悲河。

此菩薩大悲堅固。普攝衆生。於三千大千世界變身金色。施作佛事。隨諸衆生根性欲樂。以廣長舌。於一音中現無量音。應時說法。皆令歡喜。

國大悲堅固。標其體也。悲紹佛種。故首明之。普攝衆生。正明不斷。於三千下。示其攝相。

○二假說深勝。

假使有不可說種種業報無數衆生共會一處。其會廣大。充滿不可說世界。菩薩於彼衆會中坐。是中衆生。一一皆有不可說阿僧祇口。一一口能出百千億那由他音。同時發聲。各別言辭。各別所問。菩薩於一念中。定能領受。皆爲酬對。令除疑惑。如一衆會中。於不可說衆會中。悉亦如是。復次假使一毛端處。念念出不可說不可說道場衆會。一切毛端處皆亦如是。盡未來劫。彼劫可盡。衆會無盡。是諸衆會。於念念中以各別言辭。各別所問。菩薩於一念中。悉能領受。無怖無怯。無疑無謬。而作是念。設一切衆生以如是語業俱來問我。我爲說法。無斷無盡。皆令歡喜住於善道。復令善解一切言辭。能爲衆生說種種法。而於言語無所分別。假使不可說不可說種種言辭而來問難。一念悉領。一音咸答。普使開悟。無有遺餘。

疏於中有三。卽爲三河。一大會斷疑。明問答成就。處多大衆。頓領頓酬。由具諸度故。卽波羅蜜河。二復次下。微細斷疑。前直明大會異問能答。今乃云。於一毛端處。有不可說如前大會。多劫殊問。一念能答。不怖大衆。不怯文義。決斷揀擇。顯轉超勝。是三昧力。卽三昧河。故下經云。菩薩住此三昧。於自身一一毛孔中。見不可說不可說佛刹微塵數諸佛如來。亦見彼佛所有國土道場衆會聽法。乃至云。其諸衆生。亦無迫隘。何以故。入不思議三昧境界故。彼約聽法。此約答問。以之無異。餘義大同。此約圓教普賢位中。故於前地有斯自在。非三乘中得斯作用。三而作是念下。周徧斷疑。上舉毛端多衆。猶有量故。今明一切衆各具多言。悉能答故。卽願智河。願智相導。悲救無休。故云作念。文中先顯多衆。後假使下。復顯多言。

○第三總釋所以。

以得一切智灌頂故。以得無礙藏故。以得一切法圓滿光明故。具足一切智智故。

所以得此四河廣利者。略舉四因。此之四因。或以一因成前四河。或以四因成其一河。一他佛外加故。二自藏離礙故。三所照法圓故。四能照智具故。或各配屬。同體悲加故。見心性故。諸度圓故。二智滿故。或各配屬下。上即通釋。故成一因。成四河等。今此下別配。同體悲加故。即以他佛外加為大慈河。因二見心性。故即第三所照法圓。故為波羅蜜河。因四二智圓滿。故即第四能照智具。故為顯智河。因一切智是根本智。重言智者。即後得智。後得智。顯智。顯故。

○第二明勝進行。亦即是前四河之相。文分為二。初牒自分行成。佛子。此菩薩摩訶薩。安住善法行已。

○二正顯勝進。文分為四。一辨四河清淨之義。能自清淨。亦能以無所著方便而普饒益一切衆生。不見有衆生得出離者。

○三辨四河入海無能障義。

如於此三千大千世界如是。乃至於不可說三千大千世界。變身金色。妙音具足。於一切法無所障礙。而作佛事。

○關於多界中。化無障故。

○三辨此四河旋繞池義。

佛子。此善薩摩訶薩成就十種身。所謂入無邊法界非趣身。滅一切世間故。入無邊法界諸趣身。生一切世間故。不生身。住無生平等法故。不滅身。一切滅言說不可得故。不實身。得如實故。不妄身。隨應現故。不遷身。離死此生彼故。不壞身。法界性無壞故。一相身。三世語言道斷故。無相身。善能觀察法相故。

三旋遶中。謂成就隨順身語意業。智爲先導。身語意業。四方流注入智海故。隨順。卽是旋遶之義。文中二。先總標。二所謂下。列釋。皆上句標名。下句釋相。勒此十身以爲五對。一證滅不生對。二不生不滅對。三非實非虛對。四不遷不壞對。五一相無相對。束此五對。不出體用。一一對中。體用對辨。第一對體用自體。第二對體用之相。第三對體用之力。第四對體用之性。第五對體用之德。體外無用。用卽是體。用外無體。體卽是用。體卽法性。用卽智應。二既不二。理智圓融。唯一無礙法界之身。隨相顯十。以表無盡。一乘圓融。地前能爾。更有餘義。如十地離世間品明。此略舉成就隨順之身。言身兼語意也。

○四顯無疲厭。

菩薩成就如是十種身。爲一切衆生舍。長養一切善根故。爲一切衆生救。令其得大安隱故。爲一切衆生歸。與其作大依處故。爲一切衆生導。令得無上出離故。爲一切衆生師。令入眞實法中故。爲一切衆生燈。令其明見業報故。爲一切衆生光。令照甚深妙法故。爲一切三世炬。令其曉悟實法故。爲一切世間照。令入光明地中故。爲一切諸趣明。示現如來自在故。

疏謂四河入海。累劫無疲。菩薩亦爾。以普賢行願。盡未來劫修菩薩行。入如來海。不生疲厭。是以廣顯與生爲歸爲救等。文中先牒前所成之身。爲益他之本。爲一切下。正顯成益。句別有十。在文可見。十地又明。今略其要。俗須委示。故名爲燈。眞但高明。故目爲炬。甚深。則能所不二。如光合空。爲照爲明。但約入地。示德爲異。

○三結歎。

佛子。是名菩薩摩訶薩第九善法行。菩薩安住此行。爲一切衆生作清涼法池。能盡一切佛法源故。

圖分二。先結名。後菩薩安住下。歎勝。盡法源故。以清涼法池。卽是行體。故標結皆舉。顯中是其相。

圖第九善法行。以力波羅蜜爲體。於此段中。分爲五段。一佛子已下。至旋陀羅尼辯無盡。有十二行經。明十無盡辯分。二此菩薩已下。至悉亦如是。有九行半經。明大千世界現身成佛辯才無礙分。三復次已下。至而作佛事。有十六行半經。明於一毛端處道場無盡。一切毛端處。及不可說三千界示身成佛分。四佛子此菩薩已下。至善能觀察法相故。有六行半經。明十種自在身分。五菩薩成就如是十種身已下。至一切佛法源故。有十行半經。明與一切衆生所爲依處分。

○第十真實行文三。同前。初徵名。

佛子。何等爲菩薩摩訶薩真實行。

疏徵名者。如本分釋。體卽智度。圖初徵名者。卽言行不虛。故名真實。今更略釋。若約二智。受用法樂。成熟有情。並如行能說。

如說能行。卽是真實。本業有三。一無相智。卽受用法樂。二一切種智。三變化智。皆成熟有情。下文入一切三昧真實相。卽受用法樂智。知衆生種種想等。卽成熟有情。知十力智。是一切種。不著一切世間。解衆生無際。卽無相智。我爲善變化。及云現如來自在神通卽變化智。

○就釋相中。文分三別。第一總顯名體。二別顯行相。三結住行益。今初。

此菩薩成就第一誠諦之語。如說能行。如行能說。

圖初句總標。後如說下解釋。謂言行相符。故名誠諦。誠實審諦。卽真實義。此有二義。一約先誓。自他二利。

決志具修。今如昔說。決能行之。亦如此行。以爲他說。故下文云。我若先成。則違本願等。二約現修。自他二行。如所演說。決定能行。非數他寶。故云如說能行。亦如所證。宣示於人。不昧所知。名如行能說。二約現修者。即由實語。故所作皆成。如涅槃第三十一說。昔與調達二人入海採寶。船破。二人不死。調達悲泣。我有二珠。分一與之。又貪一珠。遂刺我目。我時呻吟。有一女人問我。我即具答。女人問言。汝名何等。我即答言。我名寶器。彼云。誰信。我即答言。我於提婆達多無惡心者。令我兩目平復。如故。言訖。如故。

○第二別顯行相。文分二別。先標章。後依章別釋。今初。

此菩薩學三世諸佛真實語。入三世諸佛種性。與三世諸佛善根同等。得三世諸佛無二語。隨如來學。智慧成就。

疏文有五句。一稱實演法。師子吼故。二深住實相。契一性故。三二利善根。等同佛故。四得如說行。同本誓故。五學佛十力。智已成故。

○第二依章別釋。從後倒釋。卽分五段。第一釋智慧成就。

此菩薩成就知衆生是處非處智。去來現在業報智。諸根利鈍智。種種界智。種種解智。一切至處道智。諸禪解脫三昧垢淨起時非時智。一切世界宿住隨念智。天眼智。漏盡智。而不捨一切菩薩行。何以故。欲教化一切衆生。悉令清淨故。

疏文中三。初顯所成十力。言時非時者。垢淨之時不同。化不化時別故。次而不捨下。得果不捨因。後何以下。徵釋所以。十力化生之智。故須得之。令物清淨。故須不捨因行。

○第二釋得三世諸佛無二語。

此菩薩復生如是增上心。若我不令一切衆生住無上解脫道。而我先成阿耨多羅三藐三菩提者。則違我本願。是所不應。』是故要當先令一切衆生得無上菩提無餘涅槃。然後成佛。』何以故。非衆生請我發心。我自爲衆生作不請之友。欲先令一切衆生滿足善根成一切智。是故我爲最勝。不著一切世間故。我爲最上。住無上調御地故。我爲離翳。解衆生無際故。我爲已辦。本願成就故。我爲善變化。菩薩功德莊嚴故。我爲善依怙。三世諸佛攝受故。

【疏】文中三。初反舉違誓。自誠不應。次是故下。順釋。要當先人後己。後何以下。徵釋所由。徵有二意。一云。何以違誓。是所不應。二云。何以要須先人後己。釋此二徵。卽分二別。初釋前徵云。由先許故。不與則違先誓。不請強許。今之不與。豈是所應。後是故下。釋第二徵。菩薩之道。必先人後己。不爾。豈得名最勝耶。文有六句。當句自釋。不俟繁文。

○第三釋同佛善根。本誓智慧皆究竟故。

此菩薩摩訶薩。不捨本願。故得人無上智慧莊嚴。利益衆生。悉令滿足。隨本誓願。皆得究竟。』於一切法中。智慧自在。令一切衆生。普得清淨。念念徧遊十方世界。念念普詣不可說不可說諸佛國土。念念悉見不可說不可說諸佛。及佛莊嚴清淨國土。示現如來自在神力。普徧法界虛空界。

【疏】文中二。先標德成滿。二於一切下。別顯同相。一意業智慧同。二念念下。身業神通同。

○第四釋入佛種性。

此菩薩現無量身。普入世間而無所依。於其身中。現一切刹。一切衆生。一切諸法。一切諸佛。此菩薩知衆生

種種想。種種欲。種種解。種種業報。種種善根。隨其所應。爲現其身。而調伏之。觀諸菩薩如幻。一切法如化。佛出世如影。一切世間如夢。得義身。身無盡藏。正念自在。決定了知一切諸法。智慧最勝。入一切三昧。真實相。住一性無二地。

○關於中二。一約身明入。入世無依。又身中現利。皆得性融故。二此菩薩知衆生下。智入種性。於中二。初入悲種性。知根善化故。二觀諸菩薩下。入智種性。窮實相故。故結句云。住一性無二地。以此智性。導前悲性。成無住道。是爲如來無二之性。文中初會緣入實。次得義身下。依實了相。後智慧最勝下。性相無二。文有三句。初句約智。則雙照性相。次句約定。動寂契真。後句釋成。並由住無二性。

○第五釋學三世諸佛真實語。

菩薩摩訶薩。以諸衆生。皆著於二。安住大悲。修行如是寂滅之法。得佛十力。入因陀羅網法界。成就如來無礙解脫。人中雄猛。大師子吼。得無所畏。能轉無礙清淨法輪。得智慧解脫。了知一切世間境界。絕生死迴流。入智慧大海。爲一切衆生護持三世諸佛正法。到一切佛法海實相源底。

○文中二。先牒前起後。衆生著二。不能悲智雙遊。菩薩卽寂修悲。故得不二。後得佛十力下。成果起用。顯實語相。能師子吼轉法輪故。結云知實相源。方爲實語也。文中大同十地。窮佛所得。圓融教中。位位果滿。故窮法實相。謂如是性相體力等。皆盡源故。餘句可知。○窮法實相。所謂諸法。如法華經云。唯佛與佛。乃能究盡諸法。如是一性。如是一體。如是力。如是作。如是因。如是緣。如是果。如是報。如是本末究竟等。此之十句。天台歷十法界。一一界中。復具十世界。互相攝故。十界便成百界。界各十如。卽有千如。更分見。但舉能知耳。思大生世間。二五陰世間。三器世界。間。便成三千世間。彼宗以此爲法華經樞要。最玄。後明知見。相故。二云所謂諸法。如爲一性。如是一體。如是力。是爲頭。云如是相。爲一句。如是性。爲一句。等。卽約假觀。觀十別相。故。二云所謂諸法。如爲一性。如是一體。如是力。

二句。以如字爲空。卽成空觀。三以如是字爲末。云謂諸法如是爲一句。相如是爲二句等。以如是爲中道觀。一家之意。理無不通。

○第三結行成益。大科第三結名。

菩薩住此真實行已。一切世間天人。魔。梵。沙門。婆羅門。乾闥婆。阿脩羅等。有親近者。皆令開悟。歡喜清淨。是名菩薩摩訶薩第十真實行。

疏並如文顯。第五說分已竟。

圖第十真實行。以智波羅蜜爲體。於此段中。分爲三段。一佛子已下。至悉令清淨故。有十行經。明此位菩薩學三世諸佛誠實身語智。得佛十種智分。二此菩薩復生如是增上心已下。至法界虛空界。有十六行半經。明以願力教化衆生。不取菩提分。三此菩薩已下。至第十真實行。可十七行經。明身含衆刹。知根利生自在分。

○大文第六顯瑞證成分。

爾時佛神力故。十方各有佛刹微塵數世界六種震動。所謂動。徧動。等徧動。起。徧起。等徧起。踊。徧踊。等徧踊。震。徧震。等徧震。吼。徧吼。等徧吼。擊。徧擊。等徧擊。雨天妙華。天香。天末香。天鬘。天衣。天寶。天莊嚴具。奏天樂音。放天光明。演暢諸天微妙音聲。』如此世界夜摩天宮說十行法所現神變。十方世界悉亦如是。』復以佛神力故。十方各過十萬佛刹微塵數世界外。有十萬佛刹微塵數菩薩俱。來詣此土。充滿十方。語功德林菩薩言。佛子。善哉善哉。善能演說諸菩薩行。我等一切同名功德林。所住世界。皆名功德幢。彼土如來。同名普功德。我等佛所。亦說此法。衆會眷屬。言辭義理。悉亦如是。無有增減。』佛子。我等皆承佛神力。來入此會爲

汝作證。十方世界。悉亦如是。

爾文分二別。一瑞證。二人闕人纂要證。前中先此會。後如此下。結通。二人證。亦先此界。十住一萬。此云十萬。表位增故。前現瑞中。亦應云十方各有十萬。文無者略。餘義已見十住之末。後佛子我等下。結通。

圖已下動地與供分中。有十五行經。義分爲三段。一爾時已下。至天微妙音聲。有五行半經。明動地與供分。二如此世界已下。至悉亦如是。有一行半經。明都結十方同然分。三復以佛神力故已下。至十方世界悉亦如是。有八行經。明十方功德林菩薩來集作證分。如十方十萬佛刹微塵數世界外。有十萬佛刹微塵數菩薩。皆名功德林者。爲明十行徧周故。佛號普功德者。爲明此十行徧周。卽功德徧周。卽是此位之中所得之果。以行徧周所招功德。故佛號普功德。舉十方各過十萬佛刹微塵爲數者。明智所達法。亦明行門之量廣大。卽佛果功德廣大。已上十行。約十波羅蜜爲升進。經自具分明。不須更釋。如是十行。總是一時一念無前後之行門。莫作前後延促之見。皆須約法界智體用。成進修之門。

○大文第七重頌分。分二。初說偈儀意。

爾時功德林菩薩。承佛神力。普觀十方一切衆會。暨於法界。欲令佛種性不斷故。欲令菩薩種性清淨故。欲令願種性不退轉故。欲令行種性常相續故。欲令三世種性悉平等故。欲攝三世一切佛種性故。欲開演所種諸善根故。欲觀察一切諸根。闕根下纂要有故字。茲據麗藏宋藏思溪藏南藏及金陵會本刪去。與疏所化性。卽經觀察一切諸根。欲解煩惱習氣等。欲解煩惱習氣。心行所作故。欲照了一切佛菩提故。而說頌曰。

爾先彰說儀。後欲令下。說意。意有九句。初總餘別。別中一淨治因性。二不退願性。三行性續願。四以眞性

導行。五上攝果性。六開已修性。卽十行所習。七觀所化性。八照當果性。

○二正說偈辭。

一心敬禮十力尊 離垢清淨無礙見 境界深遠無倫匹 住如虛空道中者

闕總有一百一頌。大分爲三。初之一頌。總申歸敬。次九十六頌。正頌前文。三有四頌。結歎深廣。今初也。將

申偈頌。再展敬心。初四字。申敬。上力下。顯德。十力智德。次句斷德。次句恩德。衆生爲境故。末句通喻三德。智廣惑淨。悲深遠故。

過去人中諸最勝 功德無量無所著 勇猛第一無等倫 彼離塵者行斯道 現在十方諸國土

善能開演第一義 離諸過惡最清淨 彼無依者行斯道 未來所有人師子 周徧遊行於法界

已發諸佛大悲心 彼饒益者行斯道 三世所有無比尊 自然除滅愚癡暗 於一切法皆平等

彼大力人行此道

闕第二正頌前文。大分爲二。初十一偈。頌前本分。後八十五偈。頌前說分。然十住頌文。則舉其次第。今沒

其次第。直云行斯道者。略有四意。一前則約位始終行布而說。今將融會前說。令無始終。欲顯一位之中

具行諸行。一行之中。具一切故。二前約別行。今約普行。普別無礙。二文互顯。三前約同教。今約別教。同別

無礙。爲一圓教故。四前約不雜辯才。此約任放辯才。說不待次。言辭不斷故。又前多約因。此多就果。或廣

略綺互。體用更陳。總別遞明。互相影發。顯菩薩行深廣難思。下文雖依次第。既沒本名。一同離世間圓融

之行也。今初。亦可總歎行深。不頌前文。頌亦無失。今頌本分。曲分爲二。前四。頌前學三世佛而修行故。後

七頌前行體不可思議。今初分二。初二別明。後一總說。各初三句辨德。後句結德。能通所行。諸文行斯道。言皆倣於此。

普見無量無邊界 一切諸有及諸趣 見已其心不分別 彼無動者行斯道 法界所有皆明了
於第一義最清淨 永破瞋慢及愚癡 彼功德者行斯道 於諸衆生善分別 悉入法界真實性
自然覺悟不由他 彼等空者行斯道 盡空所有諸國土 悉往說法廣開喻 所說清淨無能壞
彼勝牟尼行此道 具足堅固不退轉 成就尊重最勝法 願力無盡到彼岸 彼善修者所行道
無量無邊一切地 廣大甚深妙境界 悉能知見靡有遺 彼論師子所行道 一切句義皆明了
所有異論悉摧伏 於法決定無所疑 彼大牟尼行此道

爾後七頌行體中。然文旨包含。略爲二解。一頌行體。二頌加之所爲。然所爲正爲十行。義旨不殊。故得同頌。配文少異。分爲二解。先配行體。文分爲四。初一頌總顯不可思議。故云心無分別。彼無動故。二一頌。頌前與法界等。等法界有三義。所有皆明了。等事法界。次句。等理法界。此二無二。等無礙法界。由此等故。能破惑成德。三有二偈。頌等虛空界。等空五義。初偈顯二。謂空無分別。而顯萬像。菩薩亦爾。入實自悟。則無分別。不礙分別於諸衆生。故結云等空。由入法界。故等虛空。二界相成。故舉入法界。後偈顯三義。一等空廣大。初二句顯示。二等空清淨。三等空不可壞。第三句顯。由等虛空是勝寂靜。名曰牟尼。四有三偈。頌前菩薩行。初偈總舉自分之行。後二即勝進之行。二以此文頌加所爲。雖開合不同。依次不亂。初偈頌前爲增長佛智。前半所觀。後半能觀。次偈頌深入法界。餘如前釋。三中。初句頌了知衆生界。次二句。頌所入無

礙。四中。頌所行無障。往諸國土。則身無障。說法清淨。則自行無障。異論不壞。則外無障。第五偈。頌得無量方便。以願行等。皆善修故。六中。頌攝取一切智性。無邊一切地。即智地故。十地之智。同佛智故。歎勝可知。七中。初句頌覺悟一切法。次句。知一切諸根。隨宜摧伏。次句。即持說一切法也。

遠離世間諸過患 普與衆生安隱樂 能爲無等大導師 彼勝德者行斯道 恒以無畏施衆生

普令一切皆欣慶 其心清淨離染濁 彼無等者行斯道 意業清淨極調善 離諸戲論無口過

威光圓滿衆所欽 彼最勝者行斯道 入真實義到彼岸 住功德處心永寂 諸佛護念恆不忘

彼滅有者行斯道 遠離於我無惱害 恆以大音宣正法 十方國土靡不周 彼絕譬者行斯道

檀波羅蜜已成滿 百福相好所莊嚴 衆生見者皆欣悅 彼最勝慧行斯道

圖第二頌前說分。十行卽爲十段。第一六偈。頌歡喜行。文分四別。初一財施。財去慳過。安隱他故。次二偈。無畏施。前偈修因。後偈得果。次二偈。法施。後一總結。因圓果滿。言百福者。涅槃二十四云。五品心修十善。謂下。中。上。上中。上上。各十善。成五十。始修終修。故成百福。然十善之中。不殺不瞋。是無畏施。不盜不貪。是財施。離口四過。不淫。不癡。是法施。故具上三施。成百福果。

智地甚深難可入 能以妙慧善安住 其心究竟不動搖 彼堅固行行斯道 法界所有悉能入

隨所入處咸究竟 神通自在靡不該 彼法光明行此道 諸無等等大牟尼 勤修三昧無二相

心常在定樂寂靜 彼普見者行斯道 微細廣大諸國土 更相涉入各差別 如其境界悉了知

彼智山王行此道 意常明潔離諸垢 於三界中無所著 護持衆戒到彼岸 此淨心者行斯道

【疏】第二頌饒益行。五偈分四。初偈律儀。謂有智能護。心不動故。是菩薩律儀。次二攝善。三有一偈。饒益有情。舉處攝人。後偈總結三聚。

智慧無邊不可說 普徧法界虛空界 善能修學住其中 彼金剛慧行斯道 三世一切佛境界
智慧善人悉周徧 未嘗暫起疲厭心 彼最勝者行斯道 善能分別十力法 了知一切至處道
身業無礙得自在 彼功德身行此道 十方無量無邊界 所有一切諸衆生 我皆救護而不捨
彼無畏者行斯道

【疏】第三無違逆行。四頌中三。初一諦察法忍。次二安受苦忍。一引他勵己以策修。二引所成德以進道。後一頌耐怨害忍。遇害無惱。但增救心。

於諸佛法勤修習 心常精進不懈倦 淨治一切諸世間 彼大龍王行此道 了知衆生根不同
欲解無量各差別 種種諸界皆明達 此普入者行斯道 十方世界無量刹 悉往受生無有數
未曾一念生疲厭 彼歡喜者行斯道 普放無量光明網 照耀一切諸世間 其光所照入法性
此善慧者行斯道 震動十方諸國土 無量億數那由他 不令衆生有警怖 此利世者所行道

【疏】第四無屈撓行。五偈分三。初二頌前攝善精進。亦名加行。初半偈。卽頌第一精進等十句。次句。卽頌前離過十句。後偈。頌前所爲。次一頌被甲精進。爲物受苦。心無厭等。後二偈。頌利樂精進。

善解一切語言法 問難酬對悉究竟 聰哲辯慧靡不知 此無畏者所行道
善解覆仰諸國土 分別思惟得究竟 悉使住於無盡地 此勝慧者所行道

第五頌離癡亂行。二頌中三。初一頌現法樂住。於中前半頌能持色法言說等。後半通頌前無癡亂等七句。次半偈頌引生功德禪。了一切法無有邊際。得一切法真實智慧。故云得究竟也。後半偈頌饒益有情中。我當令一切衆生。乃至究竟無餘涅槃。即無盡地。

功德無量那由他 爲求佛道皆修習 於其一切到彼岸 此無盡行所行道

超出世間大論師 辯才第一師子吼 普使羣生到彼岸 此淨心者所行道

第六二頌頌善現行。善現行二偈中。初偈頌前正辨三論。次半頌依智起悲後半頌行成益物。然皆有無對辨。具三諦義。

諸佛灌頂第一法 已得此法灌其頂 心恆安住正法門 彼廣大心行此道

一切衆生無量別 了達其心悉周徧 決定護持佛法藏 彼如須彌行此道

能於一一語言中 普爲示現無量音 令彼衆生隨類解 此無礙見行斯道

一切文字語言法 智皆善入不分別 住於真實境界中 此見性者所行道

第七四偈頌無著行。對前思之。第七四偈頌無著行。初偈即二方便中。遇向善巧。三方便中。進趣向即巧。會有無。謂善入文字。是會有也。不分別者。是會無也。後半一切法不捨不受。若配經文。初偈頌淨善。隨道受善。隨記而無所著。次偈頌悲念衆生。後二偈頌前於一切世間成熟衆生。前約所化種種音等。此約能化。一音隨類。前令所化不著。此即能化不著。

安住甚深大法海 善能印定一切法 了法無相真實門 此見實者所行道

盡於無量無邊劫 觀察思惟靡暫停 此匪懈者所行道 無量無數諸如來 種種名號各不同

於一毛端悉明見 此淨福者所行道 一毛端處見諸佛 其數無量不可說 一切法界悉亦然

一一佛土皆往詣

彼諸佛子行斯道。無量無邊無數劫。於一念中悉明見。知其脩促無定相。此解脫行所行道。能令見者無空過。皆於佛法種因緣。而於所作心無著。彼諸最勝所行道。那由他劫常遇佛。終不一念生疲厭。其心歡喜轉更增。此不空見所行道。盡於無量無邊劫。觀察一切衆生界。未曾見有一衆生。此堅固士所行道。

【疏】第八八偈。頌難得行。分五。初一偈。卽自行之願。次四神通。次一外化。次一求菩提。後一成熟有情。若屬經文。初四。頌前於佛法中得最勝解等十句。二無量下三偈。頌自行成益。第三一偈。頌前利他。不捨一衆生。著多衆生等。

修習無邊福智藏。普作清涼功德池。利益一切諸羣生。彼第一人行此道。法界所有諸品類。普徧虛空無數量。了彼皆依言說住。此師子吼所行道。能於一一三昧中。普入無數諸三昧。悉至法門幽奧處。此論月者行斯道。忍力勤修到彼岸。能忍最勝寂滅法。其心平等不動搖。此無邊智所行道。於一世界一坐處。其身不動恆寂然。而於一切普現身。彼無邊身行此道。無量無邊諸國土。悉令共入一塵中。普得包容無障礙。彼無邊思行此道。

【疏】第九六頌。頌善法行。初一修習力。次一思擇力。次二修定通。次一報得通。後一變化通。若屬經文。初偈。頌釋名。前半攝持正法。後半不斷佛種。亦大悲河。次偈卽波羅蜜河。問答成就。次偈卽三昧河。前舉三昧之用。此約三昧之體。次一卽願智河。次一十身體用。後一卽示現如來自在。了達是處及非處。於諸力處普能入。成就如來最上力。彼第一力所行道。過去未來現在世。

無量無邊諸業報 恆以智慧悉了知 此達解者所行道 了達世間時非時 如應調伏諸衆生

悉順其宜而不失 此善了者所行道

爾第十四十三偈頌真實行。文分爲六。第一三偈頌得十力。

善守身語及意業 恆令依法而修行 離諸取著降衆魔 此智心者所行道 於諸法中得善巧

能入真如平等處 辯才宣說無有窮 此佛行者所行道 陀羅尼門已圓滿 善能安住無礙藏

於諸法界悉通達 此深入者所行道

爾二三偈頌得三世諸佛無二語。初偈正明依法修行。卽無二語。餘二偈頌我爲最勝等。

三世所有一切佛 悉與等心同智慧 一性一相無有殊 此無礙種所行道 已抉一切愚癡膜

深入廣大智慧海 普施衆生清淨眼 此有目者所行道 已具一切諸導師 平等神通無二行

獲於如來自在力 此善修者所行道 徧遊一切諸世間 普雨無邊妙法雨 悉令於義得決了

此法雲者所行道 能於佛智及解脫 深生淨信永不退 以信而生智慧根 此善學者所行道

能於一念悉了知 一切衆生無有餘 了彼衆生心自性 達無性者所行道

爾三六偈頌同佛善根。爾同佛善根者。初偈頌最上。同一佛性。是調御故。次偈頌離

法界一切諸國土 悉能化往無有數 其身最妙絕等倫 此無比行所行道 佛刹無邊無有數

無量諸佛在其中 菩薩於彼悉現前 親近供養生尊重 菩薩能以獨一身 入於三昧而寂定

令見其身無有數 一一皆從三昧起 菩薩所住最深妙 所行所作超戲論 其心清淨常悅樂

能令衆生悉歡喜 諸根方便各差別 能以智慧悉明見 而了諸根無所依 調難調者所行道
 能以方便巧分別 於一切法得自在 十方世界各不同 悉在其中作佛事 諸根微妙行亦然
 能爲衆生廣說法 誰其聞者不欣慶 此等虛空所行道 智眼清淨無與等 於一切法悉明見
 如是智慧巧分別 此無等者所行道 所有無盡廣大福 一切修行使究竟 令諸衆生悉清淨
 此無比者所行道 普勸修成助道法 悉令得住方便地 度脫衆生無有數 未曾暫起衆生想
 一切機緣悉觀察 先護彼意令無諍 普示衆生安隱處 此方便者所行道

爾四十一偈頌入佛種性。於中分二。初三偈頌身入。餘頌意入。於中初四頌入悲種性。後智眼下四頌頌入智種性。

成就最上第一智 具足無量無邊智 於諸四衆無所畏 此方便智所行道 一切世界及諸法
 悉能徧入得自在 亦入一切衆會中 度脫羣生無有數 十方一切國土中 擊大法鼓悟羣生
 爲法施主最無上 此不滅者所行道 一身結跏而正坐 充滿十方無量刹 而令其身不迫隘
 此法身者所行道 能於一義一文中 演說無量無邊法 而於邊際不可得 此無邊智所行道
 於佛解脫善修學 得佛智慧無障礙 成就無畏爲世雄 此方便者所行道 了知十方世界海
 亦知一切佛刹海 智海法海悉了知 衆生見者咸欣慶 或現入胎及初生 或現道場成正覺
 如是皆令世間見 此無邊者所行道 無量億數國土中 示現其身入涅槃 實不捨願歸寂滅
 此雄論者所行道 堅固微密一妙身 與佛平等無差別 隨諸衆生各異見 一實身者所行道

華嚴經疏論纂要卷四十一 十行品第二十一 重頌分 頌真實行

讚歎稱揚得究竟

疏第三大段四偈。結歎深廣。文顯可知。

十行品竟。

大方廣佛華嚴經疏論纂要卷第四十一

大方廣佛華嚴經疏論纂要卷第四十二

五臺山清涼國師澄觀疏鈔 太原方山長者李通玄論 閩鼓山私淑比丘道霈纂要

十無盡藏品第二十二之一

○四門中初來意。

疏來意者。總有五義。一爲答前第二會初十藏問故。二前明正位。今依位起行故。同梵行品。三前約位別行。今辨始終通行故。四前明成位行。今辨淨治彼行故。同十地中信等十行。五前自分究竟。今辨勝進趣後。同上明法。準問。應在十迴向後。今此辨者。略有二義。一云藏有二義。約蘊攝義。在十行後。約出生義。在十地前。義通二處。問答互顯。一云迴向無別自體。但以能迴前行爲其自體。今十藏既爲十行勝進。亦爲迴向勝進。故迴向後。無別勝進。此即前後互舉。顯義方備。然明法品。及第五迴向。皆有十藏。隨三賢異。故不相濫。又前是勝進所成。後是一位之果。今通爲勝進。故意旨不同。劉準問下。釋上問。前却妨二義通之。揀前明法。即勝進所成者。是勝進家果。故經云。菩薩滿足如是願時。即得十種無盡藏。所謂普見諸佛。無盡藏。二總持不忘無盡藏。三決了諸法。四大悲救護。五種種三昧。六滿衆生心。廣大福德。七演一切法。

華嚴經疏論纂要卷四十二 十無盡藏品第二十二 疏 一來意

華嚴經疏論要卷四十二十無盡藏品第二十二疏二釋名三宗趣論四釋文唱數顯同徵名列異八八四

甚深智慧八報得神通九住無量劫十入無邊世界無盡藏。後是一位之果者。以是第五迴向之果故。經云菩薩住此迴向得十種無盡藏。所謂見佛無盡藏。於一毛孔見阿僧祇諸佛出與於世故等。其中有同名者亦復優劣有異。

○二釋名。

隨釋名者。藏是出生蘊積之義。謂一藏內體含法界。故攝德出用。二無盡。寄圓顯十。卽帶數釋也。

○三宗趣。

隨宗趣者。十藏爲宗。攝前生後。得果爲趣。

圖將釋此品。三門如前。一釋品名目者。爲此說十種藏。依法立名。可知。第二釋品來意者。此位已說十種行。以此十無盡藏。成前十行之法。使令無盡。成後十迴向之法。使令進向。令使行門不滯。是故此品須來。第三長科經意者。分爲二門。一長科經意。二隨文釋義。一長科經意者。於此一品經中。大段隨十藏名目。總有十一段經。其文如下。

○四釋文中。大分四別。第一唱數顯同。二徵名列異。三依名廣釋。四總歎勝能。今初。

爾時功德林菩薩。復告諸菩薩言。佛子。菩薩摩訶薩有十種藏。過去未來現在諸佛。已說。當說。今說。

隨三世同說。顯勝令遵。

○二徵名列異。

何等爲十。所謂信藏。戒藏。慚藏。愧藏。聞藏。施藏。慧藏。念藏。持藏。辯藏。是爲十。

隨藏如前解。信等對藏。皆持業釋。心淨名信。制止名戒。崇重賢善爲慚。輕拒暴惡爲愧。餐教廣博爲聞。輟

己惠人爲施。決擇諸法名慧。令心明記爲念。任持所記爲持。巧宣所持爲辯。各有業用。各有業用者。如爲業。戒以遮防。破戒爲業。慚以對治。無慚。止息惡行爲業。愧以對治。無愧。止息惡行爲業。聞以能除。不信。濁無知爲業。施以止慳。爲業。慧以破癡。爲業。念以治忘。念爲業。持以治忘。失爲業。辯以治於。齊訥爲業。破然念慧及戒慚愧等五。皆當體爲性。餘五行用立名。此約隨相。若就融通。皆順法界之行。良以法界。性自清淨。離過等故。隨義說十。然約隨相。前九自利。後一利他。通皆具二。信爲行本。故首明之。依信離過。慚愧莊嚴。戒行光潔。上三離過之行。餘皆進善。進善之首。必藉多聞。如聞而行。唯福與慧。念使增明。持令經久。辯以利他故。前七卽七聖財。慧爲正導。故終辨之。次二守護。後一積而能散。

○第三依名廣釋。十藏卽爲十段。今初信藏。信中有四。謂徵名。釋相。結名。辨益。辨益一種。唯初七十。餘之七段。文但有三。今初段中。初徵。

佛子。何等爲菩薩摩訶薩信藏。

○釋中分三。初明信相。次若菩薩下。明信力。三此菩薩入佛下。總結信成。今初。

此菩薩信一切法空。信一切法無相。信一切法無願。信一切法無作。信一切法無分別。信一切法無所依。信一切法不可量。信一切法無有上。信一切法難超越。信一切法無生。

爾十句爲四。初三三空。信所執無相。謂情有理無名空。空亦無相。空無相故。無所願求。次三。信依他無生。一緣起無作。二不實故。無能所分別。三無體故。無所依。次三。信圓成無性。一廣無邊量。二勝故無上。三深不可越。初初三三空等者。意以前九別約三性。後一總融。前中卽依三性。信無三性。此初信所執偏計。所不可越。執性云無相者。卽相無自性性。二依他無生。無生卽生無自性性。三圓成無性。無性卽勝義無自性。性。後一總信三性無生。如初會辨。則十皆無生。並通三性。如一無生觀。但信依他。無偏計人法自然之生。

性。則是無性圓成。餘例此知。後一總信三性。總融前九。文中有三。一指前。即第二經。清淨功德。眼自在天。生者。一空是無生義。二無相是無生義。三無願是無生義。四無作是無生義。等。並通三性。下疏依後義作。一空。謂偏計空。依他空。圓成空等。乃至三性難超越。二無相。無生無性。亦通三性。重云。如一無生。若作無相。應云。但信依他無偏計之相。是則圓成之相。若信依他無自然之性。則悟圓成之性。是故結云。餘例此知。

○第二明信力中。二先正顯業用。後徵釋所由。今初。

若菩薩能如是隨順一切法生淨信已。聞諸佛法不可思議。心不怯弱。聞一切佛不可思議。心不怯弱。聞衆生界不可思議。心不怯弱。聞法界不可思議。心不怯弱。聞虛空界不可思議。心不怯弱。聞涅槃界不可思議。心不怯弱。聞過去世不可思議。心不怯弱。聞未來世不可思議。心不怯弱。聞現在世不可思議。心不怯弱。聞入一切劫不可思議。心不怯弱。

圖文有十句。徧從前十。前十並成此十。若類例辨。初二於勝上法不怯。次四廣多法不怯。一所化衆生。二即化法。三是化處。四化之所歸。後四寬遠法不怯。若尅文取義。以後十句。逆配前十。謂由信法無生。故於佛法不怯。佛法以無生爲體故。佛難超故。衆生無盡故。法界無邊故。虛空無依故。涅槃無分別故。過去之因不作果故。未來之法無可願故。現在之法即無相故。入劫無障礙。以即空故。此十皆深廣難思。若尅文取義者。上但當文通釋。今對前別釋經。

○二徵釋中。先徵意云。何以深廣難思。菩薩聞而不怯。釋意云。以於深廣。皆堅信故。文分爲二。初總。後別。何以故。此菩薩於諸佛所。一向堅信。知佛智慧無邊無盡。

圖總云。一向信者。無猶豫故。堅者。異說不壞故。所信謂何。即佛智慧。智慧何相。無邊無盡。然通二義。一廣

無邊涯。豈不可盡。二無二邊之偏。同真性之無盡。

○二別釋。

十方無量諸世界中。一一各有無量諸佛。於阿耨多羅三藐三菩提。已得。今得。當得。已出世。今出世。當出世。已入涅槃。今入涅槃。當入涅槃。彼諸佛智慧。不增不減。不生不滅。不進不退。不近不遠。無知無捨。

【疏】初釋前意。十方無量。是無邊義。已現當入。是無盡義。言得菩提。是目證義。出世入滅。是應現義。法無邊故。佛智無邊。一佛之智。尚不可盡。況橫徧十方。豈該三際。菩薩於斯廣遠。堅信不移。寧有怯耶。二彼諸下。釋第二意。聞深不怯。謂已得今得菩提而不增。當得未得而不減。已出今出而不生。已入今入而不滅。當出而不進。當入而不退。現得出入而不近。在於已當而不遠。照窮萬法而無知。頓寂諸相而不捨。以寂照之體如如。超戲論故。但以世俗文字數故。說有三世。非菩提涅槃有去來今。菩薩既堅信於此。寧聞深而怯耶。

○第三總結信成。

此菩薩入佛智慧。成就無邊無盡信。得此信已。心不退轉。心不雜亂。不可破壞。無所染著。常有根本。隨順聖人。住如來家。護持一切諸佛種性。增長一切菩薩信解。隨順一切如來善根。出生一切諸佛方便。

【疏】於中二。初一句總牒信成。謂由明達佛智無邊無盡故。稱此成信。二得此信下。顯成信之益。亦是正顯成相。有十一句。前七行體堅牢。初句爲總。二內心不雜故不退。三外緣不沮故。四不染相故。五有正慧故。無慧之信。長無明故。靜法云。梵云阿慕羅匿陀。此云不從根生。謂無生之信。無根生故。今本云常有根本。

者。譯人不審阿字沒在句。翻無為有。於理背也。此或應爾。今以理通。二義無違。無根語慧之體。根本約慧之用。亦猶從無住本。立一切法故。無本者。即是根本。六順同古聖故。七安住菩提心故。後四攝德無盡。一護已成性。二復長新解。三順如生善。四不滯有無。圖今本云。應從嘉興藏南藏續藏金陵本作經本。阿字沒在句。應從嘉興藏作阿字沒在上句。

○三結。四益。

是名菩薩摩訶薩信藏。菩薩住此信藏。則能聞持一切佛法。為衆生說。皆令開悟。

圖是名下。結菩薩住此下。辨益。易知。

○第二戒藏。釋相中二。初列十名。後隨牒釋。今初。

佛子。何等為菩薩摩訶薩戒藏。此菩薩成就普饒益戒。不受戒。不住戒。無悔恨戒。無違諍戒。不損惱戒。無雜穢戒。無貪求戒。無過失戒。無毀犯戒。

圖初中十戒皆通三聚。取其相顯。初但饒益有情。後一律儀。中八通三。約遮過罪。皆菩薩律儀。但為救護等。即是饒益攝善可知。為顯此十。皆通三聚。故釋後一。復顯三聚。

○二牒釋。

云何為普饒益戒。此菩薩受持淨戒。本為利益一切衆生。

圖牒釋中。十戒為十。皆先牒後釋。初饒益者。菩薩本意。故首明之。

云何為不受戒。此菩薩不受行外道諸所有戒。但性自精進。奉持三世諸佛如來平等淨戒。

圖二不受中。文有二意。一不受邪戒。謂鷄狗等。二三聚宿成。動不踰矩。圖謂鷄狗等者。涅槃二十四云。菩薩摩訶薩受持禁戒。不為生天。不

為恐怖。乃至不受狗戒。雞戒。牛戒。鹿戒。雉戒。乃至是名菩薩修大涅槃。是第三戒。又十住毗婆沙論第三。明土中多怖。乃外道。有持牛戒者。狗戒。雞戒。鹿戒。雉戒。乃至是名菩薩修大涅槃。是第三戒。又十住毗婆沙論第三。明妄計。一由天。見有衆生。從狗戒。雞戒。鹿戒。雉戒。乃至是名菩薩修大涅槃。是第三戒。又十住毗婆沙論第三。明一名布刺。擊。擣。他。問。此。無。你。迎。受。持。狗。戒。雞。戒。鹿。戒。雉。戒。乃至是名菩薩修大涅槃。是第三戒。又十住毗婆沙論第三。明時布刺。擊。先。為。他。問。此。無。你。迎。受。持。狗。戒。雞。戒。鹿。戒。雉。戒。乃至是名菩薩修大涅槃。是第三戒。又十住毗婆沙論第三。明告言。辭。聽。受。不。須。問。今。果。懷。恨。時。當。受。持。狗。戒。雞。戒。鹿。戒。雉。戒。乃至是名菩薩修大涅槃。是第三戒。又十住毗婆沙論第三。明或恐。將。來。亦。當。爾。耶。願。大。慈。為。我。宜。說。世。尊。告。曰。准。前。狗。戒。此。等。皆。由。不。了。真。道。婆。沙。又。問。云。何。受。猪。戒。牛。戒。狗。戒。名。無。缺。犯。答。

云何為不住戒。此菩薩受持戒時。心不住欲界。不住色界。不住無色界。何以故。不求生彼而持戒故。

圖三中。唯為菩提及衆生故。非如難陀之類。圖非如難陀。難陀之緣甚長。而人多聞。正明其性多欲。染著妻。見諸天男。皆有天女。獨於一處。見有天女。迥異殊麗。而無天男。問佛。令自問。彼女答言。我夫主。即佛弟難陀。難陀答言。我身即是。女言。難陀。為僧身。披袈裟。聞已。便求剃落。持戒。本為貪著天女。而持禁戒。故阿難譏之。如羝羊相觸。將前而更卻。汝為欲持戒。其事亦如是。身雖能持戒。心為欲所牽。斯業不清淨。何用是戒為。意云。如羊本擬向前。如汝欲生天上。受欲。而更卻。後如汝持戒。故業不清淨。

云何為無悔恨戒。此菩薩恆得安住無悔恨心。何以故。不作重罪。不行詔詐。不破淨戒故。

圖四中。涅槃云。何故持戒。為不悔故。何故不悔。為歡喜故。乃至為得大涅槃故。圖涅槃等者。即第二十七。禁戒。佛言。為心不悔。何故不悔。為受樂故。何故受樂。為遠離故。何故遠離。為安隱。故。何故安隱。為禪定。故。何故禪定。為實知見。故。何故實知見。為見佛性。故。何故見佛性。為得無上。故。何故得無上。為得常樂。故。何故得常樂。淨。為得脫。故。何故得脫。為得無上。故。何故得無上。為得常樂。故。何故得常樂。究竟。故。略後三。後三。即涅槃中事故。

云何為無違諍戒。此菩薩不非先制。不更造立。心常隨順。向涅槃戒。具足受持。無所毀犯。不以持戒。惱他衆生。令其生苦。但願一切。心常歡喜。而持於戒。

云何爲無過失戒。此菩薩不自貢高。言我持戒。見破戒人。亦不輕毀。令他愧恥。但一其心而持於戒。

疏九中不輕毀者。無行經云。見破戒人。不說其過惡。應念彼人。久久亦當得道。問。涅槃云。見破戒人。應當擯黜。訶責舉處。當知是人。得福無量。豈不違於無行此經。答。略有二義。一此經約自行。涅槃據攝衆。二此經約根未熟。護恐增惡。故且攝受。涅槃約根熟者。慈心拔濟。故應折伏。三彼約慈心。此約輕毀。故不同也。云何爲無毀犯戒。此菩薩永斷殺盜邪淫。妄語。兩舌。惡口。及無義語。貪瞋。邪見。具足受持十種善業。菩薩持此無犯戒時。作是念言。一切衆生。毀犯淨戒。皆由顛倒。唯佛世尊。能知衆生。以何因緣而生顛倒。毀犯淨戒。我當成就無上菩提。廣爲衆生說眞實法。令離顛倒。是名菩薩摩訶薩第二戒藏。

疏十中。釋內分二。初明律儀。十善衆戒之本。故偏明之。當如二地。二菩薩持此下。雙明二聚。攝菩提善。益衆生故。

○第三慚藏。釋相中二。先標章。二謂彼下別釋。今初。

佛子。何等爲菩薩摩訶薩慚藏。此菩薩憶念過去所作諸惡而生於慚。

疏然慚愧相別。諸說不同。涅槃云。慚者羞天。愧者羞人。慚者自作惡。愧者不教他作。慚者內自羞恥。愧者發露向人。瑜伽四十四亦云。內生羞恥爲慚。外生羞恥爲愧。大同涅槃後解。成唯識云。依自法力。崇重賢善爲慚。依世間力。輕拒暴惡爲愧。俱舍亦同。若無慚愧。但翻上慚愧。謂不差天。則是無慚。餘可例知。若說羞恥爲慚愧者。是二通相。今經多同唯識。而以不相恭敬爲二通相。

○二別釋中。分二。先釋過去作惡。即無慚行。二自惟下。釋而生於慚。今初。

謂彼菩薩心自念言。我無始世來。與諸衆生。皆悉互作父母兄弟姊妹男女。具貪瞋癡。憍慢詭誑。及餘一切諸煩惱故。更相惱害。遞相陵奪。姦淫傷殺。無惡不造。一切衆生悉亦如是。以諸煩惱備造衆惡。是故各不相恭敬。不相尊重。不相承順。不相謙下。不相啓導。不相護惜。更相殺害。互爲怨讎。

國文中初自念無慚。後一切下。悲他亦爾。

○第二正顯慚相。

自惟我身。及諸衆生。去來現在行無慚法。三世諸佛無不知見。今若不斷此無慚行。三世諸佛亦當見我。我當云何猶行不止。甚爲不可。是故我應專心斷除。證阿耨多羅三藐三菩提。廣爲衆生說真實法。是名菩薩摩訶薩第三慚藏。

國顯慚相中。初自念昔非。恥佛知見。現修慚相。自惟。卽是內自羞恥。國自惟卽是內自羞恥者。正同涅槃。兼得唯識。依自法力。二是故已下。決志斷證。文言去來現在行無慚者。言總意別。菩薩自惟昔過。惑物三世常行。故專心斷除。防已伏之再起。爲衆生說。則物我之兼亡。

○第四愧藏。釋相中三。初自念無愧而修愧行。

佛子。何等爲菩薩摩訶薩愧藏。此菩薩自愧昔來。於五欲中。種種貪求。無有厭足。因此增長貪恚癡等一切煩惱。我今不應復行是事。

國云我今不應復行是事。卽愧行也。

○二傷物無愧。

又作是念。衆生無智。起諸煩惱。具行惡法。不相恭敬。不相尊重。乃至展轉互爲怨讎。如是等惡無不備造。已歡喜追求稱歎。盲無慧眼無所知見。

○三依願世間而修愧行。

於母人腹中。入胎受生成垢穢身。畢竟至於髮白面皺。有智慧者。觀此但是從淫慾生不淨之法。三世諸佛皆悉知見。若我於今猶行是事。則爲欺誑三世諸佛。是故我當修行於愧。速成阿耨多羅三藐三菩提。廣爲衆生說眞實法。是名菩薩摩訶薩第四愧藏。

○第五聞藏。
鬚依願世間而修愧行。誓益自他。於中初所愧境。有智慧下。顧他生愧。卽外羞也。初因人。後諸佛。是故已下。決志斷證。言不淨之法者。從淫慾生。卽種子不淨。母人腹中。卽住處不淨。成垢穢身。卽自相。自性。究竟髮白。意含究竟不淨。鬚從淫慾生者。疏中先說五種不淨。一。種子不淨。二。住處不淨。三。自性不淨。四。自相不淨。五。究竟不淨。卽智論二十一。說。梵行。品。已廣其相。但自性不淨。卽三十六物。今當更說。卽淫慾。十二。聖行。品。云。從頭至足。其。膽。十。六。腸。十。七。胃。十。八。生。藏。十。九。熱。藏。二。十。大。便。二。十。一。小。便。二。十。二。涕。三。十。三。唾。三。十。四。淚。三。十。五。諸。脈。三。十。六。釋。曰。遠。公。不。分。其。中。骨。有。二。腦。有。二。腦。連。膜。除。二。今。欠。二。腸。有。大。小。亦。欠。其。一。餘。處。有。胞。則。具。三。十。六。直。就。經。文。言。誑。三。世。佛。者。違。本。四。弘。誓。斷。惑。故。餘。文。易。知。

佛子。何等爲菩薩摩訶薩聞藏。

○釋相中二。初明所知之法。後菩薩摩訶薩下。顯多聞之意。今初標稱聞藏。釋云知者。聞爲本故。實則多知耳。文亦分二。先標章。後牒釋。今初。

此菩薩知是事有故。是事有。是事無故。是事無。是事起故。是事起。是事滅故。是事滅。是世間法。是有爲法。是無爲法。是有記法。是無記法。

圓句雖有十。義束爲七。初之四句。但是緣生故。謂一緣生。二有漏五蘊。三無漏五蘊。四有爲。五無爲。六有記。七無記。

○二牒釋。卽爲七段。初緣起。

何等爲是事有故。是事有。謂無明有故行有。何等爲是事無故。是事無。謂識無故名色無。何等爲是事起。故是事起。謂愛起故苦起。何等爲是事滅。故是事滅。謂有滅故生滅。

圓緣起中。依生引二門。開爲四重徵釋。謂十二支。初二能引。次五所引。次三能生。後二所生。故爲四也。前七許同因位。故名能引所引。後五要因果相望。云能生所生。由此能所引中。但云此有彼有。後文則云此起彼起。起卽生也。故集論云。謂於因時有能引所引。於果時有能生所生。然文有染淨二觀。初於能引中。明染觀。故云無明有故行有。第二約所引。亦通能所相對。以明淨觀。故云識無故名色無。以識通能引。有二種業。一持諸有情所有業縛。謂與行所引習氣俱生滅故。二與名色作緣。謂由識入母胎。名色得增長。今言識無者。卽不爲業熏。不持業縛。故不入胎增長名色。故云識無故名色無。第三能生所生相對。以明染觀。故云愛起故苦起。苦卽當果。愛卽能生。能生有三。舉初攝末。下明淨觀。舉末攝初。蓋巧辨影略耳。第

四亦能所生相對。以明淨觀。謂因亡果喪耳。翻第三下能生所生相對上愛取有是能生。生老死為所生。

圖初從十二緣說。無明有故行有。識無故名色無。愛起故苦起。有滅故生滅。此上四事。識之與愛。皆從無

明妄計。諸有從生。今達有本無。即十二緣滅。十二緣滅。非智有生。非智有滅。但除其病。其智無依。無形無

為。而靈通萬有。無思而現。無作而成。學之者。以止觀兩門。功終方會。此之一辨。後之十法總終。聖教具陳

識相。對治異解。已下如文具明。

○第二有漏五蘊。

何等為世間法。所謂色受想行識。

圖蘊者。積聚義。雜集第一云。藏果。重擔義。而標名世間者。世即隱覆義。隱覆勝義故。又可破壞義。三世所

遷故。問者。墮虛偽中故。隱覆之法。即墮虛偽。故世即是問。然色等蘊。通於無漏出世之義。欲訶毀故。略舉

一分。翻二有漏下文五。一釋總名。已見光明覺。雜集藏果等者。即第二論。其藏果義與蘊義大同。重擔與

蘊如是。乃至識蘊。釋曰。此即藏果義。蘊藏色等。果法耳。言重擔者。論云。荷雜染擔。故名蘊。積聚義。如財貨

雜染擔者。謂煩惱等諸雜染法。皆依色等。故譬如世間身之一分。能荷於擔。即此一分。名肩。名蘊。色等亦

爾能荷雜染。故名之為蘊。而標名下。二釋世間。世有三義。隱覆名世。通為無為。如世界成就品。下二唯有

為世間。世即是問。持業釋也。然色等。下三料揀。言通無漏者。謂佛五蘊。況因滅無常色。獲常色等。兼通無

義。不相應。故留於無漏。不攝無為。云何知之。應知三種。一知其相。謂色以變礙為相。受以領納為義。想著

取像。行謂遷流。識者了別。二知其生滅。謂生無所從來。滅無所至。三知其不生不滅。謂法本不生。今則無

滅。故力林菩薩云。分別此諸蘊。其性本空寂。空故不可滅。此是無生義。況知一切法趣蘊。蘊即法界無礙。方名真實多聞。然諸蘊性。性皆遷流。隨勝立名。行之一種。雖標總稱。即受別名。又攝法多故。然諸蘊性下。

即以通為別妨釋有二義。初一可知。又攝法多者。第二釋也。因此略明五蘊。攝法多少。且依大乘百法。識蘊唯攝八識心王色蘊唯攝十一種色。想受二蘊。但攝心所。徧行中二數。四蘊。但攝二十一法。除六無為。故云多也。百法已見第一疏抄。

○第二無漏五蘊。

何等為出世間法。為謂戒定慧。解脫。解脫知見。

爾亦名無取五蘊。然無漏蘊亦有二類。一仍本名。亦名色等。不與漏相應。故名為無漏。二從已轉立名。即五分法身。如今文是。欲顯戒等德是可欣。故從極果。標以出世。理實亦有世間戒等。理實亦有者。上五間戒等。自有二義。一者外道。共有十善等戒。四禪等定。世智之慧。脫下地惑。於中知見。二者正教。戒定慧之中。亦說十善五戒。四禪八定。無見慢修欣厭之慧。脫下界縛。了見分明。而是有漏。故名世間。戒定慧三。上來類釋。解脫即是離繫為名。解脫知見。由離繫縛。於境自在。觀求覺了。智論八十八云。戒眾者。攝一切戒。和合成眾。眾即蘊也。餘皆準之。然即轉前五蘊。成此五分。謂轉色蘊成於戒身。表無表戒。皆色蘊故。轉受蘊而成定名。定名正受。入四靜慮。出四受故。轉想成慧。凡所有想。皆是虛妄。見相非相。見法身故。轉行為解脫。無貪等行。名心解脫。永斷無智慧解脫故。轉識成解脫知見。若與邪受妄想相應。謂識依根。了別諸境。若與正受智慧相應。即是現量。如實知故。仁王觀空品云。觀色識受想行。得戒忍。知見忍。定忍。慧忍。解脫忍。即斯義也。然此五分法身。不覆勝義。不為相遷。不墮虛偽。故名出世。雜集云。謂能對治三界無顛倒無戲論無分別故。是出世間義。問。無取五蘊。即有為無漏。何以言不為相遷。答。約教異故。前是權小所明。若實教定說。非為無為。同真性故。但似蘊相現。立以蘊名。故涅槃純陀云。善覆如來有為之相。應言如來同於無為。況二融攝。若如是知。名為多聞。

○第四有爲。

何等爲有爲法。所謂欲界。色界。無色界。衆生界。

有爲者。瑜伽一百云。有生滅。繫屬因緣。是有爲。智論云。有所得故。是有爲。二論心境爲異。今略舉四

事。三界卽所依處。衆生卽能依之者。然所依處。隨心成異。故論云。欲所屬界。名欲界等。論云者。卽俱舍

界。云色所屬界。名爲色界。無色所屬界。名爲無色界。略所屬二字。但名欲界等。

○第五無爲。

何等爲無爲法。所謂虛空。涅槃。數緣滅。非數緣滅。緣起。法性住。

國爲者。作也。卽前生滅。今虛空等。寂寞沖虛。湛然常住。無彼造作。故名無爲。瑜伽云。無生滅。不擊屬因緣。

是名無爲。智論云。無所得故。名爲無爲。淨名云。不墮數故。然諸論總名。大旨無別。言虛空者。離諸障礙。無

物所顯故。國唯識有六無爲。卽爲六段。初虛空。釋語全是百法疏意。卽唯識依性假施設有義。彼論先釋

離諸障礙。故名虛空。釋曰。彼論明法性空。但言離諸障礙。二涅槃者。古有二釋。一云性寂滅故。此卽性淨涅

槃。涅槃三十四。亦同此說。三數緣滅者。數謂慧數。由慧爲緣。揀擇諸惑。能顯滅理。故唐三藏譯爲擇滅。謂

擇力所得滅。名爲擇滅。然此滅言。有其二義。一理性寂滅。此從所顯得名。二因滅惑顯。名理爲滅。則從能

顯得名。四非數緣滅者。非由慧數滅惑所得。但以性淨。及於緣闕之所顯故。四非數緣滅者。故唯識云。不

顯。名非擇滅。釋曰。論存二義。初義異小。故上疏文。取爲措定。言緣闕者。俱舍論云。畢竟清淨。及緣闕所

起。起。下釋中云。言當生者。當來生法。緣會則生。緣闕不生。於不生時。得非擇滅。此非擇滅。礙當生法。令永不

起。別得故。非擇滅。得不因擇滅。但由緣闕。名非擇滅。中。五緣起者。有別有通。別謂十二因緣故。分別論者。

華嚴經疏論纂要卷四十二 十無盡藏品二十二 五開藏 四有爲 五無爲

大眾。一說。雞胤。化地。說出世部。皆立十二緣起。以爲無爲。彼意以其次第作緣。恒無雜亂。故說爲常。有佛無佛。此法自爾。名曰無爲。故智論三十二云。聲聞法中。亦說法性實際故。雜阿含中說。有一比丘問佛。十二因緣。爲是佛作。爲是餘人作。佛告比丘。我不作十二因緣。亦非餘人作。有佛無佛。諸法如法相。法位常有。所謂是事有故是事有等。涅槃亦說。卽是無爲。遠公云。就人論法。三世流轉。是其有爲。廢人談法。法相常定。故曰無爲。望今經意。緣起無性。故曰無爲。大品云。菩薩觀十二因緣。如虛空不可盡。涅槃云。十二因緣卽是佛性。雖舉才二因緣。卽已攝陰界諸法。六法性住者。卽真如也。謂非妄倒。故名真如。又真實如常。揀妄揀事。於一切位。恒如其性。而云住者。離遷變故。與法爲性。是隨緣義。復云住者。是不變義。卽妄卽真。事皆如矣。若準智論。法性法住。各是一義。云云。卽爲七法。若準智論下。別釋。取上法字。及下住字。自爲一義。成七無爲。則法字兩用。然小乘說三虛空。則就外空。復計三皆實有。若大乘說。非唯數增。義亦有異。唯識論中。二義建立。一唯心變故。二依法性假施設有。謂此諸義。但一真如。隨義假設。一無相義。二所證義。三惑盡義。四性淨義。五隨緣義。六隨緣卽不變義。然小乘下。對揀權實。初舉小乘。若大乘下。舉大斥小。此中法性卽是真如。然法性真如。亦假施設。遮撥爲無。故說爲有。遮執爲有。故說爲空。勿謂虛幻。故說爲實。理非妄倒。故名真如。爲法之性。名爲法性。非離色心。別有實體。今多聞之人。不唯知名而已。應如是知。

○第六有記法。

何等爲有記法。謂四聖諦。四沙門果。四辯。四無所畏。四念處。四正勤。四神足。五根。五力。七覺分。八聖道分。闕有記法者。有釋云。謂能招愛非愛果。故名有記。此乃通說。餘處辨記。卽是善惡。今唯舉善。應云順理善。

法可記錄故。下出所記法體。句有十一。義攝唯五。四聖諦。如前本品已辨。四沙門果。如梵行品。四辯。如第九地。三十七品。如第四地。四無所畏。今當略明。謂外難無怯。故名無畏。瑜伽云。如來於此謗難。都不見有如實因相。由是因緣。能自了知。坦然無畏。無畏爲四。一切智無畏。二漏盡無畏。三者障道。四出苦道。此四各有難答。初外難云。若佛是一切智者。有諸比丘。從他方來。何須問言。安樂住不。言一切智。無所不知。今問於他。一何相反。佛自唱言。我是一切智人。但爲攝受來者。隨順世間師弟人事。故。此四段下。二畏難。有二。初。佛舉所難。二有諸比丘。下正難。於中先出難。所以謂諸部律中。多有此言。時諸比丘。至如來所。頭面禮足。佛便問言。比丘。下止安樂。中乞按定所得。明不以飲食爲苦。耶等。今何故問者。即是難也。言一一切下。結成難也。佛自唱言。下答也。於中。先按定所得。明不以飲食爲苦。耶等。今何故問者。即是難也。言得安隱住。無怖無畏。自稱我。是大仙尊位。但爲攝受下。出是。一切智。所以。現問我。非此難。正見無由者。令發勝心。聞佛慰問。發道心。故。隨順世間師弟人事者。此。見來發心。應爲引攝。故云。隨順世間。二有難云。若佛自言漏永盡者。何以愛語羅睺。訶罵調達。佛於此難。正見無由安隱無怯。自唱德號。我實漏盡。但爲隨根而調伏故。二有難云。第二無畏。先難中。文但有二。先。佛舉所難。謂經中。佛說。我諸漏已盡。何以干。驅師子。即愛語羅睺。調達。類爲惡行。佛時罵言。癡人。或云。食唾小兒等。耶佛於此難。下亦先按定所野難。不失漏盡之義。但爲隨根而調伏故。即出愛悲。所以謂羅睺。瞿之。慧象。隨逐人心。軟言。即調達。喻之。惡馬。楚毒方調。非是。如來有。三有難云。若佛說欲能障道者。何故預流一來。尙有妻子之愛。佛於此難。心愛羅睺。有悲。調達。漏未盡也。三有難云。若佛說欲能障道者。何故預流一來。尙有妻子之愛。佛於此難。心無怯懼。謂自唱德號。我說欲能障道。但障不還羅漢。非初二果。佛於此。具下答中。亦二。先按所難。不失欲爲隱無怯。處大仙位。故云。自唱德號。我所說下。出不障。所以若說邪行。障諸聖道。若說畜妻。障正見。無由安離欲道。初二果。人性戒。久成。故斷邪行。既未離欲。不斷妻子。斯有何失。故諸染法。非不障也。四有難云。若佛說諸聖道能盡苦者。何故羅漢受瘡。潰蛇螫之苦。佛於此難。心無怯懼。自唱德號。我說聖道。實能盡苦邊際。但說未來。非現在故。我說聖道下。通前難。然有二意。一者由於前世故。業感身。於此身上。得阿羅漢。苦依身在。故有此苦。非得羅漢後。有此苦。即今疏意。更有意。於此身上。得阿羅漢。

華嚴經疏論要卷四十二 十無盡藏品二十二 五闍闍 六有記法

爲現惡因。必有苦報。由此聖者。示相受苦。起後。四。中。初一。離所知障。次。離煩惱障。二是出離道障。四即出教。故。亦。猶。世。尊。受。金。輪。等。示。義。非。實。故。疏。略。無。四。中。初。一。爲。菩。薩。第。二。爲。聲。聞。後。二。通。爲。智。論。二。十。五。瓊。伽。五。離。之。道。初。二。自。利。後。二。利。他。所。以。自。歎。此。四。者。初。一。爲。菩。薩。第。二。爲。聲。聞。後。二。通。爲。智。論。二。十。五。瓊。伽。五。十。對。法。十。四。廣。辨。其。相。

○第七無記中分二。先徵名。後謂世間下。辨相。今初。

何等爲無記法。

無記二義。一非善非惡。不能招感愛非愛果。名爲無記。可釋餘文。今此正謂虛妄推度。非理問難。不可記錄。故名無記。非對善惡故。俱舍第十九云。諸契經說十四無記。即其義也。亦名置記。記即答也。不應答故。所以不答者何。謂此乃無義語也。知之不免生死。不知不障涅槃。前說有記。則反於此。智論第三云。所以不答十四難者。此事無實故。諸法有常。無此理故。言斷亦爾。如有人問。穀於牛角。得幾升乳。豈日問耶。第十七云。有一比丘。思唯十四難不能解。辭佛不爲弟子。佛言。我爲老病死人。說法濟度。此是闍諍法。如中毒箭。不應推尋。楞伽亦云。皆是世論。非我所說。圖第十七下。引昔例。今其文稍略。具云。有一比丘。於十佛言。佛能爲我解此十四難。使我了者。當作弟子。若不能解。我當更求餘道。佛言。癡人。汝共我誓。若答此十四難。汝作阿羅漢。不滯不礙。知其是心。重病能出。能忍。是名實言。十四者。即此中前四四句。其第四四句。相。即。得。而。欲。求。道。復。不。礙。知。其。是。心。重。病。能。出。能。忍。是。名。實。言。十。四。者。即。此。中。前。四。四。句。其。第。四。四。句。

但合爲二。謂身與神一。身與神異。然諸經論多說十四難。而相或同異。不繁會釋。今經委論。不出我法二執。

○二辨相中。文分五段。第一有四四句。就我明無記。第二過去下。就三世橫論。凡聖數之多少。三何等下。約凡聖豎論。初後四世間從何下。徵三世間所從。五何者下。約生死際畔以辨無記。今初。

謂世間有邊。世間無邊。世間亦有邊亦無邊。世間非有邊非無邊。世間有常。世間無常。世間亦有常亦無常。世間非有常非無常。如來滅後有。如來滅後無。如來滅後亦有亦無。如來滅後非有非無。『我及衆生有。我及衆生無。我及衆生亦有亦無。我及衆生非有非無。』

【圖句雖十六。其過不出斷常。言世間者。準大品中。通三世間。謂衆生世間。五蘊世間。及器世間。今此文意。正顯衆生世間。兼明五蘊世間。以衆生是總主假者。外道計以爲我。故有邊等諸見。初有邊四句。約未來世。常等四句。約過去世。如來有無。依涅槃起故。中論邪見品云。我於過去世。爲有爲是無。世間常等見。皆依過去世。我於未來世。爲作爲無作。有邊等諸見。皆依未來世。涅槃品云。如來滅後有無等。依涅槃起。我及衆生有無四句。約現在說。既知起見之本。次隨文別釋。卽爲四段。第一四句。言有邊者。卽斷見外道。計我於後世。更不復作。則與此身俱盡。無邊者。謂我於後世。更有所作。三俱句者。身盡故有邊。我不異故無邊。四俱非句者。亦以我存身盡。見上有過。故立此句。謂身盡故。非無邊。我存故。非有邊。既皆邪見。故不答之。若欲破者。初之二句。墮無後世過。謂有邊。則與陰同盡。無邊則是今身。故皆無後世。無後世者。修道苦行。爲何益耶。第二句亦有邊無邊者。若身盡我存。身我爲一爲異。一則不應有盡不盡。異則離蘊。何相知

有我耶。若謂捨人生天。人分猶在。天分更增。則半天半人。故皆不可。第四句。非有邊未免於無。非無邊未免於有。云何於此強分別耶。二常等四句。約過去者。過去世我。卽是今我。名之爲常。若常卽有大過。破壞因果涅槃等故。若謂我今始生。名爲無常。若爾。我是作法。亦墮無因。無因則亦無涅槃等。第三見上二過。便謂我常身無常。離身何處有我。又成上二過。第四謂我不異故非無常。身有異故非常。破同第三句。又中論云。一切法空故。何有邊無邊。及常等見。餘義廣如彼論。三如來滅後四句。依中論。附涅槃起四句。如來卽佛也。順此經文。亦是外道自立己師而爲如來。有謂如來滅後定有不變。或謂入無餘依。同於太虛。或謂法有應無。或謂約應非有。約法非無。以其四句。皆成戲論。不見如來寂滅相故。亦爲邪見。此則權小之徒。未能免也。瑜伽八十七云。依二道理。如實隨觀。俱不可記。如來滅後若有若無。所以者何。且依勝義。彼不可得。況其滅後。或有或無。若依世俗。爲於諸行。假立如來。爲於涅槃。若於諸行。如來滅後。無有一行。流轉可得。爾時何處假立如來。旣無如來。何有無等。若於涅槃。涅槃唯是無行所顯。絕諸戲論。自內所證。絕戲論故。施設爲有。不應道理。亦復不應施設非有。勿當損毀。施設妙有寂靜涅槃。又此涅槃。極難知故。最微細故。說名甚深。種種非一。諸行煩惱斷所顯故。說名廣大。現量比量及正教量所不量故。說名無量。四我及衆生有無等四句。此並雙立。衆生卽是五蘊。非約總主。有卽定有。定有著常。無卽定無。定無著斷。三遠上二過雙立有無。卽墮相違。四避此相違。立俱非句。又成戲論。

○第二門明三乘凡聖數之多少。

過去有幾如來般涅槃。幾聲聞辟支佛般涅槃。未來有幾如來。幾聲聞辟支佛。幾衆生。現在有幾佛住。幾聲

聞辟支佛住。幾衆生住。

圃凡聖數之多少者。以橫無邊故。不可記也。

○第三門豎無際故。不可記也。

何等如來最先出。何等聲聞辟支佛最先出。何等衆生最先出。何等如來最後出。何等聲聞辟支佛最後出。何等衆生最後出。何法最在初。何法最在後。

圃有人答問云。有初佛。言自然悟。引獼祭天。亦爲應機。寧加置記。若有初佛。如來應知。則可說名。言何法者。染淨等一切法也。圃第三門豎明中。言有人答問者。即水南善知識。答燕國公張說。問云。法在前。佛在後。答云。自然而悟。如月令中。獼乃祭天。豈有人教。燕公大伏。亦爲應機者。歎其善對。寧加置記者。爲順經文。從若有初佛下。出不加置記。所以既有初佛。悉數難窮。如來具足一切種智。直舉初佛。則可示矣。故雖善對。未息難源。言何法者。染淨一切法者。即如真妄前後之難也。初會略明。初地當廣。

○第四門徵世間所從。

世間從何處來。去至何所。有幾世界成。有幾世界壞。世界從何處來。去至何所。

圃有六句。初二句問衆生及蘊世間。次四句約器世間。以外道計衆生有最初生故。或謂從冥諦中來。還至冥故。或謂世界皆微塵成。謂至妙之色。常恒不變。聚則爲身器。散則成微塵故。此皆邪見之源。故不應答。

○第五約生死初後際。

何者爲生死最初際。何者爲生死最後際。

因生死初後際。唯有二句。問。初際無始。聖教所明。生死有終。豈非正理。答。略有三義。一約一人。則可云終。通望一切。則無終極。二以彼定執。長邪見故。亦不應答。謂若許有終。必有始故。常法無始。亦無終故。三約法性。皆不可說。故中論云。大聖之所說。本際不可得。生死無有始。亦復無有終。若無有始終。中當云何有。是故於此中。先後共亦無。既言本際不可得。亦不應定謂無始無終。況有始終之見耶。又有偈云。眞法及說者。聽者難得故。是故則生死。非有邊無邊。上諸邪見。多是外道。亦參小乘。菩薩善知。則問答無滯。便舉破者。令自他造中故也。約上諸邪見下。總結上意。言菩薩善知問答者。具四種答。一正是置答。二如說生約何法說我。何法說衆生。應答言。約假名說我。約緣說衆生。是名隨問答。若通前七以辨多聞。問答居然可知。餘可思準。

是名無記法。

因結名可知。

○大科第二顯多聞之意。

菩薩摩訶薩作如是念。一切衆生。於生死中。無有多聞。不能了知。此一切法。我當發意持多聞藏。證阿耨多羅三藐三菩提。爲諸衆生說眞實法。是名菩薩摩訶薩第五多聞藏。

疏謂悲物無聞。長淪生死。故誓持聞藏。自證利他。

大方廣佛華嚴經疏論纂要卷第四十二

大方廣佛華嚴經疏論纂要卷第四十三

五臺山清涼國師澄觀疏鈔 太原方山長者李通玄論

閩鼓山私淑比丘道霈纂要

十無盡藏品第二十二之二

○第六施藏。文三同前。釋相中二。第一標列十章。

佛子。何等爲菩薩摩訶薩施藏。此菩薩行十種施。所謂分減施。竭盡施。內施。外施。內外施。一切施。過去施。未來施。現在施。究竟施。

○第二依章牒釋。釋中十段。一一各三。謂標。釋。結。然此十施。前六事捨。謂身。命。財。次三心捨。謂不取著。後一俱捨。名爲究竟。第一分減施。

佛子。云何爲菩薩分減施。此菩薩真性仁慈。好行惠施。若得美味。不專自受。要與衆生然後方食。凡所受物。悉亦如是。若自食時。作是念言。我身中有八萬戶蟲。依於我住。我身充樂。彼亦充樂。我身飢苦。彼亦飢苦。我今受此所有飲食。願令衆生普得充飽。爲施彼故而自食之。不貪其味。復作是念。我於長夜愛著其身。欲令充飽。而受飲食。今以此食惠施衆生。願我於身永斷貪著。是名分減施。

疏釋中三。初明分減之相。二若自食下。明施善巧。外無施境。而不捨施心。三復作下。對治施障。

○第二竭盡施。

云何爲菩薩竭盡施。佛子。此菩薩得種種上味飲食。香華衣服。資生之具。若自以受用。則安樂延年。若輟已施人。則窮苦天命。時或有人來作是言。汝今所有悉當與我。菩薩自念。我無始已來。以飢餓故。喪身無數。未

○第三內施。

云何爲菩薩內施。佛子。此菩薩年方少盛。端正美好。香華衣服以嚴其身。始受灌頂轉輪王位。七寶具足。王四天下。時或有人來白王言。大王當知。我今衰老。身嬰重疾。榮獨羸頓。死將不久。若得王身手足血肉。頭目骨髓。我之身命必冀存活。唯願大王。莫更籌量有所顧惜。但見慈念以施於我。爾時菩薩作是念言。今我此身後必當死無一利益。宜時疾捨以濟衆生。念已施之心無所悔。是名內施。

爾內施。謂內身也。榮者。單也。玉篇云。無兄曰榮。無子曰獨。頓者。損也。冀者。望也。三是名下。結名。

○第四外施。

云何爲菩薩外施。佛子。此菩薩年盛色美。衆相具足。名華上服而以嚴身。始受灌頂轉輪王位。七寶具足。王四天下。時或有人來白王言。我今貧窶。衆苦逼迫。惟願仁慈。特垂矜念。捨此王位以贍於我。我當統領受王福樂。爾時菩薩作是念言。一切榮盛必當衰歇。於衰歇時。不能復更饒益衆生。我今宜應隨彼所求。充滿其意。作是念已。即便施之而無所悔。是名外施。

爾外施。卽王位也。窶者。無財備禮也。

○第五內外施。

云何爲菩薩內外施。佛子。此菩薩如上所說。處輪王位。七寶具足。王四天下。時或有人而來自言。此轉輪位。王處已久。我未曾得。唯願大王捨之與我。并及王身爲我臣僕。爾時菩薩作是念言。我身財寶。及以王位。悉是無常敗壞之法。我今盛壯富有天下。乞者現前。當以不堅而求堅法。作是念已。即便施之。乃至以身。恭勤

作役。心無所悔。是名內外施。

國內外施者。王位爲外。兼身作役爲內也。

○第六一切施。

云何爲菩薩一切施。佛子。此菩薩亦如上說。處輪王位。七寶具足。王四天下。時有無量貧窮之人。來詣其前。而作是言。大王名稱。周聞十方。我等欽風。故來至此。吾曹今者各有所求。願普垂慈。令得滿足。時諸貧人。從彼大王。或乞國土。或乞妻子。或乞手足。血肉心肺。頭目髓腦。菩薩是時。心作是念。一切恩愛會當別離。而於衆生無所饒益。我今爲欲永捨貪愛。以此一切必離散物。滿衆生願。作是念已。悉皆施與。心無悔恨。亦不於衆生而生厭賤。是名一切施。

國一切施者。凡所有物也。此與竭盡及內外施異者。竭盡揀異分減。但約資生。內外合前二門。共言作役王位。今云一切。通前諸門。又是事捨之終。故總該收。舉難攝易。略列數條。廣則無邊。如第六迴向所辨。

○第七過去施。

云何爲菩薩過去施。此菩薩聞過去諸佛菩薩所有功德。聞已不著。了達非有。不起分別。不貪不味。亦不求取。無所依倚。見法如夢。無有堅固。於諸善根不起有想。亦無所倚。但爲教化。取著衆生成熟佛法。而爲演說。又復觀察過去諸法。十方推求。都不可得。作是念已。於過去法。畢竟皆捨。是名過去施。

國過去施者。然三世之施。通相皆明不著。別則過去不生追戀。未來預止貪求。現在心無染著。今過去釋中分二。先明於佛法無著。後又復下。於一切法無著。前中初二句總明。次不起分別下。別顯。先顯不著之

相。不分別者。稱法性故。次不貪染。不愛味。亦不方便求取。以爲己德。亦不依此而起修行。次見法下。廣上了達。釋不著所由。次但爲下。釋疑。疑云。既俱無著。云何而說。釋云。爲化衆生。令無著故。二於一切法無著者。以般若智。求不可得。觸目現境。尙了性空。過往法中。寧當計有。

○第八未來施。

云何爲菩薩未來施。此菩薩聞未來諸佛之所修行。了達非有不取於相。不別樂往生諸佛國土。不味不著。亦不生厭。不以善根迴向於彼。亦不於彼而退善根。常勤修行。未曾廢捨。但欲因彼境界。攝取衆生。爲說眞實。令成熟佛法。然此法者。非有處所。非無處所。非內非外。非近非遠。復作是念。若法非有。不可不捨。是名未來施。

○釋中分二。先正顯。後釋疑。前中不著修行之因。不願淨土之果。不味其好。不厭其事。不迴向者。釋上不自安處。求勝樂故。不退已下。釋上不厭。修彼行故。二但欲下。釋疑。疑云。既於淨不味。修行何爲。釋有二意。一者約悲。但爲攝物故。二然此下。約智。智了非有故。生即非生。故不著。不礙事故。非生之生。故修行。非有處所者。與理冥故。非無處所者。專像形故。非內者。相分境故。非外者。心所淨故。非近者。十萬等殊故。非遠者。我淨土不毀故。此約淨國以說。若通論未來法者。可以意知。復作已下。更約性空。結成捨義。又曰擊尙捨。況於未形。○非有處所者。與理冥故者。即明淨土四句之義。謂有質不成。無質不成等。如世界成於餘土。遠近之數。若約通論。未來法可以意知者。未來未至。故非有處所。緣會當成。聖智所知。故非無處所。未來故非內。由心故非外。未至何有遠近。

○第九現在施。

華嚴經疏論纂要卷四十三 十無盡藏品二十二 六施藏 過去施 未來施 現在施

云何爲菩薩現在施。此菩薩聞四天王衆天。三十三天。夜摩天。兜率陀天。化樂天。他化自在天。梵天。梵身天。梵輔天。梵衆天。大梵天。光天。少光天。無量光天。光音天。淨天。少淨天。無量淨天。徧淨天。廣天。少廣天。無量廣天。廣果天。無煩天。無熱天。善見天。善現天。色究竟天。乃至聞聲聞緣覺具足功德。聞已。其心不迷不沒。不聚不散。但觀諸行。如夢不實。無有貪著。爲令衆生捨離惡趣。心無分別。修菩薩道。成就佛法。而爲開演。是名現在施。

釋中有三。初明所捨之境。二聞已下。正明捨心。三爲令下。釋通外難。今初。先列淨天。後列二乘功德。上二世中。舉佛菩薩。今舉諸天二乘者。文影略耳。言乃至二乘功德者。中間越於四空等故。二聞已下。正明捨心中。聞上世出世境已。不迷爲實。不沈沒於貪。不聚集其善因。不散動以分別。但觀下。釋其所以。可知。三爲令下。釋難者。疑云。旣言不聚善因。何以說五乘因果。釋云。拯三塗之劇苦。示人天以蘇息。止劣見之妄情。說二乘以引攝。爲物然耳。非自不捨也。

○第十究竟施。

云何爲菩薩究竟施。佛子。此菩薩假使有無量衆生。或有無眼。或有無耳。或無鼻舌。及以手足。來至其所。告菩薩言。我身薄祐。諸根殘缺。惟願仁慈。以善方便。捨已所有。令我具足。菩薩聞之。即便施與。假使由此經阿僧祇劫。諸根不具。亦不心生一念悔惜。但自觀身。從初入胎。不淨微形。胞段諸根。生老病死。又觀此身。無有眞實。無有慚愧。非賢聖物。臭穢不潔。骨節相持。血肉所塗。九孔常流。人所惡賤。作是觀已。不生一念愛著之心。復作是念。此身危脆。無有堅固。我今云何而生戀著。應以施彼。充滿其願。如我所作。以此開導一切衆生。

令於身心不生貪愛。悉得成就清淨智身。是名究竟施。是爲菩薩摩訶薩第六施藏。

爾文三同前。徵名者。略有五義。得究竟名。一前六捨財命。次三捨著心。今則兼上二門故。二又發大願。令物無著故。三令物得究竟果故。四不生一念愛著。則微細無著故。五究竟能令物實益故。如無眼等而施之者。如世凡人。豈能將他之目。安之於己。今菩薩福力。令彼還得。以慈善根力故。如五百羣賊。平復如故。故云究竟益。釋相中三。初施境現前。二菩薩聞下。正明施行。三如我下。迴向衆生。二中分二。初正施無吝。二但自下。釋成行之由。由入觀故。此觀卽是念處觀也。皆言身者。觀有通別。別觀五蘊。一一名身。故淨名云。是身如泡。不得久立等。通觀五陰皆無常等。故智論云。五陰卽無常。無常卽苦。苦卽無我等。今此不淨。偏語色身。餘之三觀。皆通五蘊。第一苦觀。謂始從入胎。皆生苦攝。老等可知。二又觀下。明無我觀。謂無真實主宰故。無有慚愧者。雖假以澡浴衣食。一旦背恩。如小兒故。非賢聖物者。是世間故。故智論云。由無我故。令捨世間。三臭穢下。明不淨觀。四復作下。明無常觀。觀危脆故。圓一且背恩如小兒故者。卽智論文。審思如小兒。故智論云。由無我故下。亦同此卷。已前亦引。三迴向者。揀小乘故。然菩薩修此觀時。以無所得而爲方便故。同法界故。已不共小。況迴向耶。

○第七慧藏中。分四。一徵名。二釋相。三結名。四歎益。就釋相中。二初明慧藏。後釋無盡。前中三。初明如實知境。次云何下。釋如實知義。三菩薩成就下。總結多門。以彰善巧。今初。

佛子。何等爲菩薩摩訶薩慧藏。此菩薩於色。如實知。色集。如實知。色滅。如實知。色滅道。如實知。於受想行識。如實知。受想行識集。如實知。受想行識滅。如實知。受想行識滅道。如實知。於無明。如實知。無明集。如實知。

無明滅。如實知。無明滅道。如實知。於愛。如實知。愛集。如實知。愛滅。如實知。愛滅道。如實知。於聲聞。如實知。聲聞法。如實知。聲聞集。如實知。聲聞涅槃。如實知。於獨覺。如實知。獨覺法。如實知。獨覺集。如實知。獨覺涅槃。如實知。於菩薩。如實知。菩薩法。如實知。菩薩集。如實知。菩薩涅槃。如實知。

以四諦慧。照十種法。攝十為五類。前五五蘊。次二有支。後三三乘故。以四諦慧等者。即無作四諦也。能觀。皆無作也。收此五類。不出二門。初二凡境。後三聖境。又若後二就果。則初二有作四諦。後一無作四諦。界內

界外。因果異故。此就所觀。若約菩薩能觀。皆無作也。又初二流轉。後三還滅。前有滅道。是流轉始修之還滅。後有苦集。是還滅未盡之流轉。又前是所知之法。後是能知之人。人中有法。即是前法。歷於四諦。是聲聞法。所緣有支。是緣覺法。五蘊即是三乘共法。皆如實知。是菩薩法。十中前七當相是苦。無明與愛有滅性故。行苦隨故。行蘊攝故。緣成是集。無性是滅。顯滅為道。從詮顯故。此則總說。及就理滅。若別說者。不了

無常不淨等過。而生愛著。名為色集。若滅癡愛。名為色滅。唯止與觀。是色滅道。由止離愛。由觀離癡。若兼助道。即有戒學。及道品等。受想行識。例此可知。無明集者。由他言說。不如理引。由自妄想。不正思惟。滅此

名滅。言愛集者。謂無明觸為緣。所生受故。亦滅此名滅。癡愛之道。皆同蘊說。十二支中。唯舉二者。發業潤業。唯此二故。能引能生。各舉初故。從癡有愛。病之源故。涅槃三十四云。從無明生愛。當知是愛。即是無明。

從愛生取。當知是取。即無明愛等。亦似斯義。又約三際。無明為本。愛取為際。此二中間。有識等五。及生老死。令悟無明。由迷過去。有識等五。現在之愛。即是無明。若不斷者。輪轉不息。今思斷之。將來無復生死矣。

無明與愛有漏性下。釋妨謂有問旨。無明與愛。此是煩惱。云何而言七皆是苦。故為此通明三義是苦。緣生是集。七皆緣生。無性是滅。七皆無性。結是理滅。顯滅為道者。顯無性理。言從詮顯者。釋上顯滅為道。謂

生是集。七皆緣生。無性是滅。七皆無性。結是理滅。顯滅為道者。顯無性理。言從詮顯者。釋上顯滅為道。謂

緣生之法。是顯滅之證。若不從緣。不知無性故。亦如修行止觀。顯得滅理。故次結云。此則總說及就理滅。若別說者。下歷色等一一別明四諦之相。可以思準。後三約淨。聲聞是人。四諦爲法。所行道品爲集。所成果爲涅槃。十二因緣是緣覺法。無邊法界是菩薩法。又知聲聞。卽是知苦。以聲聞苦是已知故。但舉其位。法卽是彼所行之法。卽是道諦。集卽是彼惑。集未盡。是爲集諦。已有斷故。法後說之。涅槃卽是滅諦。已證滅故。改名涅槃。緣覺菩薩。準思可見。函前五五蘊纂要及金陵本作前二五蘊。茲據嘉興藏南藏續藏改正。

○第二釋如實知義。

云何知。知從業報諸行因緣之所造作。一切虛假。空無有實。非我。非堅固。無有少法。可得成立。『欲令衆生知其實性。廣爲宣說。爲說何等。說諸法不可壞。何等法不可壞。色不可壞。受想行識不可壞。無明不可壞。聲聞法。獨覺法。菩薩法。不可壞。何以故。一切法無作。無作者。無言說。無處所。不生不起。不與不取。無動轉。無作用。』

疏釋如實知義。非唯能知行相。亦顯所知之相也。先徵後釋。徵意云。爲隨相知。爲無相知。若隨相知。寧異凡小。若無相知。無相無知。故言云何知。後釋意云。知相知性。無有障礙。是菩薩所知。無知之知。是菩薩知。文分二別。先約自利。明知苦集。後約利他。彰知滅道。二文影略。應各具四。又二段中。含前五類。具顯三乘。今初段中。知標業報。是五蘊相。業集報苦。是二諦相。言諸行因緣之所造作。十二支相。諸行因緣。卽是集相之所造作。是苦諦相。上辨相知。一切已下。顯知無相。通於苦集。初有二句。共三乘相。非我已下。釋成上文。揀二別相。由非我故。空無有實。但假五陰。是聲聞相。以非堅固。空無有實。但緣成假。是緣覺相。若無少可得。空無有實。但虛假幻相。是菩薩相。非安立諦。無可成故。『二欲令已下。次約利他。彰知滅道。能知實

性。是道諦相。法不可壞。及所知性。即滅諦相。廣為宣說。唯菩薩相。文中二。初標說意。二為說下。展轉徵釋。總有三重。初徵意云。說何令知實性。釋云。說不可壞。此略示其宗。次徵云。此不可壞。為性為相。此尋說處。釋云。相即性故。五類等法。皆不可壞。依般若中。自色已上。種智已還。悉皆徧歷。後徵云。現見諸法。猶如聚沫。泡。沫。芭蕉。幻夢。不實。那言不壞。下釋所由。略由三義。一色等性空。無可壞故。若壞方空。非本空故。二由空即真。同法性故。若壞方真。事在理外故。三由即空。不待壞故。壞則斷滅。文中十句五對。初無我無造。故不可壞。二離能所詮故。三能生不生。所生不起故。四因不取果。果不與因故。五體無動轉。用無作相故。色已上種智已還者。大品略引八十餘科。大般若更廣。謂色為首。是五蘊初故。次歷四蘊。次歷十二入。十八界。次眼等觸等。所生諸受。次四念住。四禪。四禪。八解脫。陀羅尼。十地。五眼。十力。大慈。大悲。四等。相好。無忘失法。一切種智。四果。菩薩行。無上菩提。釋曰。上即所歷也。現見諸法。猶如聚沫等者。舉五蘊不實。破壞之義。以難不壞。釋意前已頗有。

○第三總結多門以彰善巧。

菩薩成就如是等無量慧藏。以少方便。了一切法。自然明達。不由他悟。

國更有多門。皆以無所得等為少方便。則色空見盡。壞與不壞兩亡。不隨境轉。名不由他悟。國皆以無得者。疏以無得。釋少方便。下經云。以無所得而為方便。若準大般若。亦以無生為方便。無住為方便。無依為方便。皆若相也。然為方便。略有二意。一以為入有方便。令有無所得等。二為入空方便。亦不住無得故。今正取為入有方便。

○第二釋無盡藏。

此慧無盡藏。有十種不可盡。故說為無盡。何等為十。所謂多聞善巧不可盡。故。親近善知識不可盡。故。善分別句義不可盡。故。入深法界不可盡。故。以一味智莊嚴不可盡。故。集一切福德心無疲倦不可盡。故。入一切陀羅尼門不可盡。故。能分別一切衆生語言音聲不可盡。故。能斷一切衆生疑惑不可盡。故。為一切衆生現

一切佛神力教化調伏令修行不斷不可盡故。是爲十。是爲菩薩摩訶薩第七慧藏。住此藏者。得無盡智慧。普能開悟一切衆生。

園有標徵釋結。釋亦十事五對。一因緣。二教理。三福智。四持辯。五智通。福智中云一味者。百華異色共成一陰。萬法雖殊。貫之一智。亦如上酥。無不入也。園亦如上酥無不入也者。解。深密經歎真實智無不入也。是爲菩薩下。三結。四歎。文處可知。

○第八念藏。釋相中有四。一總標念體。二所念差別。三能念勝相。四明念益相。今初。

佛子。何等爲菩薩摩訶薩念藏。此菩薩捨離癡惑。得具足念。

○二所念差別。

憶念過去一生二生。乃至十生。百生。千生。百千生。無量百千生。『成劫。壞劫。成壞劫。非一成劫。非一壞劫。非一成壞劫。百劫。千劫。百千億那由他。乃至無量。無數。無邊。無等。不可數。不可稱。不可思。不可量。不可說。不可說。不可說劫。』念一佛名號。乃至不可說不可說佛名號。『念一佛出世說授記。乃至不可說不可說佛出世說授記。』念一佛出世說修多羅。乃至不可說不可說佛出世說修多羅。如修多羅。祇夜。授記。伽陀。尼陀那。優陀那。本事。本生。方廣。未曾有。譬喻。論議。亦如是。『念一衆會。乃至不可說不可說衆會。』念演一法。乃至演不可說不可說法。『念一根種種性。乃至不可說不可說根種種性。念一根無量種種性。乃至不可說不可說根無量種種性。』念一煩惱種種性。乃至不可說不可說煩惱種種性。』念一三昧種種性。乃至不可說不可說三昧種種性。

園唯依宿住。以辨明記。略舉十事。以顯無盡。一生。二劫。三佛名。四授記。五演教。六衆會。七說義。八根性。九

所治。十能治。文並可知。

○三明能念勝相。

此念有十種。所謂寂靜念。清淨念。不濁念。明徹念。塵念。離種種塵念。離垢念。光耀念。可愛樂念。無障礙念。國於中十句。一靜慮相應故。二無漏俱轉故。三淨信俱故。四了了知故。五不取相故。六離分別故。七離所知故。八與慧俱故。九具上諸德故。十離上諸過故。

○四明念益相。

菩薩住是念時。一切世間無能燒亂。一切異論無能變動。往世善根悉得清淨。於諸世法無所染著。衆魔外道所不能壞。轉身受生無所忘失。過現未來說法無盡。於一切世界中與衆生同住。曾無過咎。入一切諸佛衆會道場。無所障礙。一切佛所悉得親近。是名菩薩摩訶薩第八念藏。

國亦有十句。既世與出世皆念。故能離過成德。並顯可知。

○第九持藏。

佛子。何等爲菩薩摩訶薩持藏。此菩薩持諸佛所說修多羅。文句義理。無有忘失。一生持。乃至不可說不可說生持。持一佛名號。乃至不可說不可說佛名號。持一劫數。乃至不可說不可說劫數。持一佛授記。乃至不可說不可說佛授記。持一修多羅。乃至不可說不可說修多羅。持一衆會。乃至不可說不可說衆會。持演一法。乃至演不可說不可說法。持一根無量種種性。乃至不可說不可說根無量種種性。持一煩惱種種性。乃至不可說不可說煩惱種種性。持一三昧種種性。乃至不可說不可說三昧種種性。佛子。此持藏無邊。

難滿。難至其底。難得親近。無能制伏。無量。無盡。具大威力。是佛境界。唯佛能了。是名菩薩摩訶薩第九持藏。
闕釋相中三。初別舉文義。顯長時持。二持一佛下。徧舉諸法。顯能廣持。所持。卽前所念之法。三佛子下。辨能持德量。文有十句。一大之無外。二廣能虛受。三深難至底。四四邊絕相。五外無能制。六體無分量。七用無窮盡。八內含衆德。九因徹果源。十餘無能究。闕究。纂要及南藏續藏金陵本作破。茲據嘉興藏疏本改正。案經云。唯佛能了。了謂究了。

○第十辯藏。

佛子。何等爲菩薩摩訶薩辯藏。此菩薩有深智慧。了知實相。廣爲衆生演說諸法。不違一切諸佛經典。

闕文有四別。謂徵釋。結歎釋。相中四。初總舉體用。雙照事理二種實相。名深智慧。

說一品法。乃至不可說不可說品法。說一佛名號。乃至不可說不可說佛名號。如是說一世界。說一佛授記。說一修多羅。說一衆會。說演一法。說一根無量種種性。說一煩惱無量種種性。說一三昧無量種種性。乃至說不可說不可說三昧無量種種性。或一日說。或半月一月說。或百年千年百千年說。或一劫百劫千劫百千劫說。或百千億那由他劫說。或無數無量乃至不可說不可說劫說。劫數可盡。一文一句義理難盡。何以故。此菩薩成就十種無盡藏故。成就此藏。得攝一切法陀羅尼門。現在前。百萬阿僧祇陀羅尼以爲眷屬。得此陀羅尼已。以法光明。廣爲衆生演說於法。其說法時。以廣長舌出妙音聲。充滿十方一切世界。隨其根性。悉令滿足。心得歡喜。滅除一切煩惱纏垢。善入一切音聲言語文字辯才。令一切衆生佛種不斷淨心相續。亦以法光明而演說法。無有窮盡。不生疲倦。何以故。此菩薩成就盡虛空徧法果無邊身故。是爲菩薩摩訶薩第十辯藏。此藏無窮盡。無分段。無間。無斷。無變異。無隔礙。無退轉。甚深無底。難可得入。普入一

切佛法之門。

【函二說一品下。顯能廣演。】三或一日下。明長時演。先正明。後徵釋。以是十藏之終。故說具前十藏。近接總持。復舉陀羅尼門。【四其說法下。彰辯之德。亦有正明。徵釋。可知。】三結。四歎。歎中十句。義該七辯。一無窮盡。是豐義味辯。一句中。出多事理故。二即捷辯。欲言即言。無分段故。三無疎謬辯。不以邪錯間深理故。四無斷辯。相續連環故。五應辯。應時應機無變異故。六迅辯。迅若懸河。無隔礙故。已下四句。即一切世間最上妙辯。此辯有五德。一甚深如雷。即第八句。二清徹遠聞。故不退轉。即第七句。三其聲哀雅。如迦陵頻伽。故能普入一切佛法。即第十句。四能令衆生。入心敬愛。五其有聞者。歡喜無厭。故難可得入。上二即第九句。上來第三依章別釋竟。

○第四總歎十藏勝能。

佛子。此十種無盡藏。有十種無盡法。令諸菩薩究竟成就無上菩提。何等爲十。饒益一切衆生故。以本願善迴向故。一切劫無斷絕故。盡虛空界悉開悟心無限故。迴向有爲而不著故。一念境界一切法無盡故。大願心無變異故。善攝取諸陀羅尼故。一切諸佛所護念故。了一切法皆如幻故。是爲十種無盡法。能令一切世間所作。悉得究竟無盡大藏。

【函分三。初標歎。二徵釋。釋有十句。攝爲五對。一下化上求。二暨窮橫徧。三捨相契實。四無變善攝。五外護內明。三是爲下結歎。此後應有偈等。或是略無。多是經來未盡。】第四夜摩天宮會竟。

大方廣佛華嚴經疏論纂要卷第四十三

大方廣佛華嚴經疏論纂要卷第四十四

五臺山清涼國師澄觀疏鈔 太原方山長者李通玄論 閩鼓山私淑比丘道霈纂要

升兜率天宮品第二十三之一

○自下第五會。明上賢十向。四門同前。初來意。

闕來意中。先會來者。正為答前迴向問故。迴前解行。以向真證。廣益自他。令行彌綸。無不周故。菩薩大乘藏經云。以少善根引無量果者。謂迴向心。以迴向心為大利故。故行後明之。又前解行既著。令悲願彌博。後品來者。前會既終。將陳後說。先明說處。表法故來。

○二釋名。

闕釋名者。先會得名。亦有二義。同前二會。闕亦有二義者。一約處。名兜率天宮會。二約人名。金剛幢菩薩會。三約法名。十迴向會。二釋品名。兜率是處。佛以法界之身。不起而應。故名為升。處此說者。表位超勝。是次第故。又上下放逸。此天知足。表世間行滿。故居喜足之天。又以彼有一生補處。表菩提之心。功行滿故。又積功累勳。知階未足。迴勳授子。乃智有餘。菩薩亦爾。勤苦積行。未見有餘。迴向眾生。乃知自足。又欲界六天。此居其中。表悲智均平。處於中故。又生此天而修三福。謂施。戒。定。自餘不具。偏多不均。故處此說也。

○第三宗趣。

闕宗趣者。會以十向大願為宗。得地為趣。品以升天赴感為宗。說向為趣。

闕第五會兜率天宮。說十迴向法門。於此會中。序分。正說。流通者。從此初升兜率天宮。是序分。已下兩品。

是正說分。兩品中。至下動地興供。是流通分。於此位中。有三品經。共成此位。第一從初升兜率天宮品。三義如前。一釋品名目者。以升天所至立名也。兜率天者。此云樂知足天也。二釋品來意者。明前十住十行二位以彰出世。已成如來智慧之業。今於此天。以明隨見道者。成如來大悲處世利生之業。會融世間出世間。不一不二法門。是故此品須來問。云何於此天處說迴向法。答曰。如須彌頂上說十住。明初生佛家。住佛智慧之頂而無退動。夜摩天上說十行法。表行依法空。一切無著。至此兜率天宮。表雖不離欲界。處大悲門。而於欲境。常行知足。無所染著。但爲饒益衆生。處於世間。又此天處於欲界。自須彌已上五天之中。以會智慧。令不偏故。是故而於此天說十迴向明和會真俗。成大慈悲。長處生死而不廢涅槃。名爲迴向。從初發心住已來。如是和會位終。偏得其名。故名迴向。此爲以處。表法升進。亦卽不曾身有上下去來。智慧恆徧故。無中邊故。但明寄處。表一生菩薩處。此天中果行滿故。以明發心初始生如來智慧之家。以佛智慧行大悲門。卽是圓滿如來果故。果復常滿。行復常行。果行相嚴。故號佛華嚴也。十地。十一地。依此十住十行十迴向三法成其功用。更亦無別安立。以是他化天中說十地時。更不別作法事興供。但長養此位大智大慈大悲。令深固圓滿故。

○第四釋文。此會有三品經。初二當會由致。後一正說。所以無勝進者。由二義故。一以此會是三賢位終。攝前解行。總爲趣地方便。迴向當體。自是勝進。是故無也。二方欲入地。必離進趣相。與無分別爲方便故。就初二品。前一化主赴機。後品助化讚佛。今初品中。大分十段。一本會齊現。二不離而升。三見佛嚴處。四迎佛興供。五觀佛勝德。六請佛處殿。七如來受請。八天王獲益。九承力徧讚。十如來就座。今初。

爾時佛神力故。十方一切世界。一一四天下閻浮提中。皆見如來坐於樹下。各有菩薩承佛神力而演說法。靡不自謂恆對於佛。

【疏】初言佛力。卽是徧因。未必起神境通。但是修成心自在力。十方已下。辨所現相。於中亦有化主動化。望第四會。既加及須彌頂。此亦應云。坐於樹下。及須彌夜摩天宮。文無者畧。以第二段中。帶前升後。既全舉前四。則影顯前四。皆圓徧也。而演說者。亦通四會之所說也。

○第二明不離而升。

爾時世尊復以神力。不離於此菩提樹下。及須彌頂。夜摩天宮。而往詣於兜率陀天。一切妙寶所莊嚴殿。

【疏】謂前十方一切處四會。皆儼然不散。而升此說。意明橫徧十方。豎該九會。佛法界身。徧時處故。餘義具如第三會初。

【圖】云不離菩提樹而升夜摩兜率天者。爲菩提智體。性無依住。徧往十方。無去來今。性無可得。無有住處。無有遷變。不動不寂。無所造作。而隨根普應。於十方世界一切衆生前。對現色身。如應化度。

○第三見佛嚴處。文二。初明感應緣會。二卽於已下。正顯嚴處。於中分二。先明一方嚴處。後結通十方。今初。初雖標座。下列樓帳等。皆兼處嚴。文分爲二。初總顯體德。後有百萬下。別明體用。今初。

時兜率天王遙見佛來。卽於殿上。敷摩尼藏師子之座。其師子座。天諸妙寶之所集成。『過去修行善根所得。一切如來神力所現。無量百千億那由他阿僧祇善根所生。一切如來淨法所起。無邊福力之所嚴瑩。清淨業報不可沮壞。』觀者欣樂。無有厭足。是出世法非世所染。一切衆生咸來觀察。無有能得究其妙好。

爾有十一句。初總餘別。總中無盡大願。隨意出生。悲智必俱。生死無染。名摩尼藏。展行彌布。故有數言。別有千種圓滿勝相。以斯妙座。實德成故。初一自體相。以實成故。次六因相。一深遠相。二勝妙相。三廣大相。四同體相。五具德相。六堅固相。後三總顯殊特。卽座之德用。一端嚴故。二離染故。三無極故。

論時兜率天王遙見佛來者。明從前十行位。向十迴向。爲遙見佛來也。

○二別明體用中。通有三百零有二種百萬億。廣上三段。卽爲三別。初廣自體。次有百萬億初發心下。廣前殊特。三百萬億善根下。廣前因相。初一多明器世間嚴。後二顯衆生世間嚴。皆智正覺世間之力也。皆言百萬億者。位增十行之百萬故。初中長分爲十。前九色相嚴。後一音聲嚴。其一嚴事。皆卽法門。可以意得。第一有十句座體嚴。

有百萬億層級周匝圍繞。百萬億金網。百萬億華帳。百萬億寶帳。百萬億鬘帳。萬百億香帳。張施其上。華鬘垂下。香氣普熏。百萬億華蓋。百萬億鬘蓋。百萬億寶蓋。諸天執持。四面行列。百萬億寶衣。以敷其上。

爾於中初句辨座層級。後九覆座之嚴。雖四面行列。執蓋亦爲覆座。

○第二十句。復於殿內。建立樓閣。繞座莊嚴。亦是嚴處。

百萬億樓閣。綺煥莊嚴。百萬億摩尼網。百萬億寶網。彌覆其上。百萬億寶瓔珞網。四面垂下。百萬億莊嚴具網。百萬億蓋網。百萬億衣網。百萬億寶帳網。以張其上。百萬億寶蓮華網。開敷光榮。百萬億寶香網。其香美妙。稱悅衆心。

爾於中初句總。下九句別顯嚴閣。

○第三十句辨帳嚴。

百萬億寶鈴帳。其鈴微動。出和雅音。百萬億栴檀寶帳。香氣普熏。百萬億寶華帳。其華敷榮。百萬億衆妙色衣帳。世所希有。百萬億菩薩帳。百萬億雜色帳。百萬億眞金帳。百萬億琉璃帳。百萬億種種寶帳。悉張其上。百萬億一切寶帳。大摩尼寶以爲莊嚴。

隨帳嚴亦是繞座。前已辨覆故。若重辨者。帳上建樓。樓上覆帳。重重無盡耳。

○第四有十一句辨嚴座身。

百萬億妙寶華周巾瑩飾。百萬億頻婆帳殊妙間錯。百萬億寶鬘。百萬億香鬘。四面垂下。百萬億天堅固香。其香普熏。百萬億天莊嚴具瓔珞。百萬億寶華瓔珞。百萬億勝藏寶瓔珞。百萬億摩尼寶瓔珞。百萬億海摩尼寶瓔珞。莊嚴座身。百萬億妙寶繪綵以爲垂帶。

隨其頻婆帳。應在寶華之前。類例穩便。亦可二句辨帳。九句嚴座身頻婆者。此云身影質。謂帳莊嚴具中。現外質之影故。

○第五有十七句亦嚴座四周。

百萬億因陀羅金剛寶。百萬億自在摩尼寶。百萬億妙色眞金藏以爲間飾。百萬億毗盧遮那摩尼寶。百萬億因陀羅摩尼寶。光明照耀。百萬億天堅固摩尼寶以爲窗牖。百萬億清淨功德摩尼寶。彰施妙色。百萬億清淨妙藏寶以爲門闥。百萬億世中最勝半月寶。百萬億離垢藏摩尼寶。百萬億師子面摩尼寶。寶間錯莊嚴。百萬億心王摩尼寶。所求如意。百萬億閻浮檀摩尼寶。百萬億清淨藏摩尼寶。百萬億帝幢摩尼寶。咸放光

明彌覆其上。百萬億白銀藏摩尼寶。百萬億須彌幢摩尼寶莊嚴其藏。

闍嚴座四周。皆明妙寶。以爲窗門及覆。亦嚴座體。以莊嚴其藏。是蓮華藏故。標中表法。有異住行。不言蓮華。理實應有。或是座身之龜名藏。

○第六十二句瓔珞周垂嚴。

百萬億眞珠瓔珞。百萬億琉璃瓔珞。百萬億赤色寶瓔珞。百萬億摩尼瓔珞。百萬億寶光明瓔珞。百萬億種種藏摩尼瓔珞。百萬億甚可樂見赤眞珠瓔珞。百萬億無邊色相藏摩尼寶瓔珞。百萬億極清淨無比寶瓔珞。百萬億勝光明摩尼寶瓔珞。周匝垂布以爲莊嚴。百萬億摩尼身殊妙嚴飾。百萬億因陀羅妙色寶。

闍其摩尼身下二句。文似闕畧。謂因陀羅妙色寶下。無所結屬。又非下之香類。不可別爲一段。

○第七有十六句以香爲嚴。

百萬億黑栴檀香。百萬億不思議境界香。百萬億十方妙香。百萬億最勝香。百萬億甚可愛樂香。咸發香氣。普熏十方。百萬億頻婆羅香。普散十方。百萬億淨光香。普熏衆生。百萬億無邊際種種色香。普熏一切諸佛。國土永不歇滅。百萬億塗香。百萬億熏香。百萬億燒香。香氣發越普熏一切。百萬億蓮華藏沈水香。出大音聲。百萬億遊戲香。能轉衆心。百萬億阿樓那香。香氣普熏其味甘美。百萬億能開悟香。普徧一切。令其聞者。諸根寂靜。復有百萬億無比香王香。種種莊嚴。

闍阿樓那者。此云紅赤色。

○第八二十句兩雲爲嚴。

兩百萬億天華雲。兩百萬億天香雲。兩百萬億天末香雲。兩百萬億天拘蘇摩華雲。兩百萬億天波頭摩華雲。兩百萬億天優鉢羅華雲。兩百萬億天拘物頭華雲。兩百萬億天芬陀利華雲。兩百萬億天曼陀羅華雲。兩百萬億一切天華雲。兩百萬億天衣雲。兩百萬億摩尼寶雲。兩百萬億天蓋雲。兩百萬億天旛雲。兩百萬億天冠雲。兩百萬億天莊嚴具雲。兩百萬億天寶髮雲。兩百萬億天寶瓔珞雲。兩百萬億天栴檀香雲。兩百萬億天沈水香雲。

○第九四十八句座外四面嚴。

建百萬億寶幢。懸百萬億寶旛。垂百萬億寶繒帶。然百萬億香鑪。布百萬億寶鬘。持百萬億寶扇。執百萬億寶拂。懸百萬億寶鈴網。微風吹動出妙音聲。百萬億寶欄楯周匝圍繞。百萬億寶多羅樹次第行列。百萬億妙寶窗牖綺麗莊嚴。百萬億寶樹周匝垂陰。百萬億樓閣延袤綺飾。百萬億寶門垂布瓔珞。百萬億金鈴出妙音聲。百萬億吉祥相瓔珞嚴淨垂下。百萬億寶悉底迦能除衆惡。百萬億金藏金縷織成。百萬億寶蓋。衆寶爲竿執持行列。百萬億一切寶莊嚴具網間錯莊嚴。『百萬億光明寶放種種光。百萬億光明周徧照耀。百萬億日藏輪。百萬億月藏輪。並無量色寶之所集成。百萬億香燄光明映徹。百萬億蓮華藏開敷鮮榮。百萬億寶網。百萬億華網。百萬億香網。彌覆其上。』百萬億天寶衣。百萬億天青色衣。百萬億天黃色衣。百萬億天赤色衣。百萬億天奇妙色衣。百萬億天種種寶奇妙衣。百萬億種種香熏衣。百億億一切寶所成衣。百萬億鮮白衣。悉善敷布。見者歡喜。』百萬億天鈴幢。百萬億金網幢。出微妙音。百萬億天繒幢衆彩具足。百萬億香幢垂布香網。百萬億華幢雨一切華。百萬億天衣幢懸布妙衣。百萬億天摩尼寶幢衆寶莊嚴。百萬

億天莊嚴具幢衆具校飾。百萬億天髮幢。種種華鬘四面行布。百萬億天蓋幢。寶鈴和鳴。聞皆歡喜。

關於中有四。初二十句。雜雜莊嚴。羅列座側。言樓閣延袤者。靜法云。梵云菴莫迦。此云帳響。若是樓閣。應云微塵囊。卽不爾者。譯之誤也。此或應爾。前文已有樓閣故。若重辨者。亦無大失。寶悉底迦者。具云塞縛悉底迦。此云有樂。若見此相。必獲安樂。其形如萬字。具於音義。今寶形似此。二光明寶下。九句。光明嚴。言網覆者。若世之燈以護夕蟲。成隱映故。三天寶衣下。九句。寶衣敷布嚴。四天鈴幢下。十句。寶幢行列嚴。

○第十辨音聲嚴。

百萬億天螺。出妙音聲。百萬億天鼓。出大音聲。百萬億天箜篌。出微妙音。百萬億天牟陀羅。出大妙音。百萬億天諸雜樂。同時俱奏。百萬億天自在樂。出妙音聲。其聲普徧一切佛刹。百萬億天變化樂。其聲如響。普應一切。百萬億天鼓。因於撫擊而出妙音。百萬億天如意樂。自然出聲音節相和。百萬億天諸雜樂。出妙音聲。滅諸煩惱。『百萬億悅意音讚歎供養。百萬億廣大音讚歎承事。百萬億甚深音讚歎修行。百萬億衆妙音讚歎佛業果。百萬億微細音歎如實理。百萬億無障礙眞實音歎佛本行。百萬億清淨音讚歎過去供養諸佛。百萬億法門音讚歎諸佛最勝無畏。百萬億無量音歎諸菩薩功德無盡。百萬億菩薩地音。讚歎開示一切菩薩地相應行。百萬億無斷絕音。歎佛功德無有斷絕。』百萬億隨順音讚歎稱揚見佛之行。百萬億甚深法音讚歎一切法無礙智相應理。百萬億廣大音。其音充滿一切佛刹。百萬億無礙清淨音。隨其心樂。悉令歡喜。百萬億不住三界音。令其聞者深入法性。百萬億歡喜音。令其聞者心無障礙深信恭敬。百萬億佛境界音。隨所出聲。悉能開示一切法義。百萬億陀羅尼音。善宣一切法句差別。決了如來祕密之藏。百萬億一

切法音。其音和暢克諧衆樂。

○關於初二。初十句樂音嚴。後悅意音下二十句。法音嚴。前中云牟陀羅者。此云鋒鼓。謂天樂初奏。此鼓先作故。後法音嚴中。初十一句讚歎三寶。後隨順音下九句說法益物。別明體用中初廣自體竟。

○圖大要言。凡隨智隨行。隨怒隨悲。隨波羅蜜。隨觀照。隨助道法。隨大願。所有報境。因果相似。今將此業果。將法表之。綱表理智行教。樓閣表觀智。殿表正智利生。宮表含育無限。座表普印法空悲智萬行。帳表隨根含攝衆生。鈴表法音和悅。華表道眼開敷。亦表行華資果。十百千萬億。都該大數無限。但隨法準而知之。可見不煩更釋。

○大文第二廣前殊特者。前文畧云見者無厭。亦已畧明益相。今廣顯之。卽座之德用。恭敬供養。復顯爲嚴。文分爲二。初明獲益。後申供義。前中有三十九句。曲分爲四。初十約位辨益。

有百萬億初發心菩薩。纔見此座。倍更增長一切智心。百萬億治地菩薩。心淨歡喜。百萬億修行菩薩。悟解清淨。百萬億生貴菩薩。住勝志樂。百萬億方便具足菩薩。起大修行。百萬億正心住菩薩。勤修一切菩薩道。百萬億不退菩薩。淨修一切菩薩地。百萬億童真菩薩。得一切菩薩三昧光明。百萬億法王子菩薩。入不思議諸佛境界。百萬億灌頂菩薩。能現無量如來十力。

○二有十二句雜辨得益。

百萬億菩薩得自在神通。百萬億菩薩生清淨解。百萬億菩薩心生愛樂。百萬億菩薩深信不壞。百萬億菩薩勢力廣大。百萬億菩薩名稱增長。百萬億菩薩演說法義令智決定。百萬億菩薩正念不亂。百萬億菩薩

生決定智。百萬億菩薩得聞持力持一切佛法。百萬億菩薩出生無量廣大覺解。百萬億菩薩安住信根。

○三十句約行辨益。

百萬億菩薩得檀波羅蜜。能一切施。百萬億菩薩得尸波羅蜜。具持衆戒。百萬億菩薩得忍波羅蜜。心不妄動。悉能忍受一切佛法。百萬億菩薩得精進波羅蜜。能行無量出離精進。百萬億菩薩得禪波羅蜜。具足無量禪定光明。百萬億菩薩得般若波羅蜜。智慧光明。能普照耀。百萬億菩薩成就大願。悉皆清淨。百萬億菩薩得智慧燈明照法門。百萬億菩薩為十方諸佛法光所照。百萬億菩薩周徧十方。演離癡法。

○四七句約大用辨益。

百萬億菩薩普入一切諸佛刹土。百萬億菩薩法身隨到一切佛國。百萬億菩薩得佛音聲能廣開悟。百萬億菩薩得出生一切智方便。百萬億菩薩得成就一切法門。百萬億菩薩成就法智。猶如寶幢能普顯示一切佛法。百萬億菩薩能悉示現如來境界。

圖後三並通諸位。或可第二段明迴向。第三段明十行。第四段明十地。或唯約十住。通別無礙。
圖或可第
者以初約位是十住。三明十度。全同十行故。二配迴向。四配十地。則豎位具足。以第二段中神通不壞等。
亦有迴向意。第四段普入佛刹等。亦有十地體勢。故為此配。由二三前卻。二四不顯。故前正釋。後三通諸
位。廣殊特中初明獲益。曲分為四竟。

○二明供養。圖義嘉與藏疏本作
養。華嚴綱要作儀。文分為五。初十七句。雜明八部人天菩薩三業設敬。

百萬億諸天王恭敬禮拜。百萬億龍王諦觀無厭。百萬億夜叉王頂上合掌。百萬億乾闥婆王起淨信心。百萬億阿脩羅王斷憍慢意。百萬億迦樓羅王口銜繒帶。百萬億緊那羅王歡喜踊躍。百萬億摩睺羅伽王歡

喜瞻仰。百萬億世主稽首作禮。百萬億切利天王瞻仰不瞬。百萬億夜摩天王歡喜讚歎。百萬億兜率天王布身作禮。百萬億化樂天王頭頂禮敬。百萬億他化天王恭敬合掌。百萬億梵天王一心觀察。百萬億摩醯首羅天王恭敬供養。百萬億菩薩發聲讚歎。

疏其中所作各隨類所宜。

○二二十六句唯明諸天三業敬養。

百萬億天女專心供養。百萬億同願天踊躍歡喜。百萬億往昔同住天妙聲稱讚。百萬億梵身天布身敬禮。百萬億梵輔天合掌於頂。百萬億梵衆天圍繞侍衛。百萬億大梵天讚歎稱揚無量功德。百萬億光天五體投地。百萬億少光天宣揚讚歎佛世難值。百萬億無量光天遙向佛禮。百萬億光音天讚歎如來甚難得見。百萬億淨天與宮殿俱而來詣此。百萬億少淨天以清淨心稽首作禮。百萬億無量淨天願欲見佛投身而下。百萬億徧淨天恭敬尊重親近供養。百萬億廣天念昔善根。百萬億少廣天於如來所生希有想。百萬億無量廣天決定尊重生諸善業。百萬億廣果天曲躬恭敬。百萬億無煩天信根堅固恭敬禮拜。百萬億無熱天合掌念佛情無厭足。百萬億善見天頭面作體。百萬億善現天念供養佛心無懈歇。百萬億阿迦尼吒天恭敬頂禮。百萬億種種天皆大歡喜發聲讚歎。百萬億諸天各善思惟而爲莊嚴。

疏初之三句。卽欲界天色究竟後。復言種種天者。或通無色。或總上諸類。善思惟亦通諸類。

○三有十二句明菩薩事供養。
百萬億菩薩天護持佛座莊嚴不絕。百萬億華手菩薩雨一切華。百萬億香手菩薩雨一切香。百萬億鬘手

菩薩雨一切鬘。百萬億末香手菩薩雨一切末香。百萬億塗香手菩薩雨一切塗香。百萬億衣手菩薩雨一切衣。百萬億蓋手菩薩雨一切蓋。百萬億幢手菩薩雨一切幢。百萬億幡手菩薩雨一切幡。百萬億寶手菩薩雨一切寶。百萬億莊嚴手菩薩雨一切莊嚴具。

○四四句諸天身供養。

百萬億諸天子從天空出至於座所。百萬億諸天子以淨信心并宮殿俱。百萬億生貴天子以身持座。百萬億灌頂天子舉身持座。

○五菩薩修法供養亦明得益。

百萬億思惟菩薩恭敬思惟。百萬億生貴菩薩發清淨心。百萬億菩薩諸根悅樂。百萬億菩薩深心清淨。百萬億菩薩信解清淨。百萬億菩薩諸業清淨。百萬億菩薩受生自在。百萬億菩薩法光照耀。百萬億菩薩成就於地。百萬億菩薩善能教化一切衆生。

闕菩薩多明得益。諸天但說供養者。諸天供養。是益因故。諸天得益。卽菩薩故。 上申供合前獲益大文

廣前殊特竟。

○第三廣前因深。

百萬億善根所生。百萬億諸佛護持。百萬億福德所圓滿。百萬億殊勝心所清淨。百萬億大願所嚴潔。百萬億善行所生起。百萬億善法所堅固。百萬億神力所示現。百萬億功德所成就。百萬億讚歎法而以讚歎。 闕十句可知。所以此會嚴事偏多者。一此天多以補處爲王故。二賢位已極。大悲普周故。所以十住無善

薩嚴。表凡入位故。夜摩卽有。已入位故。然亦未廣。而此勝相。皆是如來海印所現法界差別自在實德。人法無礙。依正渾融之嚴事也。上廣因相。合前。先一方嚴處竟。

○第二結通十方。

如此世界兜率天王。奉爲如來敷置高座。一切世界兜率天王。悉爲於佛。如是敷座。如是莊嚴。如是儀則。如是信樂。如是心淨。如是欣樂。如是喜悅。如是尊重。如是而生希有之想。如是踊躍。如是渴仰。悉皆同等。

疏可知。見佛嚴處竟。

圖如此世界已下。至悉皆同等。有五行經。明都結十方同然分。已上徒衆。有一百十八種百萬億衆。已上莊嚴。有一百八十四種百萬億莊嚴。菩薩神天天女。色類間雜。或次或不次者。意表此十迴向位。是以智從悲成大悲海。於人天六道中。以無限徧周法界行門。一時等化。逐根與法。或次或超。或住或信。或位階十地。或人天善根。無有一向次第安立。以此莊嚴。及菩薩神天。表法間雜。不依次第。或菩薩衆有諸天。或諸天衆中有龍神。如是準義思之。可見經意。問曰。十住但有諸天衆來迎世尊。十行徒衆。卽有諸天及菩薩衆。此會何故八部王衆。大衆廣博莊嚴。色類甚多。十地中。不敘致天王及衆來迎入殿莊嚴高座等事。何意其位高升。不陳廣供。答曰。十住有天。無菩薩來迎如來所施供養者。爲十住位。具明其初生佛智慧家。未有先見道者。但列諸天。未有菩薩。爲初始從信位凡夫。未得入聖位故。以此初升須彌頂品。不列菩薩之衆。但有諸天奉迎如來故。明從此位。方入聖流。如升夜摩天宮品。卽有諸天及菩薩衆稱揚讚歎者。卽明十住位。已有見道入位故。十行位升進中。卽有諸菩薩衆而迎佛。會入十行法門。以十住十行。設行

衆行。出世心多。處世大悲。猶未自在。故所以衆不圓滿。如此兜率天宮諸天菩薩。及莊嚴色類多者。明此迴向之門。會融悲智。出世與世間一體成就。大悲普育含識。徧周利物。不棄微生。是故天王。龍王。八部諸王。菩薩法王。其衆無量。莊嚴境界。色相無邊。表明悲位含弘。濟生無限。利物廣大。獲益無窮。是故此天莊嚴廣大。如十地之位。但約此十迴向大悲之際。智育遐周之門。長養大悲。使令堅厚。更無餘法。別無進求。設復智有奇途。只是此位之中微細。是故佛升他化。更不別有徒衆承迎。座體進修。不論別加層級。可知。

○第四迎佛興供。於中二。先將迎興供。二見佛興供。今初。

爾時兜率天王。爲如來敷置座已。心生尊重。與十萬億阿僧祇兜率天子奉迎如來。以清淨心。雨阿僧祇色華雲。雨不思議色香雲。雨種種色鬘雲。雨廣大清淨栴檀雲。雨無量種種蓋雲。雨細妙天衣雲。雨無邊衆妙寶雲。雨天莊嚴具雲。雨無量種種燒香雲。雨一切栴檀沈水堅固末香雲。諸天子衆。各從其身出此諸雲。時百千億阿僧祇兜率天子。及餘在會諸天子衆。心大歡喜恭敬頂禮。阿僧祇天女。踊躍欣慕諦觀如來。兜率宮中不可說諸菩薩衆住虛空中。精勤一心。以出過諸天諸供養具。供養於佛。恭敬作禮。阿僧祇音樂。一時同奏。

爾前中。二初奉迎。二以清淨下興供。於中先諸天興供。皆從身出者。非唯顯諸天福力。亦表身爲供具。供自心生。後兜率宮下菩薩興供。可知。

爾時兜率天王已下。至音樂一時同奏一段經。名兜率天王爲佛敷座已。與諸天衆。以淨心興供養雲。及諸菩薩奉迎如來分。釋義云。與十萬億阿僧祇兜率天子奉迎如來有二義。一請佛入宮殿。二表法以

解脫無依住之大智。處一切生死。饒益衆生。卽迎佛義。又一釋。如創入聖位。以方便三昧而入眞門。如此十迴向。以取十住。十行中無垢正智入大悲方便。爲迎佛入宮殿。如三乘中。地前三十心爲方便。十地見道。如此經。十信心爲方便資糧。十住初心。爲見道成佛。十行。十迴向。十地。十一地。爲資糧。資糧十住初。正見心成。令慣習自在故。爲三乘教。於三僧祇劫方成佛故。設十地菩薩得三種意生身。非是得佛智生身故。以是十地向前三賢菩薩是資糧位。十地見道爲加行位。十一地等覺位中。普賢行方終。十二地是妙覺佛果。此佛華嚴。其義先佛而後行。以先覺佛果。方以悲願之行。用資覺體。使悲智齊均。以此義故。號佛華嚴也。是故今此兜率天王。以將大悲之方便。用資十住十行之中大智佛果爲迎佛義故。夫法無始終。一念齊等。萬行悲智。當體圓終。設教名言。不可並立。名詮敍致。似有前後義生。體名者。名無始末。達教者。境智不移。此教意明混今古之爲一際。破情塵於當卽也。終不可作延促解。始終見。總不出無時之理。和一會。一多差別之門也。凡以前位向後位爲遙見。正契爲佛來入宮。以清淨心兩阿僧祇色華雲。有二義。一供佛。二表法。明大悲萬行徧周。其雲具十種。明法行圓滿。皆從天身出者。明智身興萬行也。大衆天子。天女歡喜頂禮者。明以軌度法則利生。令得樂故。明菩薩大悲。令衆生得樂。是菩薩樂故。如世人母。其子樂者。其母樂也。兜率宮中。不可說諸菩薩住虛空中。精勤一心供養出過天者。明以法空成行。出勝世間有爲行也。

○第二見佛興供中二。先諸天。後百千億那由他先住下。明菩薩。前中三。初明承力見佛。

爾時如來威神力故。往昔善根之所流故。不可思議自在力故。兜率宮中一切諸天及諸天女皆遙見佛。如

對目前。

國一現佛神力。二宿善力。三法門力。

○二慶遇奉迎。

同興念言。如來出世。難可值遇。我今得見。具一切智。於法無礙。正等覺者。如是思惟。如是觀察。與諸衆會。悉共同時奉迎如來。

○三正明興供。於中三。初十句衣盛供以散佛。

各以天衣。盛一切華。盛一切香。盛一切寶。盛一切莊嚴具。盛一切天栴檀末香。盛一切天沈水末香。盛一切天妙寶末香。盛一切天香華。盛一切天曼陀羅華。悉以奉散供養於佛。

國表修寂滅。以趣果故。

○二十句明起心雨供嚴空。

百千億那由他阿僧祇兜率陀天子住虛空中。咸於佛所。起智慧境界心。燒一切香。香氣成雲莊嚴虛空。又於佛所。起歡喜心。雨一切天華雲莊嚴虛空。又於佛所。起尊重心。雨一切天蓋雲莊嚴虛空。又於佛所。起供養心。散一切天髮雲莊嚴虛空。又於佛所。生信解心。布阿僧祇金網彌覆虛空。一切寶鈴常出妙音。又於佛所。生最勝福田心。以阿僧祇帳莊嚴虛空。雨一切瓔珞雲無有斷絕。又於佛所。生深信心。以阿僧祇諸天宮殿莊嚴虛空。一切天樂出微妙音。又於佛所。生最勝難遇心。以阿僧祇種種色天衣雲莊嚴虛空。雨於無比種種妙衣。又於佛所。生無量歡喜踊躍心。以阿僧祇諸天寶冠莊嚴虛空。雨無量天冠廣大成雲。又於佛所。

起歡喜心。以阿僧祇種種色寶莊嚴虛空。雨一切瓔珞雲。無有斷絕。

隨雨供嚴空。顯所修萬行。稱法性空。空有無礙。是嚴空義。

○三九句雜申供養。

百千億那由他阿僧祇天子。咸於佛所。生淨信心。散無數種種色天華。然無數種種色天香。供養如來。又於佛所。起大莊嚴變化心。持無數種種色天栴檀末香。奉散如來。又於佛所。起歡喜踊躍心。持無數種種色蓋。隨逐如來。又於佛所。起增上心。持無數種種色天寶衣。敷布道路。供養如來。又於佛所。起清淨心。持無數種種色天寶幢。奉迎如來。又於佛所。起增上歡喜心。持無數種種色天莊嚴具。供養如來。又於佛所。生不壞信心。持無數天寶鬘。供養如來。又於佛所。生無比歡喜心。持無數種種色天寶旛。供養如來。百千億那由他阿僧祇諸天子。以調順寂靜。無放逸心。持無數種種色天樂。出妙音聲。供養如來。

闍維申供養。表萬行雜修故。調順寂靜。無放逸心。應分爲二。則有十句。

○第二菩薩興供中二。先明行成依報供。後其諸菩薩下。身出正報供。前中二十七句。文分爲三。初十句。多因成多果之供。次八句。一因成一果供。後九句。一因成多果供。今初。

百千億那由他不可說先住兜率宮諸菩薩衆。以從超過三界法所生。離諸煩惱行所生。周徧無礙心所生。甚深方便法所生。無量廣大智所生。堅固清淨信所增長。不思議善根所生起。阿僧祇善巧變化所成就。供養佛心之所現。無作法門之所印。出過諸天諸供養具。供養於佛。

隨應有四句。由多因成一果。攝在初段。以多因能一一成故。又初段。卽一切中有一。及一切中有一切。次

段。卽一中一。後段。卽一中一切也。今初十句。一時併舉多因。後通成諸供。出過諸天者。勝故。多故。餘可知。

○第二一因一果。

以從波羅蜜所生一切寶蓋。於一切佛境界清淨解所生一切華帳。無生法忍所生一切衣。入金剛法無礙心所生一切鈴網。解一切法如幻心所生一切堅固香。周徧一切佛境界如來座心所生一切佛衆寶妙座。供養佛不懈心所生一切寶幢。解諸法如夢歡喜心所生佛所住一切寶宮殿。

○第一一因一果中。皆因果相似。一蓋以障塵。若度能除蔽。二帳以庇蔭。若悲爲佛境。華以開敷。如覺解清淨。三法忍和悅。用嚴法身。四演教網。則震金剛之妙音。觀教網。則不礙文而見理。五香氣聞而不可見。見而不可攬。猶幻法見而不可取。取而不可得。知幻無堅。以成堅法。六周徧法空。是佛智身所依之境。座之義也。七摧懈慢幢。樹法勝幢故。八諸法如夢。是佛棲託之所也。

○第三一因多果供。

無著善根。無生善根。所生一切寶蓮華雲。一切堅固香雲。一切無邊色華雲。一切種種色妙衣雲。一切無邊清淨栴檀香雲。一切妙莊嚴寶蓋雲。一切燒香雲。一切妙鬘雲。一切清淨莊嚴具雲。皆徧法界。出過諸天供養之具。供養於佛。

○無著無生。但是一義。無生約理。無著約智。此二契合。方成一因。文中九句。可知。

○第二一身出正報供。

其諸菩薩。一一身。各出不可說百千億那由他菩薩。皆充滿法界虛空界。其心等於三世諸佛。以從無顛倒。

法所起。無量如來力所加。開示衆生安隱之道。具足不可說名味句。普入無量法一切陀羅尼種中生。不可窮盡辯才之藏。心無所畏。生大歡喜。以不可說無量無盡如實讚歎法。讚歎如來無有厭足。

爾正報供中文有十句。初二明現身德量。謂一量周法界。德齊佛故。次以從下三句。明勝辯之因。次具足下四句。顯勝辯所依。後以不可下一句。正申辯讚。皆從總持辯藏之所流故。情動於中。故形於言。言猶不足。敬之至也。上菩薩與供。合前諸天迎佛與供科竟。

○第五觀佛勝德。分二。先明觀佛身雲勝德。後爾時如來大悲下。明現勝德之意。前中分二。初觀勝德。後時彼大衆咸因案下經文無咸字。見下。見佛光用。前通十眼所見。後約天眼所見。今初也。然此經文次第。具顯如來

二十一種殊勝功德。以文言浩瀚。致古釋同迷。然離世間品。雖具二十一。而此文義兼廣。故隨便引於諸論。文分為三。初總觀如來。次別觀德相。三結成觀解。爾而此文義兼廣者。以離世間品初歎佛。有名無釋經。將經證論。故云隨便。古人亦引諸論。在離世間品。既無遺。故云義廣。由此故於此中。引於諸論。將論下總結十句。分為十段。刊定以十六三業配之。並如下引。今並不離世間品。歎佛有名者。謂妙悟皆滿。二行永絕。達無相法。住於佛住。得佛平等。到無障礙。不可轉法。所用無礙。立不思議。普見三世。身恆充滿。到佛國土。智恆明達。一切諸法。了解一切。行盡一切。疑無能測。身一切。法界。等虛空界。爾時一切諸天。及諸菩薩衆。見於如來。應正等覺。不可思議人中之雄。

爾今初略舉三德。以顯一雄。一者如來。二言應者。即是應供。三正等覺。即正徧知。此一應字。亦通屬下。隨應覺故。此即總句。離世間品。名妙悟皆滿。佛地攝論。皆名最清淨覺。親光釋云。謂佛世尊。普於一切有為無為所應覺境。正開覺故。此釋正義。揀異邪覺。又於一切所應覺境。淨妙圓滿。正開覺故。此釋最清淨義。

亦明覺滿揀異菩薩。又於一切如所有性。盡所有性。正開覺故。此釋符今等字。謂雙照二諦。平等覺故。亦是偏義。故云正偏知。顯攝論本論即無著所造。世親無性二俱有釋。唐三藏俱釋。皆有十卷。其盡所有唯實覺故。疏中但云雙照二諦。平等覺故。然二諦平等。則二性無礙。無所不收。既無不知。即是偏義。

○第二別觀德相。二十一德。分二十段。後二合故。然攝論中二十一德。通有三節。一先列經二十一。句。二

無著菩薩立功德名以為解釋。三無性等。但釋論名以符經旨。今各句句配屬。其佛地論釋有同攝論。有

異攝論。異者引之。今初明不二現行。經也。即觀察如來一向無障轉功德。此是無著立名。他皆做此。各句

句配屬者。以論中三節。各一時併舉。謂第一列經二十一。句。第二本論一時立初二。現行之名。第三釋論中

次第一時釋釋。故今各配攝成二十段。疏中先釋本論功德之名。後方指經文。今初不二現行。所知一向無障

具指經論及釋三段。可知但無性釋論中。先釋本論功德之名。後方指經文。今初不二現行。所知一向無障

轉功德者。此即開示不二現行。下皆準此。世親則先釋經。今疏皆先釋經。後引本論立名。故釋名義中。且

分爲二。一釋經立名。二引釋論釋初。中其即觀察如來。五字。是疏義加。顯於此。經觀佛德故。餘皆是彼論文。

其身無量不可稱數。現不思議種種神變。令無數衆生心大歡喜。普徧一切虛空界一切法界。以佛莊嚴而

爲莊嚴。令一切衆生安住善根。示現無量諸佛神力。超過一切諸語言道。諸大菩薩所共欽敬。隨所應化皆

令歡喜。住於諸佛廣大之身。功德善根悉已清淨。色相第一無能映奪。

爾今初不二現行。先牒經立名。文中分二。初廣顯利樂。明離所知故。不同二乘。二住於下。結成所住。彰離

煩惱。不同凡夫。前中三。初明應廣。順機令喜。二普徧下。明其徧應。定慧莊嚴。生物善根。三示現下。彰應用

深廣。雖超諸言而無遺曲濟。二結成所住者。初句明智住法身。能住所住。二俱廣大。下句心無煩惱。善根

清淨。色相超倫。具上二義。名清淨覺。他皆做此。大智稱法身。等彼真性。如日光含空。具上二義。下結歸總

句。兼例
下文。

○第二明趣無相法。即觀察如來。於有無無二相。真如最勝清淨。能入功德。無性云。爲明斷德。故次說之。不住生死涅槃相故。即無住涅槃。然無相法。即是清淨真如。趣謂趣入。謂此真如。諸法無性以爲相故。非是有相。體即圓成。自相有故。非是無相。此二不相離。名無二相。諸法中勝。故名最勝。遠離客塵。故名清淨。既自能入。亦令他入。爲最清淨。自入則不住生死。他入則不住涅槃。智慧境界不可窮盡。無比三昧之所出生。其身無際。徧住一切衆生身中。令無量衆生皆大歡喜。令一切智種性不斷。

○文中先明自入。後明他入。今初先明不住生死。智稱如境。皆不可盡。無比三昧。令智出生。又令真如出。二障故。二其身下。明不住涅槃。同體大悲。徧住物身。心真如性。物物徧故。二令無量下。辨令他入。一則大悲冥熏。二則大智爲說。令於身中。見如來性。成一切智故。種性不斷。是入義也。此用常寂。名爲涅槃。住物身者。如有偈云。我今解了如來性。如來今在我身中。我與如來無差別。如來即是我真如。

○第三明住於佛住。即觀察如來無功用佛事。不休息功德。爲欲得上無住涅槃。故次明之。住於諸佛究竟所住。生於三世諸佛之家。令不可數衆生。信解清淨。令一切菩薩。智慧成就。諸根悅豫。法

雲普覆虛空法界。教化調伏。無有遺餘。隨衆生心。悉令滿足。令其安住無分別智。出過一切衆生之上。

○文中初明所住。後彰住益。今初言佛住者。謂聖天梵等。皆佛所住。而於性空大悲。偏善安住。大悲性空。即是佛家。故能不住生死涅槃爲究竟住。此即恩德。是以親光亦名爲觀所化功德。常住大悲。晝夜六時

觀世間故。後令不可下。彰住家益。初明由住大悲。故能益物無遺。是不休息義。由住性空自無功用。故能令物生無分別。出過衆生。總顯勝也。觀文中下。釋文為二。從多而言。前段即釋經後段即釋論。在文易了。中能無間斷。隨其所應。恆正安住。聖天梵住。非如聲聞。要作功用。方能成辦。有利有情事。非如外道。雖有所住。而非殊勝。天住。謂四種靜慮。梵住。即是慈等無量。聖住。即是空無相等。世親云。謂住佛所住。無所住處。性空也。謂此住中。常作佛事。無有休息。大悲故也。今用二論。以釋經文。大悲性空者。謂住佛所住。無所住處。是自利家。故法華經。明大悲為安淨名云。畢竟空寂舍。況二相導。真實家也。故雙安住。故能不住下。即上大悲藏。若所輔翼。故。因故雙安住。纂要。

○第四明遠得一切佛平等性。下云。得佛平等。即觀察如來。於法身中所依樂作事無差別功德。如上佛住。為共不共。故次明之。此一切諸佛展轉和雜而同住故。一切諸佛。三事無差。非如聲聞。但有所依。

獲一切智放大光明。宿世善根皆令顯現。『普使一切發廣大心。令一切衆生安住。普賢不可壞智。』徧住一切衆生國土。從於不退正法中生。住於一切平等法界。明了衆生心之所宜。現不可說不可說種種差別如來之身。非世言辭而歎可盡。能令一切常思念佛。充滿法界廣度羣生。隨初發心所欲利益。以法惠施。令其調伏。信解清淨。示現色身不可思議。

圖文即分三。初明所依無差別。謂一切智。以一切諸佛皆依真如清淨智故。放大光下。顯智之用。『二普使已下。明意樂無差。謂同有利樂勝意樂故。普使之言。即意樂也。不可壞智。即如來藏。普賢菩薩自體徧故。染而不染。名不可壞。反源照極。故名安住。三徧住下。作業無差。一切皆作受用變化利他事故。於中先明作業周徧。次從於中。作業所依。即自受用身。一受不失。名為不退。請得法性。即念不退。此後親生佛智。此智生已。還住法界。次明了已下。正顯作業。初觀機。後現不可說下。作業。受用變化。各有多類。名不可說。

差別之身。能令已下。彰業之益。一能益他。二隨初下。滿本所願。亦令於物能現色身。此上四段。明其自利。後十七段。明其利他。

○第五明到無障處。卽觀察如來修一切障對治功德。利他之中。先明化障對治。故次明之。謂已慣習一切煩惱及所知障對治聖道。卽一切智及定自在性。故論名爲修治。又已到永離一切習氣所依趣處。經名到無障處。二文互顯。以有治必無障。無障由有治故。

等觀衆生心無所著。住無礙住。得佛十力無所障礙。心常寂定未曾散亂。住一切智。

【函】文中心無所著。是無煩惱障。住無礙住。明無所知障。得佛十力。卽是種智。是所知障治。心常寂定住一切智。卽煩惱障治。

大方廣佛華嚴經疏論纂要卷第四十四

大方廣佛華嚴經疏論纂要卷第四十五

五臺山清涼國師澄觀疏鈔 太原方山長者李通玄論 閩鼓山私淑比丘道霈纂要

升兜率天宮品第二十二之二

○第六明不可轉法。卽觀察如來降伏一切外道功德。由有上能治故。他不能轉。利有情事。故次明之。謂教證二法。皆不爲他所動轉故。無有餘法勝過此故。

善能開演種種文句真實之義。能悉深入無邊智海。出生無量功德慧藏。

○**圖**文中初明教道。能悉已下。證道。出生已下。二道之益。

○第七明所行無礙。觀察如來生在世間不爲世法所礙功德。顯示如來所化之中無高下礙。故次明之。謂世八風不能拘礙故。親光名降魔功德。謂色等境不能亂故。

恒以佛日普照法界。隨本願力常現不沒。恒住法界。住佛所住。無有變異。於我我所俱無所著。住出世法。世法無染。

○**圖**文中。以佛身日普照法界。則橫無礙。常現不沒。則豎無礙。不以無信生盲等而不現故。正顯八風不礙。恒住已下。顯無礙因。無有變異。示無礙相。如摩尼珠。不隨物變。不著我所。於內無礙。世法不染。於外無礙。由住出世。如蓮華故。如有頌云。諸佛常遊於世間。利樂一切有情類。八法勢風邪分別。不能傾動不拘礙。

○不以無信等而不現者。即第一迴向中意。如有頌云。即無性論。

○第八明其所安立不可思議。即觀察如來安立正法功德。由依前方便。能作饒益之事。故次明之。謂十二分教。名所安立。由深廣故。不可思議。

於一切世間建智慧幢。其智廣大。超過世間無所染著。拔諸衆生。令出淤泥。置於最上智慧之地。所有福德。饒益衆生。而無有盡。了知一切菩薩智慧。信向決定。當成正覺。以大慈悲。現不可說無量佛身種種莊嚴。以妙音聲演無量法。隨衆生意。悉令滿足。

○**圖**文中分二。初約所詮以辨深廣。後約能詮以明深廣。今初。初句總顯。建即安立。其智下釋。超世廣大。即

是幢義。拔置智地。卽是建義。所有已下。福智相對。明高廣義。』二以大慈下。現身說法。約能詮教以明安立。

○第九明遊於三世平等法性。卽觀察如來授記功德。以上加行利有情事。三世諸佛皆悉平等。故次明之。謂於三世平等性中。能隨解了。過去未來會當轉事。皆如現在而授記故。故下經云。普見三世。於去來今心常清淨。令諸衆生不著境界。恆與一切諸菩薩記。令其皆入佛之種性。生在佛家。得佛灌頂。

○文中初明三世平等之義。故云心常清淨。自得平等。令物不著。使他平等。恆與以下。正明授記。授記未來。令同過去種性。亦名平等。

○第十明其身流布一切世間。卽觀察如來於一切世界示現受用變化身功德。顯上利益。一時頓徧。非次第作。故次明之。

常遊十方。未曾休息。而於一切無所樂著。法界佛刹。悉能徧往。諸衆生心。靡不了知。所有福德。離世清淨。不住生死。而於世間。如影普現。

○文中初通辨二身。常約豎窮。徧約橫廣。十方法界。綺互其文。後諸衆生心下。總顯現相。德無不淨。故不住生死。機無不鑒。故普現世間。

○第十一明於一切法智無疑滯。卽觀察如來斷疑功德。以於上十方彼彼之處。作斷疑事。故次明之。謂於諸境。善決定故。故下經云。智恆明達一切諸法。

以智慧月普照法界。了達一切悉無所得。恆以智慧。知諸世間。如幻如影。如夢如化。一切皆以心爲自性。如

是而住。隨諸衆生業報不同。心樂差別。諸根各異。而現佛身。如來恆以無數衆生而爲所緣。爲說世間皆從緣起。知諸法相皆悉無相。唯是一相。智慧之本。欲令衆生離諸相著。示現一切世間性相而行於世。爲其開示無上菩提。

疏文中初自斷疑。非不自決。能斷他疑故。智月普照。總明了境。了達無得。是了真境。非不證真。能了俗故。恆以智下。明了俗境。一切皆以心爲自性。義通二境。攝境爲心。是世俗勝義。心之自性。卽是真如。是勝義勝義。如是而住。以無所得而爲方便。雙照真俗。無住住故。菩薩智光月。法界以爲輪。遊於畢竟空。世間靡不現。亦可屬上現受用身。二隨諸已下。能斷他疑。初明隨機現身。如來已下。所斷疑境。爲說緣起。是斷疑法。深入緣起。疑見亡故。知緣起無性故。知法無相。無相無異。故名一相。智體理成。故爲其本。圓深入緣起。入緣起。斷諸邪見。有無二邊。無復餘習。實積偈云。說法不有亦不無。以因緣故。諸法生。故由見因緣。能斷疑故。後欲令下。正明斷疑。若離相著。開示菩提。疑方斷故。圓上鈔淨名云。故云。兼要誤作三。

○第十二明於一切行成就大覺。卽觀察如來令人種種行功德。由所化生。性有差別。故次明之。謂入種種行。皆成大覺。下經但云。了一切行。

爲欲救護一切衆生。出現世間。開示佛道。令其得見如來身相。攀緣憶念。勤加修習。除滅世間煩惱之相。菩提行心不散動。於大乘門。皆得圓滿。成就一切諸佛義利。

疏文中初約說法令人。開示佛道者。令悟入故。後令其下。約現身令人。攀緣修習。是進善行。除滅已下。是離惡行。修菩提行。總舉萬行。心不散動。卽是入義。既萬行齊修。則因無不滿。果無不成。

○第十三明於諸法智無有疑惑。即觀察如來當來法生妙智功德。由即於前所化有能無能。善巧別知。故次明之。謂聖聲聞言。此人全無少分善根。如來知彼善法。當生現證。過去微少善根種子所隨故。悉能觀察衆生善根。而不壞滅清淨業報。智慧明了。普入三世。

○故文云。悉能觀察。下經云。盡一切疑。如求度者。遠劫採薪。興一善念。佛便知故。觀已便化。故不壞其清淨業報。智慧已下。釋其所以。以智普入。無不知故。故親光名爲能隨所應。恆正教誨功德。謂於諸法懷疑惑者。無有堪能隨應教誨。唯佛能故。名智慧明了。則第十一是自斷疑。此斷他疑。○如求度者。遠劫採薪。說身養聲聞。得無量福。何況如來。便引此緣。昔有一人。因緣力故。發心出家。往至僧坊。值佛大莊嚴論第九。因所爲說。觀其無少善根。諸比丘比丘。先問誰不度汝。舍利弗。如是展轉。皆不度之。如佛不在。諸僧坊。人悲泣。具說一切緣。佛說。傷云。身舍利弗。彼非一切智。亦不解體性。不盡知中下。彼識有齊限。其能深解了。無有智能。知微細之業報。遂牽入僧坊。與度得道。阿蘭若山。林取薪。爲虎所逼。以怖畏故。稱南無佛。種子今熟。故吾度之。得羅漢耳。故上云。微少善根。種子所隨。則第十一者。若準無性。世親皆十一斷他疑。今順親光。故爲此說。 圓身子舍利弗者。係衍文。

○第十四明凡所現身不可分別。下經但云。無能測身。即觀察如來如其勝解。示現功德。由上云善巧別知。故此云。於前所化邪正。及俱行中。無有分別。

永離一切世間分別。放光明網。普照十方一切世界。無不充滿。色身妙好。見者無厭。以大功德智慧神通。出生種種菩薩諸行。諸根境界。自在圓滿。作諸佛事。作已便沒。

○函文中初二句。明無分別義。世虛妄解。種現俱亡。故云永離。由自無分別故。餘不可以分別知。故親光名爲能正攝受。無染自體殊勝功德。謂佛身功德。非是雜染分別所起。無煩惱業生之雜染。故不可分別。而

無性云。隨機現身。如摩尼珠。無分別者。則順今文。佛無分別。不順彼經不可之言。次放光明下。彰所示現。皆無分別。見無厭足。則顯衆生不能分別。如瞿波觀佛毛孔。念念無厭。不能窮究故。如彼瞿波觀佛以毛孔即七十五經以大功德下。辨能現德。出生已下。明所現益。諸根以下。辨所現相。謂諸根圓滿。境界自在。作諸佛事。總彰現意。作已便沒。明現時分。既隨勝解現。則感謝應移。

○第十五明一切菩薩等所求智。即觀察如來無量所依調伏有情加行功德。爲欲引發任持不定種性。聲聞菩薩。唯讚大乘。故次明之。言等所求者。無不求故。佛地名爲正所求智。謂唯菩薩正能求故。翻言等是疏釋經。義在釋文。

善能開示過現未來一切智道。爲諸菩薩普雨無量陀羅尼雨。令其發起廣大欲樂。受持修習。

函文中初明所求。即一切智。此所求智。即是無量菩薩所依。而言道者。通因果也。爲諸已下。即成所依義。謂由無量菩薩。爲欲調伏諸有情故。發起加行。要以佛增上力故。聞法爲先。獲得妙智而爲所依。令其發起廣大欲樂者。即是調伏有情加行。受持修習者。即成智之因。

○第十六明得佛無二住勝彼岸。即觀察如來平等法身波羅蜜多成滿功德。爲遮所化。於大師所疑一切智非一切智。故次明之。由滿諸度。是一切智。言無二者。即平等也。平等有二。一法身平等。於法身中滿諸度故。二果位諸度無增減故。名爲平等。親光則以住於法身。即是彼岸。不說諸度。故云法身無差別相。名爲無二。緣彼勝定。常住其中。故名爲住。即無二住。名勝彼岸。佛已窮到。故明爲得。

成就一切諸佛功德圓滿熾盛。無邊妙色莊嚴其身。一切世間。靡不現觀。永離一切障礙之法。於一切法。眞

實之義。已得清淨。於功德法而得自在。

○闕文中初滿諸度。故云熾盛。次無邊下。以度滿故。莊嚴法身。故法華云。微妙淨法身。具相三十二。以八十種好。用莊嚴法身。以十身圓融。不相離故。言一切世間者。不隔凡聖。靡不現觀。雙現受用變化之身。永離已下。無二礙故。和合識破。相續心滅故。於一切下。顯現法身。智純淨故。於功德下。諸度滿故。和合識破。即起信意前。文已有。下。復重明。

○第十七明不相間雜如來解脫妙智究竟。即觀察如來隨其勝解。示現差別佛土功德。以外人聞上平等。謂同一性。故次說言。不相間雜。謂一切如來。十身體用。各各別故。猶如冥室千光。

為大法王。如日普照。為世福田。具大威德。於一切世間普現化身。放智慧光。悉令開悟。欲令眾生知佛具足無邊功德。以無礙縉。繫頂受位。隨順世間方便開導。以智慧手。安慰眾生。為大醫王。善療眾病。一切世間無量國土。悉能徧往。未曾休息。清淨慧眼。離諸障翳。悉能明見。於作不善惡業眾生。種種調伏。令其入道。善取時宜。無有休息。若諸眾生起平等心。即為化現平等業報。隨其心樂。隨其業果。為現佛身種種神變。而為說法。令其悟解。得法智慧。心大歡喜。諸根踊躍。見無量佛。起深重信。生諸善根。永不退轉。

○闕在文分二。初明變化身土不雜。二明受用身土不雜。無著但云差別佛土。畧舉一邊。親光則雙明身土。合今文意。今初變化中。先身後土。初中先總顯化身超勝。次普現者。通十法界身。放智慧光。合如日義。欲令已下。彰所化意。能為多化。方顯佛德無邊。所以名不間雜者。以於一切世間普化。一佛既爾。餘何所化。故知所屬不同。重重皆徧。是不間雜義。所以名不間雜下。隨難別釋。即是釋經。於中先問。後故知所屬不同下。釋所屬不同。即無雜義。如千燈各異。重重皆徧。是無間雜。

如光涉入。故上後以無礙下。別化因圓果滿之身。初明因圓。爲大醫下。現果滿身。二一切世下。明現化總言。如冥室千光。後以無礙下。別化因圓果滿之身。初明因圓。爲大醫下。現果滿身。二一切世下。明現化土。初明非唯能化。亦能徧往。清淨慧下。明佛觀機。卽是如來勝解現前。於作不善下。隨機現土等。隨諸衆生。應以何國起調伏心。入佛智慧而取佛土。故云善取時宜。無適淨穢。故云種種。欲該餘化。畧無土言。義必含有。又對後平等。但言不善。亦應含有有漏之善。二若諸衆生下。現受用身土不雜。先土後身。已證眞如。名平等心。觀受用土。是平等報。上則心有高下。此則依於佛慧。上則心有高下。卽淨名經意。螺髻語。見此土爲不淨耳。今指上化土。是隨心高下。今見受用。是依佛慧。後隨其心樂下。現受用身。故親光云。於淨佛土。現受用身。亦不相雜。令誤作今。其已下。明現之益。親光云。大集會中。現種種身。與諸菩薩受用法樂。亦不相雜。得智心喜等皆法樂也。又心大歡喜。卽是初地。見諸佛故。生歡喜等。以證生信。故名深重。以證不退。故得永言。

○第十八明證無中邊佛平等地。卽觀察如來三種佛身。方處無分限功德。由疑上如來妙智究竟。非一非異。其相云何。故次明此無中邊等。常無常等。皆二邊相。言方處者。謂諸世界。無分限者。釋無中邊。此無中邊。畧有四義。一世界無中邊。佛德如彼。無有分限。二世界無邊。諸佛十身。卽於其中。稱世界量。平等徧滿。三此法身等。於佛地中。平等徧滿。無中無邊。無有分限。四此法身等。徧一切處。爲諸衆世。現作饒益。然非自性無中無邊。親光復名此爲眞如相。殊勝功德。謂眞如相。無有中邊。如此眞如。卽是佛地平等法性。證此性故。徧知一切。於中不染。今此文。中總顯十身。皆無分限。

一切衆生。隨業所繫。長眠生死。如來出世。能覺悟之。安慰其心。使無憂怖。若得見者。悉令證入。義依義智。智慧善巧。了達境界。莊嚴妙好。無能映奪。智山法芽。悉已清淨。或現菩薩。或現佛身。令諸衆生。至無患地。無數

功德之所莊嚴。業行所成。現於世間。一切諸佛莊嚴清淨。莫不皆以一切智業之所成就。

○圖文中分二。先別顯四智十身。後無數下。總結因果。今初先就覺他。翻明自覺。成就法身。於中先明覺他。即妙觀察智。及成所作智之所利樂。若得見下。彰其所益。無依義智。即大圓鏡。是無中邊佛平等地。以無礙智身。無所依故。則證真如為佛地性。轉昔染依。為智所依。即是如如及如如智。既令他證。顯自己證也。次智慧下二句。即妙觀察智。莊嚴無奪。顯圓鏡智。所現之影。智山清淨。即平等性智。平等高出。所以名山。四惑已亡。故云清淨。因惑為種。生必待時。今能生自在。故種受芽稱。或現已下。即平等性所現之影。兼顯十身。不唯此二。故復言。或令諸衆生至無患地者。即成佛地。以遠離微細念故。名為無患。後總結中。初總明。謂十力四智等。莊嚴法身。業行所成。即是報佛。現於世間。結他受用。及變化身。總上諸義。則有十身。圖上諸義者。一就覺他。翻明自覺。是菩提身。二成就法身。及顯如如。即法身。三四智即智身。四莊嚴妙好。即相好莊嚴身。五無能映奪。即威勢身。六無數功德。即福德身。七或現菩薩等。即意生身。八令生離惑。即是願身。及九變化身。十業行所成。現於世間。即力持身。故云具十。一切已下。總結異因。同歸一智。謂智導萬行。故能證此佛平等地。若報若化。無不清淨。

○第十九明極於法界。即觀察如來窮生死際。常現利益安樂。一切有情功德。以上言無中邊相。云何無相。故次云。極於法界。謂此法界最清淨故。離諸戲論。是法界相。能起等流利益之事。極此法界。無有盡期。親光亦名此德為證得果相殊勝功德。謂此窮於清淨法界。如是法界。修道得故。以斯則極法界言。有於二義。一同法界常故。二同法界清淨故。

常守本願。不捨世間。作諸衆生堅固善友。清淨第一。離垢光明。令一切衆生皆得現見。六趣衆生無量無邊。

佛以神力常隨不捨。若有往昔同種善根。皆令清淨。而於六趣一切衆生。不捨本願。無所欺誑。悉以善法方便攝取。令其修習清淨之業。摧破一切諸魔鬪諍。

圖文中先明常利樂。二廣利樂。今初常守本願者。謂本發心。法界生界若有盡。我願乃盡。今生界未窮。故常現利樂。作善友者。世之善友。略有七事。一遭苦不捨。二貧賤不輕。三密事相告。四遞相覆藏。五難作能作。六難與能與。七難忍能忍。如來亦爾。爲物隨於六趣。苦而不捨。貧無法財。而不見輕。本性客塵。無不相告。善根未熟。則以權覆實。堪真實化。則以實覆虛。著弊垢衣。執除糞器。爲難作能作。解髻明珠。爲難與能與。生違佛化。乃至多劫。心無退動。爲難忍能忍。無不究竟。方明堅固。次清淨已下。明同法界清淨。雖復常化。離能所相。故名第一。二六趣下。廣多不捨。次若有已下。不捨昔緣。次而於下。通顯不捨。若暫不隨。則捨本願。如願能作。名不欺誑。次悉以下。彰攝巧益。令同法界清淨。摧魔惑故。

○第二十顯於二句。謂盡虛空性。窮未來際。卽觀察如來無盡等功德。謂上利樂皆無盡故。深密佛地。具斯二句。開則別中自有二十一一句。下離世間。但云等虛空界。而無窮未來際。欲顯圓數故。親光亦云。次後二句。顯示世尊無盡功德。初句自利。後句利他。故云謂如虛空。經成壞劫。性常無盡。如來一切真實功德。亦復如是。如未來際。無有盡期。利他功德。亦復如是。而無著釋。但云無盡功德等。不言開合。世親無性。開此等字爲究竟功德。故皆云等言。等取究竟功德。則以無盡功德釋初句。究竟功德釋後句。而無性意。後句是究竟無盡。與前無盡異者。前則橫論無盡。故云盡一切界。徧作有情諸饒益事。後句則豎顯無盡。故云。顯佛功德永無窮盡。所化有情永無盡故。同顯無盡。故二句合。自他等異。二句則開。今文意合。欲顯二

利不相離故。窮未來際。通在極於法界及盡虛空故。

從無礙際。出廣大。力最勝。日藏無有障礙。於淨心界。而現影像。一切世間。無不覩見。以種種法。廣施衆生。佛是無邊光明之藏。諸力智慧。皆悉圓滿。恆以大光。普照衆生。隨其所願。皆令滿足。離諸怨敵。爲上福田。一切衆生共所依怙。凡有所施。悉令清淨。修少善行。受無量福。悉令得入無盡智地。爲一切衆生種植善根淨心之主。爲一切衆生發生福德最上良田。智慧甚深。方便善巧。能救一切三惡道苦。

爾爲順二論。文分爲兩。初唯橫論無盡。正明盡虛空性。二爲上福田下。雙約橫豎以顯無盡。兼明窮未來際。今初先二句總言無礙際者。卽法身智身。如彼虛空。無有障礙。無邊無際。無盡無滅。無生無滅。無有變易。名無礙際。而能現前作諸利樂。如彼虛空。容受質礙。故云出廣大。力最勝。日下。別顯依空無礙之用。略舉一日。而有四德。一蘊藏千光。二百川現影。三有目皆覩。四生成萬差。名種種施。上一段文。言含法喻。佛是已下。唯就法說。初光明藏。卽上日藏。身智光明。含攝出生故。諸力已下。如日無缺。恆以大下。如日舒光。離諸冤敵。降老死怨。如日大明。衆景奪耀。不獨合上。故名有影略。爾降老死怨者。淨名云。譬如勝怨。乃借用之。二雙約橫豎論無盡者。但云一切。通於十方。及來際故。文中先明爲生福智之田。上福田者。具前德故。凡所有下。釋上田義。三義名上。一令清淨。如無荒穢。二因少果多。如涅槃說純陀施福。三入無盡智。如田隨種種隨生。如穀展轉無盡。成金剛種。終不銷故。具斯三義。稱日上田。次爲一切下。顯爲田主。次爲一切衆生發生下。明體卽是田。後智慧下。明能爲田義。具悲智故。初權實無二。總爲一智。對下能救。悲智無礙。合爲一心。則是如來最清淨覺。爾則是如來最清淨覺者。以在最後。故復結之。句句亦皆合結也。如涅槃說者。經云。我今所供。雖復微少。佛令汝具足。檀波羅蜜。爲果多也。

上所引功德之名。全依無著。其所解釋。多依無性。有不同者。亦已對決。與離世間品。小有同異。大旨無違。至下品中。當更顯示。依上所釋。文旨有據。德相可分。若列宿羅空。粲然不雜。豈得寬文。廣申辭句。於佛勝德。蔑然略陳。幸諸後學。不咎其繁。而不要也。 別觀德相二十段竟。

○第三結成觀解。

如是信解。如是觀察。『如是入於智慧之淵。如是遊於功德之海。如是普至虛空智慧。如是而知衆生福田。』如是正念現前觀察。如是觀佛諸業相好。如是觀佛普現世間。如是觀佛神通自在。

『國謂前諸德。不出內德及與外相。今初二句。總明能觀。信解約於仰推。觀察通於諸眼。後之八句。就所觀德。以辨能觀。前四內德。後四外相。前中謂佛內德無量。不出福智。前二福智之體。智慧之淵。略語其深。功德之海。義兼深廣。淵宜趣入。海宜游涉。次二句。福智之用。智廣虛空。福無不益。稱此而了。名普至知。後四外相中。初一句。重舉能觀。揀內外故。言正念者。明非散心。了佛德相。唯心無性。靜而能鑒。復云觀察。後三句。亦就所觀。以辨能觀。初一句。總。後二句。別。身雲普現。即是相好。神通自在。即前業用。前二十一德中。或一句之內。言兼福智。一德之內。體用雙明。若別配屬。義成偏近。』

身豈有有限。今且依下。初至清淨。已於中。先顯十門。德。後。如是。正。結。在。神。力。門。去。全。依。今。身。不。然。從。色。相。尋。一。曉。下。會。取。明。今。經。一。今。經。是。信。解。普。門。第。三。根。獲。悉。一。已。清。淨。為。第。一。段。神。通。自。在。第。二。神。力。門。去。全。依。今。身。不。二。小。異。忍。第。不。曉。下。會。取。明。今。經。一。今。經。是。信。解。普。門。第。三。根。獲。悉。一。已。清。淨。為。第。一。段。神。通。自。在。第。二。神。力。門。去。全。依。今。身。不。一。第。下。思。二。小。異。忍。第。不。曉。下。會。取。明。今。經。一。今。經。是。信。解。普。門。第。三。根。獲。悉。一。已。清。淨。為。第。一。段。神。通。自。在。第。二。神。力。門。去。全。依。今。身。不。一。第。下。思。二。小。異。忍。第。不。曉。下。會。取。明。今。經。一。今。經。是。信。解。普。門。第。三。根。獲。悉。一。已。清。淨。為。第。一。段。神。通。自。在。第。二。神。力。門。去。全。依。今。身。不。一。第。下。思。二。小。異。忍。第。不。曉。下。會。取。明。今。經。一。今。經。是。信。解。普。門。第。三。根。獲。悉。一。已。清。淨。為。第。一。段。神。通。自。在。第。二。神。力。門。去。全。依。今。身。不。

理。故云偏近。況結中。不出內德外相。內德不出福智。如何攝得前文。又刊定記科爲
十六三業而段。段之中三業多闕。亦消文不盡。故皆偏近。依今之釋。一句無遺矣。

○第二明見佛光用。前雖有用。乃觀如來常所具德。今現目覩。故不同也。文中三。初覩常光。二覩放光。三
顯光意。今初。

時彼大衆。見如來身一一毛孔。出百千億那由他阿僧祇光明。一一光明。有阿僧祇色。阿僧祇清淨。阿僧祇
照明。令阿僧祇衆觀察。阿僧祇衆歡喜。阿僧祇衆快樂。阿僧祇衆深信增長。阿僧祇衆志樂清淨。阿僧祇衆
諸根清涼。阿僧祇衆恭敬尊重。

○二覩放光中。
闕雖云毛出。意取常出。有十一句。初總餘別。前三光相。後七光益。

爾時大衆。咸見佛身放百千億那由他不思議大光明。一一光明。皆有不思議色。不思議光。照不思議無邊
法界。以佛神力。出大妙音。其音演暢百千億那由他不思議讚頌。超諸世間所有言辭。出世善根之所成
就。復現百千億那由他不思議微妙莊嚴。於百千億那由他不思議劫數不可盡。皆是如來無盡自在之
所出生。又現不可說諸佛如來出興於世。令諸衆生入智慧門。解其深義。又現不可說諸佛如來所有
變化。盡法界虛空界。令一切世間平等清淨。如是皆從如來所住無障礙一切智生。亦從如來所修行不思
議勝德生。復現百千億那由他不思議妙寶光燄。從昔大願善根所起。以曾供養無量如來。修清淨行。無
放逸故。薩婆若心。無有障礙。生善根故。

○先舉體相。後以佛下。辨光業用。文有五現。一說法。二現嚴。此二皆先現後因。三現佛。則先現後意。令成

教證二甚深故。四現神變。五現寶燄光。皆先現後因。

○第三現光意。

爲顯如來力廣徧故。爲斷一切衆生疑故。爲令咸得見如來故。令無量衆生住善根故。顯示如來神通之力。無映奪故。欲令衆生普得入於究竟海故。爲令一切諸佛國土菩薩大衆皆來集故。爲欲開示不可思議佛法門故。

圖並顯可知。

○第二大科明現勝德之意。文分二別。先牒前現德。

爾時如來大悲普覆。示一切智所有莊嚴。

圖悲爲能現。智爲所現者。影畧其文。應以依二嚴體。現二嚴德。

○二正明現意。分二。先明下益衆生。二開示如來下。明上弘佛道。今初。

欲令不可說百千億那由他阿僧祇世界中衆生。未信者信。已信者增長。已增長者令其清淨。已清淨者令其成熟。已成熟者令心調伏。觀甚深法。具足無量智慧光明。發生無量廣大之心。薩婆若心無有退轉。不違法性。不怖實際。證真實理。滿足一切波羅蜜行。出世善根皆悉清淨。猶如普賢得佛自在。離覺境界。入諸佛境。了知深法。獲難思智。大乘誓願。永不退轉。常見諸佛。未曾捨離。成就證智。證無量法。具足無邊。福德藏力。發歡喜心。入無疑地。離惡清淨。依一切智。見法不動。得入一切菩薩衆會。常生三世諸如來家。世尊所現如是莊嚴。皆是過去先所積集善根所成。爲欲調伏諸衆生故。

隨分二。先彰現益。今初舉所益。後未信下。辨益不同。然此益中。文含多勢。且依一判。先約行布。初五句。十信。始自初信。令心調伏。信位滿故。次七句。皆十住益。謂初二句。是住中觀慧。次二句。下化上求之心。後三句。住中證入。知心自性。故曰不違。不退二乘。故不怖實際。不由他悟。是證實理。圓教十住。許入證故。三滿足下三句。十行益。初句位中之行。後二句。位中之德。四離魔下三句。十向益。初句起行。一向利他。離二乘等魔。迴向菩提。故入佛境。次句得法。隨相離相。無礙難思。後句行成。五常見諸佛下。盡明十地。初四句。皆歡喜地。一見受用身。故稱日常。二根本證真。後得證無量法。又證徧行真如。亦名無量。三則僧祇積福。證理出生。名福藏力。四發歡喜心。是此位名。入見道故。名無疑地。離惡清淨。是第二地。依一切智見法不動。是三四地。得入一切菩薩衆會。是五六七地。常生佛家。八地已上。念無有間。故曰常生。若約圓融。初之五句。信中攝位。句各一位。如理思之。圓句各一位者。初信位。二增長是住位。三清淨是行位。四成熟是向位。五調伏是地位。從觀甚深下。義通諸位。以圓教中。位位攝德故。二世尊下。辨現因。既積善所成。故為益深大。為欲調伏諸衆生。故一句。文含二勢。一結前。謂結因所屬。二生後。生後開示。亦是為生。

○第二明上弘佛道。

開示如來大威德故。照明無礙智慧藏故。示現如來無邊勝德。極熾然故。顯示如來不可思議大神變故。以神通力。於一切趣現佛身故。示現如來神通變化無邊際故。本所志願悉成滿故。顯示如來勇猛智慧能徧往故。於法自在成法王故。出生一切智慧門故。示現如身身清淨故。又現其身最殊妙故。顯示證得三世諸佛平等法故。開示善根清淨藏故。顯示世間無能為喻上妙色故。顯示具足十力之相。令其見者無厭足故。

爲世間日照三世故。自在法王一切功德。皆從往昔善根所現。一切菩薩於一切劫。稱揚讚說不可窮盡。圖文中分二。先別彰所爲。有十七句。爲欲顯前二十一種殊勝功德。初句爲總。餘皆是別。於中前五。各攝二德。餘句各一。第一照明無礙智慧藏句。顯二德者。一顯不二現行。故云無礙。無二礙故。二顯趣無相法。故云照智慧藏。慧爲能照。藏卽所照。無相眞如。照明趣達。眼目殊稱。第二句。一顯住於佛住。謂住空大悲。任運利樂。無休息時。名曰熾然。二顯速得一切佛平等住。謂依清淨智。起利樂意。作二身業。皆熾然故。第三句。一顯到無障礙。二顯不可轉法。謂此二是降魔伏外功德。前由有對治。則不爲他動。今由有神變。乃能轉他。第四句。一爲顯所行無礙。今徧趣現身。卽是所行。有漏盡通。八風不染。又神通力。卽能徧因。二顯其所安立不可思議。謂佛威神所建立故。第五句。初顯游於三世平等法性。約記三世事。亦是神通。無邊際言。卽平等性。二顯其身流布一切世間。此言甚顯。下皆各攝一德。六顯於一切法。智無疑滯。本願已滿。故。七顯於一切行。成最正覺。名智徧往。八顯於諸法。智無有疑惑。名於法自在。九顯一切菩薩等所求智。十顯凡所現身。不可分別。十一爲顯得佛無二。住勝彼岸。彼岸已圓。十身殊妙故。十二顯不相間雜。如來解脫妙智究竟功德。又諸佛平等。皆徧而不相雜故。十三顯證無中邊佛平等地。平等之地。卽清淨藏。十四顯極同法界。故云上妙。十五有十力故。能盡虛空。見者無厭。十六窮未來際。故照三世。』第二自在下。舉因結歎。前舉積因。後歎無盡。 五觀佛勝德竟。

○第六天王請佛處殿。

爾時兜率陀天王。奉爲如來嚴辦如是諸供具已。與百千億那由他阿僧祇兜率天子。向佛合掌。白佛言。善

來世尊。善來善逝。善來如來應正等覺。唯見哀愍。處此宮殿。

闍亦稱五號。並曰善來。及下文意。皆如第三會說。闍亦稱五號者。一世尊。二善逝。三如來。四應供。五正徧知。然尋常略舉下三。今加上二。故爲五德。

○第七如來受請。

爾時世尊。以佛莊嚴而自莊嚴。具大威德。爲令一切衆生大歡喜故。一切菩薩發深悟解故。一切兜率陀天子增益欲樂故。兜率陀天王供養承事無厭足故。無量衆生緣念於佛而發心故。無量衆生種見佛善根。福德無盡故。常能發起清淨信故。見佛供養無所求故。所有志願皆清淨故。勸集善根無懈怠故。發大誓願求一切智故。受天王請。入一切寶莊嚴殿。如此世界。十方所有一切世界。悉亦如是。爾時一切寶莊嚴殿。自然而有妙好莊嚴。出過諸天莊嚴之上。一切寶網周布彌覆。普雨一切上妙寶雲。普雨一切莊嚴具雲。普雨一切寶衣雲。普雨一切栴檀香雲。普雨一切堅固香雲。普雨一切寶莊嚴蓋雲。普雨不可思議華聚雲。普出不可思議伎樂音聲。讚揚如來一切種智。悉與妙法而共相應。如是一切諸供養具。悉過諸天供養之上。闍分二。先受請入殿。二爾時一切下。入已現殿。前中先明此界。後辨結通。前中初一句。明能應之德。次明所爲之意。三正受請。並顯可知。第二現殿。顯是佛力。故出過諸天。

○第八天王獲益。

時兜率宮中。伎樂歌讚熾然不息。以佛神力。令兜率王心無動亂。往昔善根皆得圓滿。無量善法益加堅固。增長淨信。起大精進。生大歡喜。淨深志樂。發菩提心。念法無斷。總持不忘。

闍文中初得定益。往昔已下。是進善益。佛神力言。通此二益。十住位劣。攝散歸靜。故樂音止息。此位超勝。

得動實性。故動寂無二。熾然音樂。心不動也。

○第九承力偈讚。然憶念昔因。亦是益相。取文便故。為說偈依。文中二。先明此處偈讚。後結通十方。前中先說偈依。

爾時兜率陀天王。承佛威力。即自憶念過去佛所。所種善根。而說頌言。

○後正陳偈讚。

昔有如來無礙月 諸吉祥中最殊勝 彼曾入此莊嚴殿 是故此處最吉祥 昔有如來名廣智

諸吉祥中最殊勝 彼曾入此金色殿 是故此處最吉祥 昔有如來名普眼 諸吉祥中最殊勝

彼曾入此蓮華殿 是故此處最吉祥 昔有如來號珊瑚 諸吉祥中最殊勝 彼曾入此寶藏殿

是故此處最吉祥 昔有如來論師子 諸吉祥中最殊勝 彼曾入此山王殿 是故此處最吉祥

昔有如來名日照 諸吉祥中最殊勝 彼曾入此衆華殿 是故此處最吉祥 昔有佛號無邊光

諸吉祥中最殊勝 彼曾入此樹嚴殿 是故此處最吉祥 昔有如來名法幢 諸吉祥中最殊勝

彼曾入此寶宮殿 是故此處最吉祥 昔有如來名智燈 諸吉祥中最殊勝 彼曾入此香山殿

是故此處最吉祥 昔有佛號功德光 諸吉祥中最殊勝 彼曾入此摩尼殿 是故此處最吉祥

闍十頌。頌各一佛。佛名有異。略無別德。餘同前會。此佛即前會十佛次前十佛。寄位漸深。憶念漸遠耳。

圖云吉祥者。衆善所集名吉。衆福所加名祥。云金色殿者。殿有金色光明。亦明法身無垢。云蓮華殿者。殿有衆色蓮華莊嚴。亦表法身無染。是蓮華義。山王殿者。明積德如山王。非殿有山。如經云。寶者。貴德為寶。

非關寶玉。餘義可知。所以須歎往昔如來者。有三義。一兜率天王。念昔自分善根力。二明古今諸佛道迹。普周。三明如來道迹。依古不異。非天魔梵所爲。令衆生生信入故。此十佛。亦以加行隨行成名。

如此世界兜率天王。承佛神力。以頌讚歎過去諸佛。十方一切諸世界中兜率天王。悉亦如是。歎佛功德。

○第十如來就座。

爾時世尊。於一切寶莊嚴殿摩尼寶藏師子座上結跏趺坐。『法身清淨。妙用自在。與三世佛同一境界。住一切智。與一切佛同入一性。佛眼明了。見一切法皆無障礙。有大威力。普遊法界未嘗休息。具大神通。隨有可化衆生之處。悉能徧往。以一切諸佛無礙莊嚴而嚴其身。善知其時。爲衆說法。』不可說諸菩薩衆。各從他方種種國土而共來集。衆會清淨。法身無二。無所依止。而能自在起佛身行。『坐此座已。於其殿中。自然而有無量無數殊特妙好出過諸天供養之具。所謂華鬘衣服塗香末香寶蓋幢幡伎樂歌讚如是等事。一皆悉不可稱數。以廣大心恭敬尊重供養於佛。十方一切兜率陀天。悉亦如是。』

爾文分四別。一明就座。二顯德。亦大同前二十一德。恐厭繁文。不能具釋。三衆集。即眷屬圓滿。然後品衆集。有所表故。但云一萬。理實徧集故。此但云不可說衆。未必但是後品之人。四現嚴。初此界。後結通。

關於此品末。有十三行半經。約分爲二段。一爾時世尊已下。至爲衆說法。有六行半經。明如來處座。爲衆說法分。二不可說諸菩薩衆已下。至悉亦如是。有七行經。明十方菩薩來集處座。殿內莊嚴妙好。勝出諸天。一切十方兜率。悉同此雲集莊嚴分。座體前已釋訖。師子座上結跏趺坐者。有二義。一世間威儀。二會此十迴向中理事交徹。如來座體。以法界緣起不思議智無所依住大慈大悲以爲座體。以無依住智性。

自徧周。與虛空等。不去不來。而對現色身。與衆生數等。任根差別。隨應調伏。而化度之。而無所造作。如經云。法身清淨。妙用自在者。是也。與三世佛同一境界。住一切智者。以智體無內外中邊。諸佛同住。境界亦爾。與一切佛同入一性者。爲無性之性。無出入也。諸佛同此也。佛眼明了者。覺一切法非有無。而能以智徧知一切諸法也。有大威力。普遊十方。未嘗休息者。以無作無依之理智。破一切邪見執著。皆悉消亡。名之爲威力。以智無表裏。性徧如空。應感現形。而無來去。名之爲遊。無俗不眞。名爲法界。一念三世。古今情盡。教化衆生。無終無始。名未嘗休息。明時不遷也。具大神通者。大智無依無形。性無生滅。名之爲神。智無不達。名之爲通。隨有可化。悉能徧行者。智無去來中邊表裏。十方衆生。應感皆見。皆悉不同。名之爲徧往。以一切諸佛無礙莊嚴。而莊嚴之。有二義。一四無礙智莊嚴。二依正二報二福莊嚴。善知其時。爲衆說法者。了根生熟。如應化度。問曰。何爲諸佛知衆生心。時與非時。答曰。諸佛如來心。與一切衆生心。本不異故。是一心一智慧故。以此知時與非時。諸佛悟而了。與衆生共之。衆生迷。自謂爲隔。一切諸佛以一切衆生心智慧。而成正覺。一切衆生迷。諸佛智慧。而作衆生。及至成佛時。還成衆生。迷理之佛。所說法門。還解衆生心。裏迷佛衆生。以此不異。故知衆生心。經云。不可說諸菩薩。各從他方種種國土。而共來集者。約萬行差別。名爲他方。以法隨根。應物調伏。名種種國土。不出如來大圓明智。名爲而共來集。衆會清淨者。無情識也。法身無二者。與佛同一體性。等無性也。無所依止。無得無證也。而能自在起佛身行者。無作之智。同佛用也。坐此座已。會此十迴。向法界本也。殿出殊好。以智所感也。出過諸天者。以智報感。非有情爲也。論主頌解云。菩薩所有報相。約行所生。頌曰。菩薩以忍爲垂鬘。慚愧恒爲衣服飾。戒品塗香及未香。慈悲普

覆爲其蓋。正心不動。禪定幢。智慧幢。破諸邪見。方便常住生死海。饒益衆生爲伎樂。總持演暢妙法音。聞者解脫爲歌樂。已上如文可知。此會所將如是大悲。如是智慧。如是萬行。但爲長養初發心住。初生佛家之智慧。大悲。令慣習自在。故時亦不改。法亦不異。智亦不遷。猶如竹葦。依舊而成。初生與終。無有粗細。亦如小兒。長初生而爲大。無異大也。此直以十行。十迴向。十地。十一地。爲長養道之方便。佛果在於初發心。又十住中。一住具十住之功用。故及十住。十行。十迴向。十地。十住中總具足。故猶如神龍。馬王所生。其神駒生在其地。與父遲速相似。唯力用未如其父母。如初發心菩薩。以乘如來一切智乘。初生佛家。與佛同智。唯神通道力未如。以待大悲。萬行長養。故雖長養功終。法不異也。時不遷也。終不出初發心時。力用功畢。如能女不出剎那際。一生成佛。如善財一生得佛果。亦爾。一生義者。得無生也。如三乘以意生身菩薩。未說乘佛一切智乘者。推佛果在十一地後。三祇之劫終也。前三賢爲資糧。十地爲見道。佛果在十一地。三祇之劫終也。如此教。與三乘中五位行相。一倍顛倒。行相不同。後當更明。 升兜率天宮品竟。

大方廣佛華嚴經疏論纂要卷第四十五

大方廣佛華嚴經疏論纂要卷第四十六

五臺山清涼國師澄觀疏鈔 太原方山長者李通玄論 閩鼓山私淑比丘道霈纂要

兜率宮中偈讚品第二十四

華嚴經疏論纂要卷四十五 升兜率天宮品第二十三 論 卷四十六 兜率宮中偈讚品第二十四 九六一

○初來意。

闕來意者。前明化主赴感。今明助化讚揚。及顯位體所依。故次來也。

○二釋名。

闕釋名者。謂十方菩薩。於此宮中讚佛實德。故受斯名。通二種釋。如第三會。

○三宗趣。

闕宗趣者。集衆放光偈讚爲宗。爲說迴向爲趣。

闕第一釋品名目者。明以金剛幢等十菩薩。各從異佛利來。處兜率天宮。至如來所。各化作妙寶師子之座已。各以十迴向法門因果而偈讚之。故名偈讚品。異佛利者。從十行中來。入十迴向。第二釋品來意者。此品爲欲成十迴向中因果法門故。須此品來也。

○四釋文亦三。初集衆。二放光。三偈讚。今初。

爾時佛神力故。

闕文二。先明集因。謂佛神力。

十方各有一大菩薩。

闕二衆集。於中文二。先明此會。後如此世界下。結通。今初長分十段。一總舉上首。

一一各與萬佛刹微塵數諸菩薩俱。

闕二眷屬數。

從萬佛刹微塵數國土外諸世界中來詣佛所。

圖三來處遠近位增數增故各一萬。

其名曰金剛幢菩薩。堅固幢菩薩。勇猛幢菩薩。光明幢菩薩。智幢菩薩。寶幢菩薩。精進幢菩薩。離垢幢菩薩。星宿幢菩薩。法幢菩薩。

圖四主菩薩名同名幢者。略有五義。一高出義。表三賢位極故。二建立義。大悲大智建立衆生及菩提故。三歸向義。謂大悲攝生。智願攝善。歸向菩提及實際故。四摧殄義。如猛將幢。降伏一切諸魔軍故。五滅怖畏義。如帝釋幢。不怖惑業故。異名卽表十向行體。至偈當明。

所從來國。謂妙寶世界。妙樂世界。妙銀世界。妙金世界。妙摩尼世界。妙金剛世界。妙波頭摩世界。妙優鉢羅世界。妙栴檀世界。妙香世界。

圖五所從來刹。皆稱妙者。迴向之力。微善彌於法界故。其別名。卽表十向所修法門。一救護衆生離衆生相。最可貴故。二得不壞信。常樂因故。三等佛白淨故。四如金徧至諸色像故。五出用無盡。如摩尼故。六善根堅固。如金剛故。七隨順衆生。不染塵故。八眞如之因。如水生華。最爲勝故。九如白栴檀。能去熱惱之縛著故。十如彼香氣。能普周故。故下文慈氏座前燒一丸香。彌滿法界。卽其事也。圖慈氏座前等者卽六十七經。

各於佛所淨修梵行。所謂無盡幢佛。風幢佛。解脫幢佛。威儀幢佛。明相幢佛。常幢佛。最勝幢佛。自在幢佛。梵幢佛。觀察幢佛。

圖六本所事佛。同名幢義。不異菩薩別名。卽表修十向智。亦表當位之果。謂一救護之心不可盡故。成無

盡佛。二如空中風。不住不壞故。三等佛解脫故。四四威儀中無不至故。五明了功德相故。六常能隨順善根故。七隨順衆生善最勝故。八同於真如。得自在故。九淨無垢染。不縛著故。十觀察卽是入法界故。其諸菩薩。至佛所已。頂禮佛足。

爾七到已修敬。

以佛神力。卽化作妙寶藏師子之座。寶網彌覆。周而徧滿。諸菩薩衆。隨所來方。各於其上。結跏趺坐。

爾八善住威儀。座體云妙寶者。十住以慧光徧照。故以毗盧遮那藏爲體。十行以行淨離垢。故以蓮華藏爲體。今十向大悲。處於生死。普該萬法。不拘乎一。故座體直云妙寶。不限色類。以教行徧周。籠攝衆生。加以寶網。彌覆其上。

其身悉放百千億那由他阿僧祇清淨光明。此無量光。皆從菩薩清淨心寶離衆過惡大願所起。顯示一切諸佛自在清淨之法。以諸菩薩平等願力。能普救護一切衆生。一切世間之所樂見。見者不虛。悉得調伏。

爾九放光利物。此位多辨悲智救物。故復辨此。於中初光體。次此無量下。辨光因。卽圓淨迴向心。後顯示下。略示光業。一智敬上業。二悲救下業。

其菩薩衆。悉已成就無量功德。所謂徧遊一切諸佛國土。無所障礙。一見無依止清淨法身。以智慧身。現無量身。徧往十方。承事諸佛。入於諸佛無量無邊不可思議自在之法。住於無量一切智門。以智光明。善了諸法。於諸法中。得無所畏。隨所演說。窮未來際。辯才無盡。以大智慧。開總持門。慧眼清淨。入深

法界。』智慧境界無有邊際。』究竟清淨。猶若虛空。

疏十略讚勝德。有十一句。初總餘別。別中十門。一神通門。二入證門。三以智下。依智修福。四入於下。上入果用。五住於下。住善決擇。六於諸下。四辯無盡。七智開總持。八慧眼見性。九智慧徧知。十究竟離障。

如此世界兜率天宮諸菩薩衆如是來集。十方一切兜率天宮。悉有如是名號菩薩而來集會。所從來國諸佛名號。亦皆同等。無有差別。

疏結通可知。

○第二放光。

爾時世尊。從兩膝輪。

疏文分四別。一放光處。言膝輪者。位漸高故。又表迴因向果等。有屈申進趣之相故。又悲智相導。屈申無住故。

放百千億那由他光明。

疏二光數。

普照十方盡法界虛空界一切世界。

疏三光照分齊。

彼諸菩薩。皆見於此佛神變相。此諸菩薩。亦見於彼一切如來神變之相。

疏四光所作業。謂令彼此互相見故。於中分三。初正明彼此相見。二如是下。釋見所由。三如是等下。結德。

所屬。

如是菩薩。皆與毗盧遮那如來。於往昔時。同種善根。修菩薩行。

圖二中。由二因故見。一宿因同行故。

圖明諸菩薩從誰發心者。皆於自心無始分別無明。爲發心之始。達此無始無明。爲大圓鏡智故。卽與十方毗盧遮那如來同善根故。若離此智。無成佛期。無見佛日。是故經云。如是菩薩。皆與毗盧遮那往昔同善根故。明達自無明。成大智體。諸佛共此智也。

悉已悟入諸佛自在甚深解脫。得無差別法界之身。『入一切土而無所住。見無量佛悉往承事。』於一念中周行法界。自在無礙。心意清淨如無價寶。『無量無數諸佛如來常加護念。共與其力。到於究竟第一彼岸。』恒以淨念住無上覺。念念恆入一切智處。『以小入大。以大入小。皆得自在通達無礙。已得佛身與佛同住。』獲一切智。從一切智而生其身。『一切如來所行之處。悉能隨入。開闡無量智慧法門。』到金剛幢大智彼岸。獲金剛定。斷諸疑惑。『已得諸佛自在神通。普於一切十方國土。教化調伏百千萬億無數衆生。於一切數。雖無所著。善能修學成就究竟方便。安立一切諸法。』

圖二悉已下。現德圓滿故。文有二十句。束爲十對。一離障成身對。二入剎近佛對。三用速心淨對。四外護內證對。五能覺所覺對。謂一切智處是所覺故。六用廣證深對。身卽智身。同住法界及大悲故。七得智生身對。身卽應身。八行深解廣對。九智極定深對。此位中顯名金剛幢。對金剛定。卽菩提智。十得通立法對。由得通故。調化無數。由離數故。而能安立。數有二種。一數量數。二色心有爲。皆名爲數。今文具二。謂由不

著一多。能立一切故。不著於有能安立故。卽真俗鎔融。謂世俗幻有之相。相本自空。勝義真空之理。理常自有。有是空有非常有。斯有未會不空。空是有空非斷空。此空何嘗不有。有空空有。體一名殊。名殊故真俗互乖。迥然不雜。體一故空有相順。冥然不二。一與不一。不卽不離。鎔融無礙。菩薩智契其源。所以雖迴絕無寄。而善修安立。圖一離障成身對者。以文易故。疏不指經。今當指之。二入一切土下。入利對。三於一八一切如來下。是九到金剛幢下。是十已得諸佛自在下。是。六以下。是。七。獲一切智下。是。八。之相。相從緣生。舉體卽空。理非斷滅。故常有然有三意。此上第一當體以明。二有是空有下。明二諦交徹成一。卽有是空卽空是有。三有空空有。結成鎔融。卽仁王云。於諦常自二。於解常自一。通達此無二。眞入第一義也。從菩薩智契下。結成能立。

如是等百千億那由他不可說無盡清淨三世一切無量功德藏諸菩薩衆。皆來集會。在於佛所。因光所見一切佛所。悉亦如是。

圖三結德所屬。謂無盡德。屬於此會菩薩。及光中所見也。

圖如來放光處所表法者。十信足下輪中放光。以信爲初。十住足指端。明人聖位之初。十行足跌。明依聖性法身起行。十迴向膝上放光。以膝者。人之坐起迴旋卷舒自在之所由也。明此迴向位法門。是迴真處俗解脫無染之大智。以悲願利生。處生死而恆涅槃。涅槃與生死無礙自在。以放光處表之。十地眉間放光者。表中道果光也。

○第三偈讚。十菩薩卽爲十段。亦十方如次。皆先標說人。及說儀式。今初東方金剛幢菩薩。爾時金剛幢菩薩。承佛神力。普觀十方而說頌言。

圖金剛幢菩薩者。此是會主。名含總別。總顯迴向不出悲智。金剛者。堅利也。卽悲之智。二乘實際不能壞。

堅也。斷難斷惑。利也。故云智慧到彼岸。卽智之悲。愛見不能動。堅也。無所不救。利也。故文中獨利利生。七十八云。譬如金剛。唯從金剛處及金處生。非餘實處生。菩提心金剛。亦復如是。唯從大悲救護衆生金剛處。一切智智殊勝境界金處而生。非餘衆生善根處生。故知金剛不獨喻智。攻般若者。不得此意。但以標名。獨將金剛喻於般若。不觀文中。悲濟九類而無所度。悲智相導。方爲真實不共般若。智者應知。別名卽是救護衆生。悲也。離衆生相。智也。義不殊總。說頌儀式。頻見上文。圖故知金剛下。四結釋。以今古講師。皆重以金剛經。具悲智爲金剛故。彼經云。佛告須菩提。諸菩薩摩訶薩。應如是降伏其心。所有一切衆生之類。若卵生。若胎生。若濕生。若化生。若有色。若無色。若有想。若無想。若非有想。若非無想。我皆令入無餘涅槃而滅度之。緣濟九類。如是滅度無量無數無邊衆生。實無衆生得滅度者等。大智而無所度也。故疏結云。悲智雙運。

圖從爾時佛神力故已下。至而說頌言。五十二行經。明金剛幢等十菩薩衆。十方來集。彰因示果。不二分。餘如文具明。

如來不出世 亦無有涅槃 以本大願力 示現自在法
是法難思議 非心所行處 智慧到彼岸 乃見諸佛境

圖正顯頌文。十頌歎佛寂用無礙德。大分爲二。初八讚佛勝德。後二結勸修行。今初分三。初五偈寂而常用。次一偈用而常寂。後二無礙自在。今初分三。初二偈。無生滅而示生滅。於中前偈就法正顯。後偈寄對顯深。以依體起用。體用無礙。故難思議。又心有相。動不能行。故難思議。智無智相。名到彼岸。方見佛境。色身非是佛 音聲亦復然 亦不離色聲 見佛神通力
少智不能知 諸佛實境界 久修清淨業 於此乃能了

疏次二偈。非色聲而現色聲。亦前偈就法正顯。後偈寄對顯深。少智謂權小。久修謂圓機。素習見聞。故能了實。

正覺無來處。去亦無所從。清淨妙色身。神力故顯現。

疏後一頌明無來去而示來去。覺處即現。不從方來。迷處自無。不從此去。以神力故。示有來去。然從神力中來。即無來矣。

無量世界中。示現如來身。廣說微妙法。其心無所著。

疏二用常寂中。三句用。末句寂。

智慧無邊際。了達一切法。普入於法界。示現自在力。

衆生及諸法。了達皆無礙。普現衆色像。徧於一切刹。

疏三無礙自在中。初偈了事理無礙。起用自在。後偈了生法無礙。起用自在。可知。

欲求一切智。速成無上覺。應以淨妙心。修習菩提行。

若有見如來。如是威神力。當於最勝尊。供養勿生疑。

疏後二偈結勸中。初偈勸修智進行。後偈勸修福斷疑。

○第二南方堅固菩薩。

爾時堅固幢菩薩。承佛神力。普觀十方而說頌言。

疏堅固者。表不壞迴向故。菩提心堅故。觀佛無厭故。

如來勝無比 甚深不可說 出過言語道 清淨如虛空 汝觀人師子 自在神通力
已離於分別 而令分別見 導師為開演 甚深微妙法 以是因緣故 現此無比身

闍十頌多明如來為物所依德。於中分二。初三讚佛勝德。後七勸修辨益。前中初頌明佛體離言。次偈無
相現相。後偈現相所因。

此是大智慧 諸佛所行處 若欲了知者 常應親近佛

闍後七中。舉修有益。即顯佛德深玄。文中分三。初偈指德勸依。即結前生後。

意業常清淨 供養諸如來 終無疲厭心 能入於佛道 具無盡功德 堅住菩提心
以是疑網除 觀佛無厭足 通達一切法 是乃真佛子 此人能了知 諸佛自在力

闍次三示能入者。令物思齊。各先舉行。後彰行益。

廣大智所說 欲為諸法本 應起勝希望 志求無上覺 若有尊敬佛 念報於佛恩
彼人終不離 一切諸佛住 何有智慧人 於佛得見聞 不修清淨願 履佛所行道

闍後三正勸進修。然夫進修畧有五法。謂欲。精進。念。巧慧。一心。初偈明欲。次偈辨念。後偈巧慧。前二正明。

後一反顯。一心精進。攝在志求之中。闍然夫進修等者。釋此三偈。自有二重。一約五法。即智論文。天台取
希慕。一也。身心苦策。二也。念想。三也。方便。四也。一心決志者。五也。止觀無具云。謂前二十法。雖備若無樂欲
云。若能欣集無厭。一也。晝夜匪懈。二也。念念相續。三也。善得其意。四也。一心無異。五也。此人能進前路。一
心喻船枕。巧慧如點頭。三種如篙棹。若少一事。則不安穩。
無此五法。事禪尚難。何況理定。二約九因釋。具如疏鈔。

○第三西方勇猛菩薩。

爾時勇猛幢菩薩。承佛神力。普觀十方而說頌言。

疏淨心智力。見佛盡源。等一切佛。故名勇猛。

譬如明淨眼。因日觀衆色。淨心亦復然。佛力見如來。

如以精進力。能盡海源底。智力亦如是。得見無量佛。

疏十頌分二。前六明感應道交。見佛聞法。後四令捨偽求真。拂見聞相。於此一段。總顯如來見聞弘益之

德。前中前五。各上半喻。下半合。通分爲二。初二見佛。後四聞法。前中初偈。雙明感應。淨心如淨眼。爲見之

因。佛力如日。爲見之緣。如來如色。爲見之境。如人入暗。則無所見。斯則獨因不見也。如明淨日。瞽者莫見。

獨緣不見也。此辨因緣和合。方能見也。此辨因緣者。正同金剛經云。如人有目。日光明照。見種種色。但

日也。後偈偏舉於感。以因奪緣。如出現品云。此非如來威神之力等。便即念言。此是如來威神之力。佛便報

言。此非如來威神之力。若一衆生。於如來所不

譬如良沃田。所種必滋長。如是淨心地。出生諸佛法。如人獲寶藏。永離貧窮苦。

菩薩得佛法。離垢心清淨。譬如伽陀藥。能消一切毒。佛法亦如是。滅諸煩惱患。

眞實善知識。如來所稱讚。以彼威神故。得聞諸佛法。

疏後聞法中。四偈分三。初偈顯因能生法。次二顯得法之益。前偈得權智。能離所知心垢。後偈有根本智。

能除煩惱之患。三一偈顯緣令聞法。故上文云。佛法無人說。雖慧莫能了。

設於無數劫。財寶施於佛。不知佛實相。此亦不名施。無量衆色相。莊嚴於佛身。

非於色相中 而能見於佛 如來等正覺 寂然恒不動 而能普現身 徧滿十方界

譬如虛空界 不生亦不滅 諸佛法如是 畢竟無生滅

爾後四令捨僞求真中二。前一示僞令捨住相施故。以色相見佛。行邪道故。後三顯真令求。初二偈顯真佛。前偈即相非相。故非色能見。後偈即寂而應。故不可以寂取。末偈顯真法。真法無生滅故。

○第四北方光明幢菩薩。

爾時光明幢菩薩。承佛神力。普觀十方而說頌言。

爾以大悲力。運智慧光。朗彼重昏。無所不至。名光明幢。又以智慧。令諸善根無所不至。故。

人間及天上 一切諸世界 普見於如來 清淨妙色身

爾此頌中。多顯如來即體化用周普之德。十頌分三。初一化用廣。亦明化處。次七化用深。亦明化依。後二雙結釋化。

譬如一心力 能生種種心 如是一佛身 普現一切佛 菩提無二法 亦復無諸相

而於二法中 現相莊嚴身 了法性空寂 如幻而生起 所行無有盡 導師如是現

三世一切佛 法身悉清淨 隨其所應化 普現妙色身

爾化依中分四。初四雙明能所依。次一拂其能化心。次一拂其所依體。後一雙融自在。今初。初偈總明一多無礙。依一總心。變多王所。於一實佛。應化多端。故無礙也。次一相二無礙。無相現相。無二現二。體絕能所。故云無二。相依身有。是即二也。然相二相對。應成四句。畧舉其一。無二現二。即於一現多。乃至百千。亦

名二故。次偈顯依性起。起不異性。故如幻無盡。後偈從法身流。舉三世佛。以顯道同。

如來不念言。我作如是身。自然而示現。未嘗起分別。

隨二拂能化心中。謂如摩尼珠。無私成事故。

法界無差別。亦無所依止。而於世間中。示現無量身。

隨三一偈拂所依。謂上無二無相法性法身。即是法界。法界本自無差。亦無定有。爲化依止。由無依無別。

故爲依爲別。故下文云。虛空雖無所依。能令三千世界。面得安住。如空無色。而能顯現一切諸色。

佛身非變化。亦復非非化。於無化法中。示有變化形。

隨四一偈。雙融自在。言非非化者。此有二義。一假非化以遣化。非謂是非化。則上半約體絕待。下半依體

起用。二不礙化故。然真化無二。融爲一身。不壞體用。名依真起。依真起者。則報亦依真。非謂三身。獨一是

化。化。夜見謂是。非化者。此一向是遮。即拂述入玄耳。故昔人云。我言非有者。但言非是有。非謂是非有。如人

故。人執雖無。鬼執卻起。故爲惑耳。故下釋云。上半絕待。則化與非化。兩亡。二不礙化。故者。即重釋亦復非

非化。此即以上化遺於非化。則上何非變化者。即是真身。故亦復非非化者。有化用故。前釋上半是體。下半

一。是用。今此上半自具體用。依於後義。廣釋經文。於中三。先總明然約正。固正嘉興藏作二。身。自有多義。下半

一。法。報合爲真身。應化合爲化身。二法身爲真身。報應皆爲化身。今依此義。故云非謂三身。獨一是化。且

依真起化。畧有二門。一開義。二融合。初中真應各有二義。真中一不變義。謂雖化而常湛然。初句顯之。二

隨緣義。謂不守自性。無不現故。故云亦復非非化。二約化中。一無體即空義。謂攬緣無性。故云於無化法

中。二從緣幻有義。故云示有變化形。二融合中亦二義。一真化別合。二真化融通。初中由真中隨緣即不

變故。是故亦真亦非真。非真非不真。名真法身。化中體空即幻有故。是故亦化亦非化。非化非不化。名爲

佛化身。二融通者。謂由真不變。顯化體空。此真不無。化不有。以爲法身而不無化用。以有化中空義故。又由真隨緣。顯化幻有。此是化不無。真不有。以爲化身而不無真理。以有真中隨緣義故。又由隨緣幻有不異不變體空故。是故現化紛然。未嘗不寂。真性湛然。未曾不化。真化鎔融。爲一無礙清淨法界。宜審思之。正覺不可量。法界虛空等。深廣無涯底。言語道悉絕。如來善通達。一切處行道。法界衆國土。所往皆無礙。

闍第三二偈。雙結釋中。前偈結歸於體。謂智冥真境。等法界故深無底。等虛空故廣無涯。皆絕言道。爲不可量。後偈舉因釋成。所以法界無礙者。智行徧故。

○第五東北方智幢菩薩。

爾時智幢菩薩。承佛神力。普觀十方而說頌言。

闍於佛寂用之境。決斷無礙故。又智導萬行。出生無盡。故名智幢。

若人能信受。一切智無礙。修習菩提行。其心不可量。

闍頌中多數如來應現出生無盡無礙之德。十頌分二。初一標章勸信。信有修行之益。

一切國土中。普現無量身。而身不在處。亦不住於法。

闍後九所信勝德。於中分二。初一總。餘八別。總中上半用而無盡。下半寂而無住。不著應處。不住法體。卽本末雙寂也。通爲寂用無礙。

一一諸如來。神力示現身。不可思議劫。算數莫能盡。

三世諸衆生 悉可知其數 如來所示現 其數不可得

【疏】別中二。初二明無盡。一衆生前。能現無盡身。故衆生可知。佛不可數。

或時示一二 乃至無量身 普現十方刹 其實無二種 譬如淨滿月 普現一切水

影像雖無量 本月未曾二 如是無礙智 成就等正覺 普現一切刹 佛體亦無二

非一亦非二 亦復非無量 隨其所應化 示現無量身

【疏】後六明無礙。於中三。初四一異無礙。亦是本末無礙。一法。二喻。三合。四釋。

佛身非過去 亦復非未來 一念現出生 成道及涅槃

【疏】次一偈。延促無礙。

如幻所作色 無生亦無起 佛身亦如是 示現無有生

【疏】後一偈。性相無礙。

○第六東南方寶幢菩薩。

爾時寶幢菩薩。承佛神力。普觀十方而說頌言。

【疏】以圓淨智。照平等理。不礙應現。隨順一切。如摩尼寶。故名寶幢。

佛身無有量 能示有量身 隨其所應觀 導師如是現

佛身無處所 充滿一切處 如空無邊際 如是難思議

【疏】頌中多顯平等超世之德。十頌分二。前五總顯難思。後五迴超時數。前中初二正明。前一超量現量。後

一超處徧處。故出現品云。譬如虛空。徧至一切色非色處等。如是難思。雙結上二。

非心所行處。心不於中起。諸佛境界中。畢竟無生滅。如翳眼所覩。非內亦非外。

世間見諸佛。應知亦如是。饒益衆生故。如來出世間。衆生見有出。而實無興世。

闍後三展轉釋成。初云。何以難思。若身若處。非生滅心行之境故。何以非心境。佛自不起心故。何以不起。體無生滅故。若爾。何以現見。次偈釋云。病眼所覩。取色分齊。勿謂爲實。次疑云。若爾。豈無如來出現世耶。次偈釋云。自機見耳。上二句以應就感。衆生謂出。末句既因物感。出卽非出。名實不出。故諸法無行經云。如來不出世。亦不度衆生。衆生強分別。作佛度衆生。既無有出。安有沒耶。上三亦初一超心行。次一超內外。後一超出沒。

不可以國土。晝夜而見佛。歲月一剎那。當知悉如是。

闍後五偈。迴超時數而現時數。於中初一偈。結前標後。國土結前處故。

衆生如是說。某日佛成道。如來得菩提。實不繫於日。如來離分別。非世超諸數。

三世諸導師。出現皆如是。譬如淨日輪。不與昏夜合。而說某日夜。諸佛法如是。

三世一切劫。不與如來合。而說三世佛。導師法如是。

闍後四別顯超時。初偈立宗。上半牒妄情。下半正立。菩提是有法。定不繫時是宗法。次偈立三因。一智無分別故。二三世不遷故。三體非有爲之數故。次偈舉同喻。謂日體常明故。不合昏夜。後偈合結。上半合。下半結。合中語倒。若順應云。一切諸如來。不與三世合。又若以超時現時爲宗者。則上宗中。四句皆宗。應云。

菩提是有法。定不繫日。隨機說日。是宗法。因云。體非三世等。不礙三世等故。同喻云。如日輪不合昏夜。以山映故。說有日夜。合云。佛無三世。以不應見機之所映故。而說三世。是則上三句皆合。下一句結。

○第七西南方精進幢菩薩。

爾時精進幢菩薩。承佛神力。普觀十方。而說頌言。

爾勤觀如來。真應皆同。故能平等隨順。一切衆生。名精進幢。

一切諸導師。身同義亦然。普於十方刹。隨應種種現。

爾十頌顯此同義。文分爲二。初一總標。餘九別釋。前中上半正標。下半畧顯同相。言身同者。三身十身。皆悉同故。義亦然者。此含多意。一旦約三身體。依聚義。無不同故。所覺能覺。覺他同故。又義名所以。所以得名佛者。正覺真智。力無畏等。無不具故。得名爲佛。佛佛皆然。故義同也。又應用利樂。無不同故。故攝論第十云。諸佛法身。應知恒時能作五業等。二十一種功德之中。名爲速得一切佛平等性。所依樂業。作業無差別故。總義亦然者。下出三意。一釋三身。及與佛義。體即法身。依是報身。聚是化身。所覺下。所覺自法身。身。一心一智慧。力無畏。亦然。諸佛法身。即應化法身。言五業者。攝論云。第一救濟有情。災橫爲業。於暫時見。便能救濟。盲聾狂等。諸災橫故。二救濟惡趣爲業。拔諸有情。出不善處。置善處。故。三救濟非方便爲業。業。令諸外道。捨非方便。求解脫。行置於如來聖教中。故。四救濟蘊遮耶見爲業。授之能超三界。道。五救濟諸平等。若梁攝論。當第十五。二十一。下指上品。二約十身釋義。同者。皆通三世間。彼此互望。無差別故。種所用。依智等。三事。佛平等。無性亦明。是利他德。二約十身釋義。同者。皆通三世間。彼此互望。無差別故。種利樂。居然是同。此有三因。一行海齊滿。二大願齊具。三同一法性故。非唯相似。亦一即一切。互相融故。餘如問明品說。下半同相。畧舉應用同。以應卽真故。非應之外。別明法身是同。然普有二義。一約諸佛。謂

無有佛不徧十方故。二約一佛。謂無一方而不現故。

汝觀牟尼尊 所作甚奇特 充滿於法界 一切悉無餘 佛身不在內 亦復不在外

神力故顯現 導師法如是 隨諸衆生類 先世所集業 如是種種身 示現各不同

諸佛身如是 無量不可數 唯除大覺尊 無有能思議

闕後九別釋中分二。先四頌正釋。後五頌轉釋。前中初偈。釋前普於十方。無餘二義。一無處不徧故。二一切皆佛身故。諸佛本師。二頌影畧。次偈釋前現義。謂有感方現。故云非內。神力能現。故云非外。次偈釋前

隨應種種義。一隨物類則十法界等。萬類殊應。二於一類中。隨其先業。各見不同。如金色塗灰等。後偈釋

前身同之義。結成難思。佛身皆同。無數量故。唯除大覺者。佛佛同證故。

如以我難思 心業莫能取 佛難思亦爾 非心業所現 如刹不可思 而見淨莊嚴

佛難思亦爾 妙相無不現 譬如一切法 衆緣故生起 見佛亦復然 必假衆善業

譬如隨意珠 能滿衆生心 諸佛法如是 悉滿一切願 無量國土中 導師興於世

隨其願力故 普應於十方

闕後五轉釋中。從後向前。釋上四偈。前四兼喻。後一唯法。於中初二釋第四無能思議。一以我爲喻。謂如

妄計之我。本無所有。故不可思。此以妄計情有理無。非聖智境。以況法身理有情無。非下位測。後偈以刹

爲喻。喻雖絕相難思。而不礙相。次一偈釋第三隨業異現。所以要隨業者。同一切法。必假緣故。此以總喻

別。次一偈釋第二非內外義。如珠現物。雖非內外。能滿佛心。後偈釋充滿法界義。所以能滿者。本願普周

故

○第八西北方離垢幢菩薩。

爾時離垢幢菩薩承佛神力普觀十方而說頌言。

隨真如體淨。能成白法。復淨世間。故名離垢。隨真如體淨。第八迴向中。義復淨世間。即今偈意。

如來大智光。普淨諸世間。世間既淨已。開示諸佛法。

設有人欲見。衆生數等佛。靡不應其心。而實無來處。

隨十頌多歎如來淨德。前六淨他。後四自淨。前中前二總明。後四別釋。今初。前偈智淨。妄惑既寂。真智不

無。開示無我知見性相。故名爲法。後偈身淨。謂拂應顯真。隨妄惑既寂等者。揀異斷空。開示已下。即法華開示悟入意也。

以佛爲境界。專念而不息。此人得見佛。其數與心等。成就白淨法。具足諸功德。

彼於一切智。專念心不捨。導師爲衆生。如應演說法。隨於可化處。普現最勝身。

佛身及世間。一切皆無我。悟此成正覺。復爲衆生說。

隨後別釋中。前二釋第二偈。後二釋初偈。前中初偈。正明欲見諸佛。應專佛境。隨念隨現。故名心等。又了

心境。卽佛真性。迷則不知。念則便現。次偈轉釋專念之義。無漏具德。故能專念。隨念隨現者。此有二意。一隨念多少。佛亦等之。如

稱一口。有一化佛等。二隨念淺深。佛應稱之。見有優劣。又了心境下。約觀心釋。卽心卽佛之義耳。後二中。前偈釋普淨世間。說法現身而能淨故。後偈釋

開示佛法。示其所悟。二無我故。

一切人師子。無量自在力。示現念等身。其身各不同。世間如是身。諸佛身亦然。

了知其自性 是則說名佛 如來普知見 明了一切法 佛法及菩提 二俱不可得
導師無來去 亦復無所住 遠離諸顛倒 是名等正覺

爾後四自淨中。初一已淨差別之用。後三內淨三德。一見性成佛。自開法身。稱性現應。次偈無得成佛。自開般若。佛法所覺。菩提能覺。必能所相因。故俱得。無所得者。則得菩提。後偈離妄成佛。自開解脫。不動無住故。妄倒斯寂。名真解脫。

○第九下方星宿幢菩薩。

爾時星宿幢菩薩。承佛神力。普觀十方而說頌言。

爾解佛徧應法界之身而不離法性。若彼星宿。粲然羅空。不可縛著。故以爲名。

如來無所住 普住一切刹 一切土皆往 一切處咸見 佛隨衆生心 普現一切身

成道轉法輪 及以般涅槃 諸佛不思議 誰能思議佛 誰能見正覺 誰能現最勝

爾十頌顯佛此德。分爲三別。初三總顯卽體之應。次六別釋體應自在。後一拂去自在之迹。前中初偈約

處顯身之徧。謂法性身。則無所住。約自受用。則無所不住。名爲普住。約他受用。及變化身。有感則往。故云

一切土皆往。若約十身。無處非佛。故云一切處咸見。爾謂法性身者。此初一偈上三句約四身說。徧第四

有虛空處。卽虛空身。有國土處。卽國土身等。故無非佛身矣。次偈約機顯身之多。故云一切及八相事。皆由物感。後偈結歎難思。初云

總標。下三句顯相。二句約感不能思。思唯約心。見通心眼。下句約應難思。云誰能現。

一切法皆如 諸佛境亦然 乃至無一法 如中有生滅 衆生妄分別 是佛是世界

了達法性者。無佛無世界。如來普現前。令衆生信喜。佛體不可得。彼亦無所見。
【疏】次六別釋中。初三順釋。後三反釋。今初。初偈釋前誰能現義。謂現卽同如。無生滅故。次偈釋前誰能思義。謂起心而思。是妄分別。有依有正。法性之中。能所斯寂。後偈釋前誰能見義。謂能應隨緣。體本自無。能感之機。竟何所見。

若能於世間。遠離一切著。無礙心歡喜。於法得開悟。神力之所現。卽此說名佛。
三世一切時。求悉無所有。若能如是知。心意及諸法。一切悉知見。疾得成如來。

【疏】後三反釋中。謂由無思見等。方能思等。則反顯前有思見等。不了佛境。於中初偈無思思。要無著無礙。故。次偈無現現。神力之現。體卽虛故。後偈偈明無見見。躡前無所有。爲見前稱實之見。非唯見佛。亦得疾成。
言語中顯示。一切佛自在。正覺超語言。假以語言說。

【疏】三一偈拂自在之迹者。上明自在。尙假言詮。正覺超言。故拂言迹。超言亦假。應忘契之。
○第十上方法幢菩薩。

爾時法幢菩薩。承佛神力。普觀十方而說頌言。

【疏】知真實之法。普入法界。則所修行。皆無分量。故名法幢。知法名佛。故先讚見佛之益。
寧可恒具受。一切世間苦。終不遠如來。不覩自在力。

【疏】十頌雙顯佛法難聞。於中分二。前四讚佛。勸人聞見。後六讚法。勸物聞求。前中初一。正令甘苦近佛。
若有諸衆生。未發菩提心。一得聞佛名。決定成菩提。若有智慧人。一念發道心。

必成無上尊。慎莫生疑惑。如來自在力。無量劫難遇。若生一念信。速證無上道。
圖後三釋其所以。畧舉三事。初偈聞名益。次偈發心益。後偈生信益。既受苦得聞。成斯勝益。受樂不觀。不免長淪。故應甘苦而近佛也。

設於念念中。供養無量佛。未知真實法。不名爲供養。若聞如是法。諸佛從此生。
雖經無量苦。不捨菩提行。一聞大智慧。諸佛所入法。普於法界中。成三世導師。
雖盡未來際。徧遊諸佛刹。不求此妙法。終不成菩提。衆生無始來。生死久流轉。
不了真實法。諸佛故興世。諸法不可壞。亦無能壞者。自在大光明。普示於世間。

圖後六中。已遇良醫。復須法藥。於中初二。由聞實法能成行法。前反後順。次二由聞理智成於果法。前順後反。後二以感應釋成。前偈佛興。由生迷實。後偈說法。示於真實。不動實際。建立諸法。則性不可壞。不壞假名而說實相。則相不可壞。斯則天魔外道等皆法印。故無能壞。餘如十藏品。上十菩薩之偈。應以六相圓融。圖上十菩薩下。總結言六相者。一總顯佛德。二別則十種德殊。三同則同明佛德。四異則十德互望不同。五成則共成佛德。六壞則各住自性。所以偈後無結通者。爲顯法界兜率讚德異故。猶彼處處文殊。偈偈各別。顯佛德無盡故。

圖已上各說一法。共成十迴向心。或但說有。衆生著有。或但說無。衆生著無。如經星宿幢菩薩頌云。衆生妄分別。是佛是世界。了達法性者。無佛無世界。法幢菩薩頌云。寧可恆具受。一切世間苦。終不遠如來。不觀自在力。此二頌皆相成就有無。恐墮邊見。餘例知。如觀十方。何意爲觀衆意之同別。亦觀十方世界諸佛法同不二。兜率天宮偈讚品竟。

大方廣佛華嚴經疏論纂要卷第四十六